


AUG. 7394








SCINTILLA  
CORDIS  
PER  
EXERCITIA  
SPIRITUALIA  
SANCTI P. IGNATII  
FUNDATORIS S. J.

CEU  
IGNE DIVINI AMORIS ACCENSA  
fufius explicata

à R. P. NICOLAO ELFFEN  
SOCIETATIS JESU.



*reimpreffa*

BRUNSBURGÆ

TYPIS COLLEGI SOCIETATIS  
JESU.

ANNO MDCCXXIV.

SCINTILLA

COROLIA

PER

EXHIBIT

28 APRIL 1844

SAINT PETER'S CHURCH

ST. PETER'S CHURCH

ST. PETER'S CHURCH

ST. PETER'S CHURCH

ST. PETER'S CHURCH

ST. PETER'S CHURCH

4937

ST. PETER'S CHURCH

ST. PETER'S CHURCH

ST. PETER'S CHURCH

ST. PETER'S CHURCH

ST. PETER'S CHURCH

ST. PETER'S CHURCH

# PERILLUSTRI

ET REVERENDISSIMO DOMINO,

D. JOACHIMO GÖNNER.

Canonico, Officiali Livonia,  
Archidiacono Cathedrali, &  
Sede vacante, Episcopatus Li-  
vonia & Piltinensis Admis-  
nistratori, Præposito Mitta-  
viensi, &c. Domino & Me-  
canati colendissimo.

**Q**uem à binis retro sæ-  
culis è Pyriis pulve-  
ribus, ad Pampejopolis  
mænia, in orbis vitale incen-  
dium, ad expianda urbium  
scelera, cordium facinora, in  
firmato super Apostolicam Pe-  
tram Ignatio, ignem elicuit

(2)

Dexte-



Dextera Omnipotentis; hujus  
Scintillam, suo adhuc in vigo-  
re superstitem, in te pescenti or-  
bi iterum communicaturi, Tu-  
is gratiarum Ethesis, foven-  
dam committimus. *Per Illustris Reverendissime Domine.*  
Fateor rubore suffundi genas,  
ipsamq; prope expallescere pa-  
ginam, dum ardentiori zelo  
inflammatum animo scintillam  
porrigimus: Videmur, in illu-  
stri die facem accendere, tæ-  
disq; contra serenam solis faci-  
em dimicare. Quis enim è  
scintilla splendor, quæ gloria  
ex favilla. Verum ignosces fa-  
cile importunæ audaciæ, ubi  
hanc, quam vilem in nomine,



in opere reperies præstantissi-  
mam. Hæc namq; una est è  
Seraphicis ignibus, quos igni-  
tus Pater, alter syderei ignis,  
Atlas, Divinior planè Prome-  
theus Lojola, cœlo terris intul-  
lit, cujus virtute flagitiorum  
Pentapolis, peccatorum mœ-  
nia, pergama iniquitatis abiis-  
se in favillam, suâ orbis didicit  
experientiâ. Exarserat totus  
pæne orbis non laudandis is-  
gnibus, quos ubiq; ipse incen-  
derat avernus, nec aliud  
sperabatur, nisi novus post  
sæcula ex hac impuden-  
ti Ætna Phæëton, qui orbem  
in flammâs ageret, sed contra  
pessimum ardorem, optimam

flam̃am submisit polus, Divis  
niorē ab ipsis Superis præpara-  
tum universo ignem, Ignati-  
um, qui vel in fluminibus ar-  
debat, ut rogam in arido Stry-  
gis mancipio extingveret; Il-  
latus hic à DEo Ignis, Sua hac  
Scintilla, grande hoc vitio-  
rum bustum solvit in cineres,  
Ætnamq; æstuum velanorū,  
infelicissimum amoris incena-  
rium mira vertit Metamor-  
phosi. O quot non absumpsit  
vitiorum machinas hæc cœli  
facula? vix datur civitas, quā  
non signaverit, vix locus aut  
sedes, quam calore non in-  
flam̃averit, vix urbs in orbe,  
quam æstu suo non incenderit.

Hæc

Hæc Xaverium, grande illud  
Ecclesiæ Indicæ column sum-  
psit in pabulum, & ex Saxeo  
igneum, ex adamantino fecit  
Ignatianum. Mirantur hujus  
Scintillæ robur, quotquot Lo-  
jolanam incoluere Manresam,  
ut qui nullam prius coelestis  
incendii sensiêre faculam, à  
calore hujus, toti in flammâs  
solverentur. Et jam non ambi-  
go, quòd Thaumaturgam  
hanc cœli Scintillam, quam  
Tuis gratiarum Favonis cõ-  
missam vides, gratiose digna  
beris oculo, non ignarus quòd  
eam in intimis pridem recons-  
dideris fibris. Talem hæc diu  
per oras & ora gentium quæ-  
(4) sivit

sivit Patronum, qui igneus esset, aut Ignatianus. Utrumq; reperit pulchrâ Paranomasiâ colligatum in Te *Per Illustris Domine*, qui, quidquid spiras ignis est, quidquid loqueris flamma est, zelo gloriæ divinæ succensa. Non tamen in Te me peccasse suspiceris, quòd Ignatianū appellaverim; qualem te eximia in minimam Societatem JESU abundè probat benevolentia. Igneum Te dixi, ignem merum dixisse debueram, qui flammās geris pro medullis, & cordis locò, pietate zeloq; succensus focus Tibi pectus occupat, ità, ut si in hac regnantium sectarum hyeme,  
novum



novum iterum quæreremus  
Basilium, qui frigescentes in-  
flammeret; haberet orbis,  
quod in Te coleret: prædica-  
rent singuli, adorarent univer-  
si. Si Fidei Defensorem deside-  
rat Religio, magnis te exæstu-  
ans in fidei incrementa ardor  
Ecclesiæ comparabit Heroi-  
bus, qui undiq; in succrescen-  
tia hæreseon monstra compa-  
rastela, ut efferam illarum res-  
tundas & frangas audaciam.  
Neq; tamen Tuus hic animi  
fervor, uno se finit arctari cly-  
mate; verum impatiens claus-  
stri, claudiq; nescius, ulteriora  
semper exambit, viamq; sibi  
per invia facit, ut etiam in  
um-

umbra mortis jacentibus Re-  
gionibus, fidei lumen injicia-  
tur. Planè eadem Te febris  
torret, quæ magnum Mace-  
donem, nisi inter appetitum  
sanctius discrimen intercedat,  
& æquè tibi unus non sufficit  
orbis. Imò exiguum videba-  
tur, quidquid Borussia strenuo  
in prædam labori, quidquid  
ardentibus in pabulum deside-  
riis obtrudebat; quasi nihilum  
esset, quod de circumstante vi-  
nea, aut proximis agris labor  
Apostolicus colligere poterat:  
Ultra Curoniæ limites perre-  
xisti, ut hæc quoq; Tuis accen-  
deretur æstibus, & quæ hæc-  
tus vix aliquam Empyreï i-  
gnis

Re- gnis gustaverat faculam, Te  
icia. æstuante tota in flammâs solve-  
bris retur. Et certè arrisit votis æ-  
lace- ther, ubi hanc mundi plagam  
itum una cum ferinis moribus expi-  
edat, âsti, & plures, quàm hæresis  
fficit obtrudendas somniabat ani-  
leba- mas, vitali Tuo incendio ex-  
enuo purgâsti. Laxarem hic oratio-  
quid nis habenas, ad decurrendum  
eside- encomiorum passibus am-  
ilum plissimum virtutum Tuarum  
te vi- campum; omnem moverem  
abor lapidē, ut rudi licet stylo gran-  
erat: dem Tuam Sapientiam, non  
erre- paginis tantum, sed cedris in-  
ccen- scriberem: Verum formido ne  
actes inconsultæ temeritatis argu-  
rei is ar, si ea ad certum computum  
gnis redi-

redigere contendero, quibus  
texendis Herculeas non expe-  
dit præfigere columnas. Quare  
dum Elogia Tua Pythagoricâ  
cogor venerari facundiâ, svadâ  
in preces versâ: Oro superos, ut  
Te Ecclesiæ servent absq; invi-  
dia, quo-usq; Pietas Propagato-  
rem, Religio ornamentum, grex  
fidelis, fidelio rem optabit Pasto-  
rem, ut sic Platonicos incolu-  
mis, revolvās annos, & novâ  
semper factorum meritorumq;  
in Vineâ Domini gloriâ, fastos  
& sæcula impleas. Ita Vovet

MAGNO NOMINI AC  
HONORI TUO.

*Devinctissima Typographia  
Collegij Brunsvicensis  
Societatis JESU.*





## PRÆFATIO AD LECTOREM.

AMICE LECTOR.

**P**RO certo habe tractationem atque usum  
Exercitiorum S. P. Ignatii, post dignam  
Pœnitentiæ & Eucharistiæ frequentati-  
onem ( quæ Sacramenta Christus instituit )  
unum ex efficacissimis esse medijs ad exi-  
mum aliquem sanctitatis gradum pertin-  
gendi. Testatur illud Paulus Tertius Pon-  
tifex Maximus in ea Bulla, quâ Exercitia  
spiritualia sancti Parentis approbavit tan-  
quam pietate & sanctitate plena, & ad ædi-  
ficationem & spiritualem profectum fide-  
lium valde utilia & salubria, per quæ uberes in  
Ecclesia DEi fructus, ubique gentium produ-  
cantur. S. Carolus Borromæus S. R. E. Car-  
dinalis, & Mediolanensis Archi-Episcopus,  
postquam semel delicias Ignatianæ Asce-  
scos delibavit, eâdem bis quor annis, quoad  
vixit, ad octo vel quindecim dies animum  
excoluit; & dum id faceret, semper sibi u-  
num è Societate JESU Sacerdotem ducem  
mentis suæ & arbitrum delegit: quin &  
paulò ante obitum suum per has pretiosas  
DEo viventium, & in Domino morientium  
occupationes, voluit sese ad beatam, im-  
mortalemque vitam sanctè comparare, u-  
sus tunc temporis directione P. Francisci  
Adorni, ducis sui spiritualis, & ordinarii

A

Con-

## 2 Præfatio ad Lectorem

Confesarii, in cujus præsentia postmodum sanctam animam suam, innumeris decoratam meritis, Conditori reddidit; eidemque Patri post mortem gloriosus apparens, prædixit non multò post & ipsum è vita discessurum, quod & ita prorsus evenit. Si tantis sacras hæcce Exercitationes fecit Cardinalis ille, vir sanctus; si in eisdem tam sæpè & tam multùm ipse versatus est, quid tibi incumbet, Christiane Lector, qui non sanctus es, ut ille, sed scates undique fœdâ peccatorum tuorum illuvie? Erit sanè operæ pretium & in rem tuam plurimùm conducet, ut domui tuæ disponas & tecum ipse rationes antè conficias, quàm ad districtum supermi premi Judicis tribunal evoceris; præcipuè cùm apud innumeros homines id etiamnum quotidiana testetur experientia, per D. Ignatii meditationes rite usurpatas admirandam, subitam, & stabilem vitæ in melius emendationem, uberem in virtutum semita progressum, certa in rebus dubiis consilia, iis præsertim, quæ statum vitæ concernunt, magnum in divinis mysteriis cognoscendis lumen, profundam propriæ infirmitatis notitiam, novum denique fervorem, & conatum in DEi servitio acquiri & obtineri. Quid memorem lapidam illam interiorum gaudiorum copiam, quâ DEUS in

in sacro hoc secessu sæpè ( dico sæpè quia  
 justis de causis aliquando sensibilem illam  
 oblectationem subtrahit ) non modò ani-  
 mam, sed & ipsum adeò corpus profundit?  
 Quid dicam de interna quiete conscientiae  
 quam percipiunt illi, qui peccata sua in hac  
 divina eremo cum amaritudine animae suae  
 recogitant & expiant? Hoc unum dico,  
 Exercitia hæc, verè esse sanctam aliquam  
 coelestium gaudiorum promulsidem, &  
 prægustatam æternæ, & imperturbabilis  
 pacis dulcedinem. Quare omnes & singu-  
 los cum Propheta Davide sic liber alloqui:  
 Gustate & videte quoniam suavis est Do-  
 minus. Ps. 33. v. 9.

### MONITA COMMUNIA.

ad Exercitia piè obeunda, perquàm utilia.

1. **E**Xercitia spiritualia erudiunt nos, qua  
 ratione conscientiam nostram discu-  
 tere, meditari corde & ore orare & de-  
 nique omnis generis pias occupationes, cum  
 fructu tractare debeamus; unde iis anima no-  
 stra, & conscientia purgatur, atque ita fit  
 aptior & alacrior ad voluntatem DEI ple-  
 niùs cognoscendam, & exactiùs adimplen-  
 dam: sicut enim medicinam sumere, ire,  
 currere, laborare, exercitia sunt corporalia,  
 eò quòd ad corporis sanitatem adhibita,  
 conducant; ita quoque præparare, inquit

## 4 Monita pro exercitiis

S. Ignatius, & disponere animam ad tollendas affectiones omnes malè ordinatas, & iis sublatis, ad quærendam & inveniendam voluntatem DEI, circa vitæ suæ institutionem, & salutem animæ, Exercitia vocantur Spiritualia.

2. Finis horum Exercitiorum est perfecta spiritûs renovatio, ad exemplar & imaginem vitæ JESU Christi, juxta illud Apostoli Pauli: Induimini Dominum JESUM Christum. Rom. 13. v. 14. Et iterum: Induite novum hominem, qui secundum Deum creatus est in justitia & sanctitate veritatis Eph. 4. v. 24. Quemadmodum ergo tabula seu imago, vetus & obscurata, si renovanda est, primò quidem elui debet, & pulveres omnes abstergi; tum detriti colores refarciri tum quæ reparata sunt fulgidis quibusdam ac gummosis pigmentis illini; ita & tu, ut imago animæ tuæ conformetur prototypo suo, vitæ JESU Salvatoris tui, debes ab illa omnes peccatorum sordes, & pulveres abluere; debes illam virtutum coloribus depingere, & nitido cœlesti charitatis pigmento prorsus obducere & collustrare. Atque hæc causa fuit, quare S. Ignatius meditationes suas ad tres Perfectiōis vias accommodarit; ad viam purgativam, exercitia de peccatis & de novissimis.



ad viam Illuminativam, sive virtutum ( nam  
virtus lumen est, sicut peccata sunt tenebræ )  
meditationes de vita Christi Salvatoris no-  
stri, ex cujus mysteriis omnium optimè  
virtus elucet; ad viam denique Unitivam  
contemplationes de gloriosis Christi my-  
steriis, de beneficiis & amore DEi, atque his  
omnibus fundamentum præfixit conside-  
rationem finis, ob quem creatus est homo,  
quam & propterea Fundamentum appel-  
lavit.

3. Ad primum sacrae Eremitæ ingressum  
Patronum tibi è Sanctis unum delige, cui  
omnia diei opera committes, eumque im-  
pensè pro felice spiritus tui renovatione  
precaberis.

4. Magno & alacri animo opus aggre-  
dere, & magnam pone fiduciam in abyſſo  
misericordiæ, bonitatis, & liberalitatis DEi  
tui, qui, cum etiam errantes quærat, & à se  
profugos insequatur, quantò magis eos ad-  
mittet, & amplexabitur, qui sponte suâ,  
prompto & parato animo in amplexus ejus  
sefe ingerunt, Voluntas enim ipsius, est san-  
ctificatio nostra.

5. Neque Exercitia incipies eâ mente,  
ut spiritualem aliquam dulcedinem & so-  
latium In iis degustes; sed multò magis, ut  
agnoscas, quid DEUS à te fieri, & omitti  
A 3 velit

## 6 Monita pro exercitiis

velit, utque omnem affectum tuum discas à terrenis rebus avellere, & illum penitus Conditori tuo affigere.

6. Ad divinam voluntatem & beneplacitum esto indifferens in iis omnibus, in quibus adhuc liber es: ideoque obstinata consilia, & obfirmata proposita, quæ mutare nolis, huc asserenda non sunt: DEI enim donis & gratiis præfigi termini non debent, quasi eò usque, & non ultrà illuminari & juvari velis: nam præterquàm quòd prorsus est inconveniens, hoc modò creaturam cum Conditor suo agere, quisquis talis est, sibi imprimis nocet; tum, quia amplioribus se ipsum gratiis spoliatur, quas dubio procul illi DEUS largiturus erat; tum quia illiberalis ista parsimonia erga DEUM meretur, ut nec illud quidem, quod cæteroquin desiderabat, assequatur. Proinde dilatandus est sinus cordis nostri, & omni modo optandum, ut quàm arctissimè DEO uniamur.

7. Abstrahere omnino animum ab omnibus aliis negotiis, ab amicorum & cognatorum colloquio, ab omnibus rumusculis, nuntiis, & litteris, cujusmodi res replent animum multis noxiis imaginationibus, conceptumque fervorem sæpe omnem suffocant. Quin conare adeo omnes de rebus aliis cogitationes eliminare, ac si hoc unum  
in

in mundo foret negotium tuum, & præter hoc nullum aliud juxta vetus adagium: Hoc age.

8. Omni diligentia sensus externos custodi, præcipue oculos, aures & linguam, cum nullo misce colloquia, nisi necessitas aut urbanitas id exigat; neque cubiculo unquam, nisi necessarium fuerit, egredere.

9. Erga eum, quem exercitiorum tempore directorem habes. ita te gere, pro ut in tertia parte Cibi Electi, Instructione 4. doceris. Admitte illum velut magistrum, & ducem ambiguae vitae tuae. Confidere hic nimium propriae doctrinae, ingenio, prudentiae, est semetipsum seducere. Nihil coram hoc instructore occulta, nihil dissimula: sed totum cor tuum, omnesque animi recessus candidè illi patefacito: manifesta eidem, quo pacto quaelibet meditatio successerit, quas in & extra meditationem consolationes, desolationes, illuminationes, peculiare gratias, & quæ desideria senseris: in omnibus illi perfectè obtempera, in materia & modo meditandi, in lectione librorum, in præscripto diei ordine, in poenitentis & macerationibus corporis. Cave verò imprimis, ne cæco impetu & ardore abreptus, sine ipsius consensu & approbatione ullo te voto obstringas. Verbo, quò eris in

## 8 Monita pro exercitiis

sequendo ductore tuo accuratior; eò eris ad percipienda uberiora divinæ gratiæ auxilia magis dispositus. Humilitas enim & simplicitas rectissimâ viâ ad infinitos divini cordis thesauros aditum inveniunt.

10. Ad methodum, modumque meditando quod attinet, serva illum, qui in prima parte Cibi Electi propositus est; quare & ille Exercitiorum initio, vel pridie, semel percurri potest ac relegi.

11. Quotidie opus aliquod pœnitentiæ, cum consensu tamen Confessarii perage, cujuscumque sunt, flagello se cedere; cingulo cilicino se accingere; in cibo sibi ipsi aliquid subtrahere; non tamen æquè somno; ut caput toto die intensum, nocturnâ quiete relevari possit.

12. Cum consilio Confessarii libros sacros perlege, non prurientes auribus, sed qui cor penetrent, & feriant; tales sunt libellus de Imitatione Christi; Tractatus Patris Rodericii; Vitæ Sanctorum, sacrosanctum Evangelium; ex quo tamen nihil aliud, præterquam mysterium, quod eâ die meditando occurrit, legendum est, sacra enim lectio & meditatio debent sibi mutuò esse adminiculo.

13. Adnota & refer in chartam non prolixè, sed breviter, quidquid bonus DEUS



in vel extra meditationem tibi inspiravit; siue illud voluntatem concernat, ut sunt sancta proposita; siue intellectum, ut sunt certæ veritates, quas agnovisti, aut lumina in materia fidei, cæterarumque virtutum. Quod scripto consignas, debet plerumque esse regula & dictamen aliquod, ad quod secuturam vitam accommodes: advertendum tamen hîc etiam, ne animus legendo, scribendove fatigetur. In omnibus enim primæ meditationi debentur, cui subservire & subordinari cætera omnia oportet.

14. Invisè per diem aliquoties Venerabile Sacramentum; aut si ad illud deest occasio, verso ad vicinissimum templum vultu & corpore, ea perage pietatis officia, quæ aliàs exercere soles, dum sacratissimum Sacramentum visitas.

15. Attende, ut oclidianum hoc tempus summâ animi puritate transigas, neque ullum in eo veniale peccatum deliberatè & advertenter admittas.

## ORDO DIEI

### PRO EXERCITIIS.

**H**Orâ quartâ surgitur: visitatur Venerabile Sacramentum: peraguntur preces matutinæ. In Pane Parv. 4. ptric. Instruct. 2.

Mediâ 5. Horaria meditatio. Cib. Elect. part, 1, Instruct. 1, §. 4. & 5.

A 5

Media

## 10 Monita pro exercitiis

Mediâ 6. Recollectio de successu meditationis: ibidem §. 6.

Horâ 6. auditio Sacri. Pan. Parvul. parte 4. Instr. 14.

Horâ 7. ad quadrantem ante nonam oratio vocalis; annotatio propositorum & luminum; præparatio ad generalem Confessionem.

Quadrante ante 9. Præparatio ad subsequentem meditationem.

Horâ 9. Horaria meditatio

Horâ 10. Recollectio de successu meditationis, annotatio.

Quadrante post 10. Generale Examen, Pan. Parv. Parte 3. Instruct. 7.

Mediâ 11. Prandium ibidem. Instruct. 5.

Horâ 11. Spirituale colloquium cum Confessario; lectio Vitæ alicujus Sancti; & sancta quædam animi relaxatio.

Horâ 12. Visitatio Venerabilis Sacramenti, Litanæ B. V. & dulcissimi nominis JESU; Examen particulare, cujus materiam infrâ invenies.

Horâ 1. Præparatio ad generalem Confessionem; annotatio propositorum; lectio Thomæ à Kempis.

Horâ 2. Consideratio vel lectio tarda & attenta illius, quod è libello Exercitiorum legendum quotidie infrâ tibi assignatur.

Horâ

Horâ 3. Exercitium corporale, vel vocalis oratio; visitatio Venerabilis Sacramenti, Vesperæ, Completorium.

Mediâ 4. Lectio præscripti libri spiritualis.

Horâ 4. Matutinum & laudes pro die sequente, aut alia vocalis oratio.

Quadrante ante 5. Præparatio ad meditationem.

Horâ 5. Horaria meditatio.

Horâ 6. Recollectio, annotatio.

Mediâ 7. Cœna.

Horâ 7. fiunt omnia, uti post sumptum prandium, cum visitatione Venerabilis Sacramenti.

Horâ 8. Litanix omnium Sanctorum; præparatio ad meditationem crastinam; Examen generale, Particulare.

Quadrante ante 9. Preces vespertinæ, & quies nocturna. Pan. Parv. 3. parte Instruct. 8.

Circa ordinem hunc diei advertendum est, posse cum consilio Confessarii illum immutari, si ita necessarium & utile visum fuerit.

## MONITA

PRO MEDITATIONIBUS FUNDAMENTI

& viæ Purgativæ.

I. **S** P. Ignatius meditationem de ultimo fine hominis Fundamentum inscripsit, quia hujus veritatis cognitio basis est vi-

te christianè sanctèque traducendæ, & ingressus ad triplicem perfectionis viam feliciter decurrendam.

1. Tres primi Exercitiorum dies, eò collineant, ut plenè cognoscas, ad quem finem sis conditus; ut inrimè doleas, te à fine tuo toties & toties aberrasse, ut animum tuum emacules ab omnibus peccatis, & affectibus inordinatis per contritionem seriam & genuinam; per poenitentix opera; per vitæ commutationem in melius.

3. Proinde nemo ullus, quantumcunque in virtutis via promoverit, meditationes de peccatis, & quatuor novissimis intermittat: nemo eas obiter peragat, & cum fastidio. Velle altum sapere, ac in ore menteque versare continuò gloriosa Christi vitæ mysteria, & infinitas DEi perfectiones, simulque oblivisci suummet nihilum ac indignitatem propriam, est arces in concavo lunæ excitare.

4. Ut primùm manè lectulo consurgis persuade tibi, te esse ægrum aliquem, qui peccatorum ulceribus & sanie fluat undique; Aulicum perfidum & proditorem, cujus perfidia supremo Numini; & Regi regum, cunctisque Cœlitibus nota sit & perspecta; captivum, cujus animi in corpore velut in ergastulo à peccatis & affectionibus

bus non modò vincula teneatur, sed dirum etiam in modum cæsa sit, & cruentata.

5. Evitabis risum omnem & jocos, cogitationes amoeniores de gloriosis fidei nostræ mysteriis ipsum etiam solaris lucis claritatem, januis & fenestris clausis arcebis, nisi quando vespendum, scribendum, aut legendum erit.

6. Particulare examen primo exercitiorum die institues de fine tuo ultimo, & omnem adhibebis operam, ne vel minimum hodie quid facias, quod divinæ gloriæ, & tuæ saluti adversetur. Dic crebrò per diem cum D. Ignatio: Omnia ad majorem DEi gloriam; cum Davide: Quid enim mihi est in cœlo, & à te quid volui super terram, DEUS cordis mei, & pars mea DEUS in æternum Ps. 72. v. 25. Vel verbis à temetipso conceptis, dicito: Mi DEUS, doleo medullitus, quod tuæ gloriæ, meæque salutis, tam parum hæcenus studuerim. Tibi soli deinceps serviam. Per duos sequentes dies sit Particulare examen de dolore peccatorum, ex amore DEi offensi, caveaturque summo studio, ne in præsens quid admittas, DEO displicens. Preces jaculares esse poterunt sequentes: Vide humilitatem meam, & laborem meum, & dimitte universa delicta mea Ps. 24. v. 18. Tibi soli peccavi, & malum co-

A 7. *nam salutem* ram



ram te feci. Ps. 50. v. 6. Ex corde doleo, quòd te DEUM meum offenderim. Malo millies mori, quàm peccare in DEUM meum.

## D I E S P R I M U S

### MEDITATIO PRIMA.

De Fundamento,

sive ultimo fine hominis.

**P**unctum I. Creavit DEUS hominem ad imaginem suam Gen. 1. v. 27. Homo totius Universitatis centrum est, in quo creaturarum omnium perfectiones concurrunt; ipse est operum divinorum brevis summa & compendium: subsistit enim cum elementis; vivit cum floribus, herbis, & arboribus; sentit cum animantibus, intelligit & contemplatur cum Angelis. DEUS itaque ex mero in te amore, nullatenus tui indigens, absque te omnimodè, hoc est, infinite felix, ex multis tamen millibus creavit te, deditque tibi corpus integrum: quinque sensibus externis exornatum, cujus erecta in coelos forma docet quærere & desiderare cœlestia. Corpori nobilissimam DEUS animam indidit, eidemque effigiem suam impressam & insculptam voluit; nam anima sicut & DEUS purus est spiritus, immortalis, in substantia sua simplex, tribus decorata potentiis, memoriæ, intellectus, & vo-

luntatis, dat vitam corpori, & operatur omnia in omnibus sensibus, & membris corporis; atque ita est naturalis & scitè elaborata imago DEI. Insuper humana anima, est capax divinæ gratiæ, quæ participatio & particula est divinæ auræ, sive divinitatis, & quam in sacro Baptismate tibi DEUS liberalissimè communicavit. Quantas illi gratias debes pro beneficio creationis tuæ? quàm sollicitum te esse oportet, ut in anima tua DEI imago inviolata permaneat? eandem fortè per peccatum expunxisti, & inse-ruisti imaginem dæmonis, quod ipsum pudore ac poenitentiâ foret dignissimum.

Punctum II. Quis scopus est ac finis hominis in hac vitâ? Respondet D. Ignatius: Creatus est homo ad hunc finem, ut Dominum DEum suum laudet, ac recreatur ei que in hac vita serviens, tandem in altera salvus fiat, Deoque æternùm fruatur. Hanc veritatem desumpsit S. Pater, ex Apostolo dicente: Nunc verò liberati à peccato, servi autem facti DEO, habetis fructum vestrum in sanctificationem; finem verò vitam æternam ad Rom. 6. v. 22. Ex sapiente Salomone: DEum time, & mandata ejus observa, hoc est enim omnis homo. Eccles. 12. v. 13. Ex Isaia Propheta. Propter me, propter me faciam, ut non blasphemem, & gloriam meam alteri

alteri non dabo audi me Jacob & Israël, quem ego voco, ego ipse, ego Primus, & ego Novissimus. Isai. 48. v. 11. Uti ergo articulus fidei est, quod DEUS hominem creaverit, ita & fidei punctum est, quod eum creaverit propter se; & essentialis DEI perfectio est, quod ipse sit A & O, principium & finis Apoc. 21. v. 6. Quocirca munus & officium tuum in hac vita Angelicum est; nimirum DEum diligere & laudare, ; nec alium ullum operibus tuis finem, quàm unum & solum Deum præfigere. Nónne omnia, quæ habes. DEus tibi dedit. Nónne Christus omnes gressus suos tuâ causâ fecit? Nónne malus esset Operarius, qui unam alterâve horam heri laboribus subtractam sibi & suis usibus impenderet? Nónne hæreticum diceres eum, qui vel unum fidei negaret articulum? Proinde non solum tu inutilis servus es, qui usquè huc vitam duxisti infructuosam, sed etiam servus es nequam & infidelis, qui toties corpus & animam DEO debitam, non DEO, sed mundo dedisti. Dementissimus sanè foret, qui agere posset Cancellarium Regis, & sibi ambiret officium carnificis. Talis tu es, & hoc in te verum accidit.

Punctum III. Nullâ quiete internâ fruitor, quisquis in hoc mundo, aliud præter Deum

DEum quærit. Quamdiu lapis in aëre est, movetur continuo nec quiescit priusquam terram tangat; ita nec tu quietem in ulla creatura reperies, sed in solo DEO qui centrum est, & quies humani cordis. Rectè ait S. Augustinus: Fecisti nos ad te, & inquietum est cor nostrum, donec requiescat in te. l. i. Conf. cap. i. Amas divitias? velut spinæ aculeis, sic cor tuum curis compungent: vanam gloriam? evanescit ut fumus: voluptatem carnis? hanc semper pœnitentia sequitur, pudor & dolor, Risus dolore miscbitur, & extrema gaudii luctus occupat. Prov. 14. v. 13. In lectulo mortis tuæ planges, ut impii: Lassati sumus in via iniquitatis, & perditionis, & ambulavimus vias difficiles, viam autem Domini ignoravimus, Sap. 5. v. 7 Considera nunc, & vide, quoties per vana colloquia & conversationes cum hominibus quietem cordis tui prodegeris, & imminueris filialem ad DEum recursum, confidentiam & amorem. Dic deinceps non verbis solum, sed factis cum Propheta Davide. Quid mihi est in cœlo, & à te quid volui super terram? Defecit caro mea, & cor meum, DEUS cordis mei, & pars mea, DEUS in æternum Ps. 72. V. 25.

Punctum IV. Scopus tuus & finis post  
hanc

hanc vitam, est vita æterna, quæ aliud nihil est, quàm DEi pervisionem beatificam possessio, & æterna per beatum ejus amorem fruitio. Hæc est autem vita æterna, ait Christus, ut cognoscat te solum verum DEum, & quem misisti JESum Christum. Joan. 17. v. 3. In cœlo nihil est mali. Absterget DEUS omnem lacrymam ab oculis eorum, & mors ultrà non erit, neque luctus neque clamor, neque dolor erit ultrà. Apoc. 21. v. 4. In cœlo quidquid est, bonum est, sine morte vita, sine morbo sanitas, thesaurus sine periculo, voluptas sine dolore, honor sine invidia; verbò: plena satietas desideriorum omnium, quidquid animus humanus desiderare poterit, id cœlum dabit. Cogita nunc, quàm dementes sint ii, qui pro unica terrenæ voluptatis guttula, vendunt immensum gaudiorum mare? quàm reprehensibiles, qui in comparanda salute sua sunt desides & inertes? quæ non patiuntur ac faciunt aulici, ut placeant Regibus? mercatores, ut ditescant? milites, ut coronentur coronâ marcescibili? Operarius, ut modicum lucretur? Mundi amator, ut suis satisfaciat desideriis? Ergone qui diabolo famulatur, in suum magis ferveschet exitium, quàm DEI servus in salutem animæ suæ, & æternam beatitudinem? Quis non cum D. Ignatio



ex toto corde exclamet: Quàm fordet mihi terra, dum cœlum aspicio?

## MEDITATIO SECUNDA.

De mediis naturalibus, & supernaturalibus ad finem ultimum.

**P**unctum I. Considera omnis generis media & creaturas, quas DEUS non ad tuam solum necessitatem, sed etiam oblationem condidit: Posuisti eum super opera manuum tuarum, inquit Propheta, omnia subiecisti sub pedibus ejus. Ps. 8. v. 6. Sol & stellæ te illuminant: aër respirandi dat facultatem: terra te sustinet: fluvii & maria tibi merces advehunt: ignis divino imperio te calefacit. Idem DEUS tibi cibum præstat, & potum, vestes, valetudinem corporis, plurimos vitæ annos, thesaurum temporis omninò pretiosum. Jam verò quorsum hæc omnia? Audi Psalmistam: Et dedit illis regiones gentium & labores populorum possederunt, ut custodiant justificationes ejus, & legem ejus requirant Ps. 104. v. 44. Omnes creaturæ gradus sunt, per quos te ad DEum oporteret ascendere; & media, per quæ tibi crescendo est in cognitione, amore, & timore Creatoris tui. Pulchritudo creaturarum docet te, quàm sit pulcher is, qui eas condidit; earum amarities & rigor, quàm rigidus & severus sit judex. Perpende.  
quâ

quâ ratione tu hactenus creaturis sis usus? Prò dolor! plùs ad interitum tuum, & perditionem, quàm ad salutem; plùs ad summum Creatoris tui ac Domini contemptum, quàm ad ejusdem honorem & gloriam. Inde ortum est, quòd creaturæ queis perverse & improbè fruitus es, cor tuum sapiùs curis & anxietatibus torserint: sunt enim illæ fidæ & pudibundæ DEi famulæ, quæ verbera & colaphos ingerunt iis, qui modo indecenti & impudenti contra Domini sui honorem iisdem abuti moliebantur: in altera verò vita stabunt contra te accusatores tui, & clamabunt vindictam, quoniam ad indigna vanarum, malarumque cupiditatum tuarum obsequia eas còégisti, quas in unius DEi honorem debuisses impendere. Muri & parietes, qui contexerunt scelera tua, vestes, quibus superbiisti. &c. olim te accusabunt, ô homo! Et pugnabit cum illo orbis terrarum contra insensatos. Sap. 1. v. 21. Concludendum rationi congruum sit, tot sibi ipsi hostes & accusatores suscitare die illo, quo amicis patronisque maximè indigebimus.

Punctum II. Qui amore inordinato fertur in creaturam, eâque in sui tantùm oblationem utitur, non solum creaturæ DEI summam infert injuriam, verùm etiã Creatorem ipsum execrabili ignominia &

de

dehonestamento commaculat: talis enim homo non veretur DEum graviter offendere, ut brutâ & sensuali defectariunculâ potiatur, quam in bonis caducis, in voluptatibus, cibis, officiis, consanguineis sitam confectatur: derogat DEo essentialem proprietatem, quod sit Primus & Novissimus, Principium & Finis, eamque creaturæ tribuit, & ait: Tu es DEus meus; Te Numinis loco deinceps colam. O homo, quid tam intensè & perversè diligis creaturas, quarum oblectatio cor tuum non satiat, quæ evanescit, ut fumus, ut vapor, ut somnium, ut umbra; & quæ te comprimis dedecet, qui ad altiora majoraque bona natus es. O dementiam, magis complecti abjectam & turpem ancillulam, quam pulcherrimam ac nobilissimam sponsam; magis creaturam, quam Deum. Quoties sic demens fuisi? Audi tandem monitum Davidis: Filii hominum usquequò gravi corde, ut quid diligitis vanitatem, & quæritis mendacium? Ps. 4. v. 3. Ità si perrexeris & cum creaturis fornicationes & adulteria persecutus fueris, vae tibi! Jam in te lata est à DEo sententia per os Ezechielis Prophetæ: Et judicabo te judiciis adulterarum, & effundentium sanguinem, & dabo te in sanguinem furoris & zeli, Ezech. 16. v. 38.

Punctum III. Ex duobus præcedentibus punctis sequitur, ad obtinendum finem tuum, necessariam tibi esse perfectam animi indifferentiam, ad omnes res creatas; quemadmodum enim artifex non quovis utitur instrumento, sed quod ulibus suis, & intentioni artis, operique elaborando deservit; & viator talem solum viam ingreditur, quæ illum ad optatum terminum rectè deducit; & ægrotus non quamcunque, sed eam duntaxat medicinam eligit, quâ pristinam sanitatem consequatur; ita & homo ex omnibus mundi rebus, eas, amplecti debet, quæ maximè illi in finem suum expediunt: sive eæ sint divitiæ, vel paupertas, honor aut contemptus, sanitas vel morbus, brevis aut longa vita: imò deceret, nos potius paupertati, contemptui & miseriæ addictos esse, quàm divitiis, honoribus, & voluptatibus: quia crucis via securior est, & ad salutem compendiosior Optimum factu erit, si quisque totum se Divinæ Providentiæ commiserit, quæ sola optimè novit, quis status, & quis vitæ modus salutis nostræ potissimum conducat Quare resigna, & offer te ad ea omnia, quæ DEus aut immissurus tibi, aut de te ordinaturus est.

Punctum IV. Perpende copiam supernaturalium mediorum, quæ tibi divina  
Boni-

Bonitas subministravit, ut iis finem tuum ultimum, cœlestem Beatitudinem consequare, Natus es Christianis parentibus, sacro tinctus Baptismate, sine quo infantes complures immaturè, & cum æterno suo dispendio defunguntur: Parentes tui & ludimagistri omni te curâ educârunt, & in timore Domini: DEUS tibi Angelum tutelarem dedit, qui tui custodem agat, & pædagogum. Ipse DEI Filius tuâ causâ homo factus est, ut verbis & exemplis suis te viam salutis edoceret; is tibi corpus suum in cibum, sanguinem in potum, merita in cœli obtinendi arrham, passionem & mortem in redemptionis pretium, Sacramenta in tubos & canales, gratiam animæ tuæ infusuros, benignè est elargitus. Quoties Sacramento Pœnitentiæ es expiatus, & pabulo Eucharistico refectus? Quot libros pios Dei spiritu plenos evolvisi? quot conciones saluberrimas audire tibi datum est? quot præclarissima vitæ exempla edidêre Sancti? quàm fortes & quàm crebros in omne bonum impulsus à DEO sensisti? Profectò is jure tibi occinet: Quid est, quod debui ultra facere vineæ meæ, & non feci? Isa. s. v. 4. & tamen hæc omnia salutis media tu vel neglexisti tu piter, vel non nisi segniter ca usurpasti, Næ tu verus es Tantalus, qui in-

ter



ter medias sitit aquas; & illi similis, cui in stabulo centum generosi & solutarii aluntur equi, & eorum nulli, dum iter longum & necessarium instat, sese imponi patitur. O te aliquando miserum, cum horum rationes à te DEUS exiget, & sciscitabitur! Ecce quinque talenta dedi tibi, ubi sunt alia quinque, quæ superlucratus es? Dubio procul te ferient minæ irati Numinis: Et nunc ostendam vobis, quid ego faciam vineæ meæ: auferam sepem ejus, & erit in directionem: diruam maceriem ejus, & erit in conculcationem. Isai. 5. v. 5.

### MEDITATIO TERTIA.

Pauci homines fini suo vivunt convenienter,  
& salvi fiunt.

**P**unctum I. Omnes quærunt, quæ sua sunt & non quæ sunt JESU Christi. Phil. 2. v. 22. & inde fit, homines turmatim, ut foccos nivium ruere in gehennam, & maximam partem damnari: Ad fidem, inquit Sanctus Gregorius, plures veniunt, ad cælestæ regnum pauci perducuntur. Plerique DEUM vocibus sequuntur, moribus fugiunt. Homil. 19. in Evang. Ipse etiam Christus qui ab æterno electos suos in numero habet; fatetur disertis verbis. Multi vocati, pauci verò electi Matt. 22. v. 14. Conjice oculos tuos in modernum mundi lamen.

lamentabilem flatum: Mundus totus in maligno positus est. 1. Joan. 5. v. 19. Non est veritas & non est misericordia, & non est scientia DEI in terra: maledictum & mandacium, & homicidium, & furtum & adulterium inundaverunt, & sanguis sanguinem tetigit. Osee 4. v. 1. Tangat te commiseratio tot pereuntium nobilissimarum animarum: omnem impende operam, ut eas cælo lucreris; verum præ omnibus, tu ipse animæ tuæ salutem operare; & quidem cum metu ac tremore. Quodsi ex omni hominum genere damnandus foret solum unicus; quodsi centum; quodsi mille. timendum ac trepidandum tibi esset, ne infauusta hæc damnationis fors in te caderet: quantò magis, cum potissima hominum pars intreat? Unicam habes animam; hanc semel perdidisse, est perdidisse æternum.

Punctum II. In memoriam revoca ze-  
lum insatiabilem, inexhaustos labores, qui-  
bus cælum promeruere BB. Confessores,  
Martyres, Apostoli, & ipse Christus. Quàm  
seria ac solida sunt eorum hac super re mo-  
nita? Verba Christi sunt hæc: intrate per  
angustam portam, quia lata porta, & spati-  
osa via est, quæ ducit ad perditionem &  
multi sunt, qui intrant per eam; quàm an-  
gusta

gusta porta, & arcta via est, quæ ducit ad vitam, & pauci sunt, qui inveniunt eam, Matt. 7. v. 13. Paulus etsi in tertium cælum raptus, & optimè de Ecclesia DEI meritus, castigat tamen corpus suum, & in servitutum redigit, ne fortè cùm aliis prædicaverit, ipse reprobus efficiatur. 1. Cor. 9. v. 27. Horrenda est illa D. Petri Principis Apostolorum interrogatio: Et si iustus vix salvabitur, impius & peccator ubi parebunt? 1. Pet. 4. v. 18. Nota benè hanc voculam vix, quasi diceret: Iustus quidem salvabitur; sed multùm vigilando, orando, jejunando, patientiando, &c. Væ igitur mollibus & delicatis! Ad minimum eam tu adhibe in orando attentionem, & rectè vivendi curam, quàm multum in literarum studiis, aut latrunculorum lapsu adhibere solent. Quà solertiâ gubernator, urbem ab hostibus obsessam, eâ tu sensus tuos custodi; atque uti quæstor aliquis, rationes suas, in quarum defectus, erroresque Princeps aut Rex severè animadvertet, exquisitè diligentiam componit: sic tuam examina & excute diligenter conscientiam. Contendite intrare per angustam portam, quia multi, dico vobis, quærent intrare & non poterunt. Luc. 13. v. 24. Quia nimirum non quærent, ubi deberent; & quærent, ubi non deberent,

Punctum III. Ignavi ac tepidi in Divino servitio, in præsentis periculo sunt, ne canerino more retrogrédiantur, & æternum damnentur: semper tibi displiceat, quod es, inquit D. Augustinus, si vis pervenire ad id, quod nondum es: nam ubi tibi placuisti, ibi remansisti: si autem dixeris, sufficit, & periisti. Tom. 10. ser. 15. de verbis Apostoli, cap. 15. Vita hæc nostra rapidi torrentis speciem præbet, in quo procellæ sunt passionēs; quæ continuò nos retroagunt: navicula est anima, quæ nisi omni vi propellatur, malarum impetu affectionum abripitur, & ad scopulos allisa, in æternæ damnationis vortices absorbetur. Horresce denuntiationem severi judicis: utinam frigidus esses, aut calidus: sed quia tepidus es, & nec frigidus, nec calidus, incipiam te evomere ex ore meo. Apo. 3. v. 16. Si fortè desceivisti à primo fervore obedientiæ tuæ, orationis, solitudinis, mortificationis, amoris &c. Memor esto, unde excideris, & age pœnitentiam, & prima opera fac, sin autem venio tibi, & movebo candelabrum tuum de loco suo, nisi pœnitentiam egeris Apoc. 2. v. 8.

Punctum IV. Quinam sunt tepidi in spiritu? qui nec frigidi, nec calidi sunt, hoc est, non tam reprobi, quales ii, qui peccatis mor-

talibus obnoxiam habent animam; nec tam probi, uti conditio & status illorum exigit: intermittunt facile exercitia sua spiritualia; distrahantur in orationibus propriâ suâ culpâ; difficulter colligunt animum; horrent solitudinem, ut carnis catenam: effundunt se in creaturas, eoque interna cordis solatia deperdunt: indulgent corpori quietem superfluum, somnum, otium: laxant habenas passionibus, nisi dum proximum imminet peccati gravioris periculum; tunc enim adhuc eos resilire videre est: sunt humiles, cum nemo eos contemnit; patientes, cum nullus obloquitur; pii, cum à DEO pascuntur solatiis; humani & affabiles: cum agunt & versantur inter sui similes: secus verò si quid acciderit, omne animo effluit virtutis studium. Conqueretur aliquando de his ignavis Christus, quod suis ingrati beneficiis, tot à se datas gratias contempserint: quod multos scandalizârint: & quod in Ecclesia DEI nec maculam, nec rugam habente, tot se peccatis vitæ suæ imperfectæ, redemptionis suæ sine frustrati contaminaverint. Tum dicetur: Quid est, quod dilectus meus in domo mea fecit scelera multa? Jere. ii. v. 15. Fuisine hucusque ex hoc ignavorum numero? Tum surge, qui dormis Eph. i. v. 14. & esto deinceps alius,  
Sacra



## SACRA LECTIO.

**E**X Thoma à Kempis l. 3. cap. 9. & 10.  
 Ex Cibo Elect. part. 2. Instruct. 1. & 2.  
 Ex Libello Exercitiorum S. Ignatii. Regula, ut cum Orthodoxa Ecclesia verè sentiamus. pag. 207.

## DIES SECUNDUS.

## MEDITATIO PRIMA.

De gravitate peccati, quæ ex supplicis  
 Angelorum & hominum peccan-  
 tium elucet.

**P**unctum I. Quàm felix & fortunata fuit  
 Luciferi, & Sodalium Angelorum condi-  
 tio, antequàm peccato contaminarentur?  
 Depingit eam Ezechiel: Tu signaculum  
 pulchritudinis; plenus sapientiâ; & perfe-  
 ctus decore in deliciis Paradisi fuisti: omnis  
 lapis pretiosus operimentum tuum. Ezech.  
 28. v. 13. Erant Angeli, quo ad ingenitam na-  
 turæ dignitatem, & gratiæ supernaturalis  
 decora nobilissimi ac pulcherrimi spiritus:  
 in DEum Conditorem suum amore arden-  
 tissimo ferebantur, cum spe certa DEum ab-  
 ipsis propediem beato intuitu visum iri. At  
 ubi divino mandato jubebantur, se se DEO  
 homini submittere, si DEI filius humanam  
 naturam assumeret, reluctati sunt Lucifer,  
 & ejus asseclæ, ausisque superbis à supremo  
 Principe contenderunt; si quæ creatura su-  
 pra

pra conditionem suam ad Divinam dignitatem evehenda esset, nulla eveheretur alia nisi Angelica, humanâ longè excellentior. Ecce tibi eodem loci vestigio id impletum est, quod Christus postea edixit: Videbam Satanam, sicut fulgur de cœlo cadentem Luc. 10. v. 19. Angelus speciosissimus in terribilissimum dæmonem; summus DEI amicus, in hostem acerbissimum funestâ metamorphosi est transformatus: æternum projectus à DEI facie, annos jam propè sexies millenos ardet, æternumque ardebit: jacet catenatus in tenebrosa & horrida inferni specu, qui olim augustissima cœli palatia inambulabat: intellectus Angeli totus obtenebratus est; voluntas obfirmata in malo, pro fide perfidia, pro spe desperatio, pro amore odia nunquam moritura successerunt. Paucis spiritus ex omni parte beatissimus, subitò infelicissimus evasit, & talis æternum erit. Libeat nunc tua cum Angelorum delictis comparare: Angeli deliquere semel; tu millies: illi cogitatione unicâ; tu cogitationibus, verbis & operibus innumeris: pro illis DEI Filius mortem non subiit; uti pro te subiit atrocissimam: illi erant excellentissimi Genii; tu miser terræ vermiculus: & tamen Angelos DEus in orcum condemnavit, idque jure meritissimo: quia  
Dei

Dei majestas ab Angelis offensa, est infinita. Si jam DEus Angelis peccantibus non peper-  
eît, sed rudentibus inferni detractos in tarta-  
rum tradidit cruciandos in judicium reser-  
vari. 2. Pet. 2. v. 4. Quid te futurum cen-  
ses? si poculum aureum, in quo unica est  
veneni gutta, è cælesti mensa deturbatur,  
tûne in illam te inferendum speres, qui vas  
es luteum, toxico & sordibus plenissimum?  
si Angelorum fortissimus, unius peccati  
pondere, deptimitur in abyssum, quo pacto  
tu tot sceleribus gravis in cælum consur-  
ges? Gere te deinceps submissè, & execrare,  
quidquid viam munire potest ad tantum  
malum.

Punctum II. Legislator DEus primo ho-  
minum parenti id præcepti dedit: Ex omni  
ligno comede; de ligno autem scientiæ bo-  
ni & mali ne comedas, in quocunque enim  
die comederis ex eo, morte morieris. Genes.  
2. v. 16. Quia verò Adamus benevolo & tene-  
ro in conjugem suam amore victus, divi-  
num mandatum prævaricatus est, hinc &  
ipse, & conjunx, & nos, quotquot sumus  
homines, è Paradiso deliciarum horto eje-  
cti, & in orbis hujus exilium relegati sumus  
Quòd modò innumeris & quidem incogni-  
tis urgeamur morbis; quòd statutum sit o-  
mnibus semel mori; quòd tot crudelia &

exitiosa bella in orbe sint exercitata; quòd urbes usurariis, domus furibus, sylvæ & saltus prædonibus; mare piratis; tribunalia iniquis iudicibus scateant: quòd rudes nascamur & omnium rerum inscii; quòd promi sint sensus hominis in malum ab adolescentia. & caro concupiscat adversus spiritum, quòd nondum nati, privemur originali iustitiâ, cujus subsidio homo perfectè sine ulla levi noxa divinis mandatis obtemperasset; quæ sensuum motiones omnes rationis imperio subdidisset; quæ ita disposuisset corpus ne unquam animæ functiones impediisset; quòd nascamur omnes filii iræ. & labe originariâ infecti; quòd plurimi infantes sine baptismo moriantur, & cœlo æternùm excidant; quòd potissima hominum pars ad inferni supplicia ruant præcipites etsi omnibus in cœlum auditum Christus morte referârît; hæc aliæque id genus numero infinita, poenæ sunt & supplicia, quæ unicam Adæ culpam, unicum pomi morsum DEUS justè persequitur. Ex hoc draconis utero tot venenati serpentes prorepserunt: ob hoc unicum delictum, tota hominum natio velut ad metalla damnata est. Libeat exclamare: Tantæne animis cælestibus iræ? Et tamen, iustus es Domine, & rectum iudicium tuum, poenæque omnes recensitæ, non,  
dum

dum æquant culpæ malitiam. Quis non horrore percellatur, si vel peccati memoria mentem subeat? quis nolit mori millies? quis multiplicis vitæ præteritæ excessus non statuât acerrimè vindicare, cùm parens Adamus culpam suam nongentorum annorum poenitudine, laboreque expiârit?

Punctum III. Intuere Christum ex cruce pendentem: quo pacto corona spinea caput ejus sanctissimum pungat undique; clavi trabales, manus pedesque perfodiant; corpus totum dirè vulneratum sit; membra per crucis trabem crudeliter extensa; cor desolatione & angoribus obruatur. Audi lamentantem JESUM: O vos omnes, qui transitis per viam, attendite & videte, si est dolor sicut dolor meus: quoniam vindemiavi, me, ut locutus est Dominus, in die iræ furoris sui. Thren. 1. v. 12. Unde ista vulnera, mi JESU? unde dolores isti? Respondet D. Paulus: Proprio filio suo non pepercit, sed pro nobis omnibus tradidit illum. Rom. 8. v. 32. Et ante Paulum Isaias Propheta: Ipse autem vulneratus est propter iniquitates nostras, attritus est propter scelera nostra. Isa. 43. v. 5. Si tam acerbè Pater æternus in filio dilectissimo & innocentissimo plectit aliena crimina, quâ igitur acerbitate castigabit aliquando delicta gravissima servi contu-



macis & improbi? si in viridi ligno hæc faciunt, in arido quid fiet? Luc. 23. v. 32. Agnosce hîc tam grave & mortiferum esse vel unius gravioris delicti vulnus, ut curari nequeat, nisi sanguine & morte ipsiusmet Filii DEI. Omnium omnino hominum Angelorumque preces, lacrymæ, opera licet sanctissima, nec unam lethalem noxam ita possunt eluere, ut piaculis suis Divinæ Justitiæ rigori satisfaciant. Quàm itaque malum peccatum est! Toto pectore gratias age DEI Filio, qui cruciatibus tantis, & pretioso suo sanguine maculas tuas abstersit; obsecra ardentissimè, ne mors ejus & passio apud te incassum recidant; erubescere, quòd superbiam tuam Christo coronam spineam; gulæ illecebris sitim extremam &c. causaris: quòd benignissimum Redemptorem tuum peccatis quotidianis iterum iterumque in crucem egeris.

Punctum IV. DEUS peccatum mortale vel semel admissum vindicat damnatione, & supplicis æternis. Hujus rei circumstantias expendamus. Quis est, qui tam crudeliter puniat? DEUS Pater misericordiarum; DEUS, cujus miserationes sunt super omnia opera ejus; DEUS tui gratiâ homo factus, & mortem acerbissimam perpessus; DEUS agno mansuetior: at ubi peccanti

canti indignatur, ab eoque pœnas parat repetere, ferocissimum leonem induit. Quem punit? Hominem à se ad imaginem suam conditum, & suo redemptum sanguine; & fortè, id genus hominem, qui olim vixit sanctè, miracula patravit; at paulatim à primo fervore remittens, & in peccata graviora delapsus, illique immortuus, tandem justo DEI judicio damnatur in æternum. Quis jam punit suppliciis? Inferni & sempiternis; cum quibus si omnem martyrum lanienas, ac morbidorum & morientium dolores, angoresque conferas, deliciae sunt istae & refrigerium. O quàm multi modò iis ignibus torquentur, qui eadem tecum, aut etiam pauciora & leviora peccata commiserunt! Cur non & tu in eadem damnatione es? solius id est DEI miserentis beneficium. Quare cum Davide exclama: Confitebor tibi Domine DEus meus in toto corde meo, & glorificabo nomen tuum in æternum. Quia misericordia tua magna est super me, & eruisi animam meam ex inferno inferiori. Ps. 85. v. 12, Dic age, si damnatorum quispiam modò ad vitam redire permetteretur, quid faceret? Id tu jam facito, & vitam deinceps vive humilem, plenam pœnitentiæ, & peccatis vacuum. Nam in rei veritate, torris es infernalis, quem Divina bonitas ex igne infernali eruit.

## MEDITATIO SECUNDA

De multitudine & gravitate peccatorum  
propriorum

**P**unctum I. Percurre præteritos vitæ annos, & occupationes quotidianas, nec sine singulari pietatis sensu cum Rege Ezechia suspira: Recogitabo tibi omnes annos meos in amaritudine animæ meæ Isa. 38. v. 15. & mox ingentem scelerum copiam in te ipso deprehendes, & præter hæc à te cognita, restabunt complura alia, ab oculis tuis absconsa & occulta, pro quibus deprecatur Propheta Regius: ab oculis meis munda me. Plal. 18. v. 13. Dicuntur autem occulta tum quia de memoria exciderunt; tum quia indoles & malitia certorum lubrica sape est, ac subtilis, vix ut agnosci queat, uti sunt appetitus vanæ gloriæ, impura mentis oblectatio, intentio non recta, & id genus alia; tum quia dæmon vaserrimus est, in Angelum lucis se transfigurans, & iniquis suis machinationibus pietatem probè gnarus prætexere. Hæ igitur seu notæ seu occultæ noxæ, à te toties repetitæ, cum apud te numerem efficient, ut fateri cogaris cum Rege Poenitente: Multiplicatæ sunt super capillos capitis mei. Plal. 39. v. 13. Quocirca venerare patientiam & mansuetudinem supremi Principis, qui non unâ, sed innumeris à te affe-

affectus injuriis non exarsit: nec pœnam intulit, cùm tu ad minimam tui offensusculam effervesceas, & ultionem pares. Hoc quàm dedeceat te tot peccatorum reum, ex divina in te clementia habes colligere.

Punctum II. Quid est peccatum mortale? Est illud, præmeditata divinæ legis transgressio; impudens hominis à DEo fuga, & ad inanem creaturam, cum summa Divinæ majestatis despicientia accessio: conqueritur de illa DEus: Duo mala fecit populus meus; me dereliquerunt fontem aquæ vivæ, & foderunt sibi cisternas, cisternas dissipatas, quæ continere non valent aquas. Jere. i. v. 13. Est peccatum jactura divinæ gratiæ & amicitia; morbus, cui nihil medebitur, nisi sanguis unigeniti Filii DEI; confusio naturæ, quæ hominem calo natum, jumentis insipientibus comparat, & rationem carnis tyrannidi subjicit; mors, à qua solus te DEus excitare potest; proditio, quâ mentis nostræ munitio perfidè traditur diabolo; sacrilega profanatio templi DEI; furtum, quo te ipsum DEo, cui totus devinctus es, impiè subtrahis, & Diabolo mancipas; adulterium, quo anima in baptismo juratam DEo fidem violat, & sese perjura prostituit creaturis vanissimis. Ea est noxæ lethalis nequitia, quam Angelorum, homi-

numque nemo, intelligentiâ comprehen-  
dat: solus DEUS est, qui eam habet cogni-  
tam, qui & solus majestatem suam peccato  
offensam perfecte novit. Hinc est, quòd  
minetur peccatori DEUS: Hæc fecisti, & ta-  
cui. Existimasti iniquè, quòd ero tui similis:  
arguam te, & statuam contra faciem tuam.  
Ps. 49. v. 21. Has minas ut evites non abs re  
erit, ut tua in te ipso delicta ulciscaris, & re-  
bus duris Numini propitiando deinceps des  
operam. Profectò si vitæ tuæ turpitudinem  
probè agnosceres, præ pudore in ipsas ter-  
ræ latebras te abderes.

Punctum III. Quis es tu, qui peccasti?  
vilis & abjectus homuncio, cujus corpus  
non è cælorum aut siderum materia, sed ex  
limo terræ formatum est. Quem ergo tei-  
psum facis? Quid superbis terra & cinis?  
Corpus tuum vas est spurcitie & sordibus re-  
fertum; & paulò post in prædam & escam  
cedet vermibus. Animus culpâ originali  
sordidus, conditus est è nihilo, & in nihilum  
suum rediret ocyùs, si manum conservatri-  
cem DEUS subtraheret: densâ ignorantiae  
caligine offusus est, & motionibus brutis  
fertur in illicita. Jam verò quis tu es, si con-  
ferâre cum universono hominum cœtu, inter  
quos tam multi robusti, potentes, sapien-  
tes, nobiles? Ad hos omnes, tu ferè nihil es.

Quis



Quis es comparatus cum novem Angelorum choris, & tantis Electorum turbis? sanè nihil es. Quis tandem es, si cum mundo universo componaris, quantum is res visibiles & invisibiles complectitur? minus es nihilo. Et quid mundus universus est ad DEUM? Omnes gentes quasi non sint, inquit Isaïas, sic sunt coram eo, & quasi nihilum & inane reputatæ sunt ei. Isa. 40. v. 17. Tanquam momentum stateræ, sic est ante te orbis terrarum; & tanquam gutta roris antelucani, quæ descendit in terram Sap. 1. v. 23. Et tu tam vilis, tam sordidus, tremendum ac supremum Numen ausus es tot injuriis laceffere? An non justa tibi causa est, ut temeritatem tuam desideas? ut infernum timeas? ut omnium sis peripséma, & omnium pedibus conculceris?

Punctum IV. Quis demum ille est, quem peccando offendisti? DEus Optimus, Maximus. Et culpa quidem eò est gravior, quò melior ac dignior est is, qui offensus est. Tu autem offendisti eum, qui est creator tuus, redemptor, sanctificator, summus benefactor, insuper & sponsus animæ tuæ; qui est infinitè sapiens, quem nec minima noxa latet; infinitè bonus, cui nulla potest placere iniquitas; infinitè potens, cujus ultericem manum nemo valet effugere; qui est abyf-  
sus

sus omnis bonitatis, perfectionis, & excellentiæ; qui est pulcherrimus, benignissimus, omni cultu & amore dignissimus DEus. Et hunc DEum tu in gratiam spurcæ & vilis voluptatulæ contempsisti, illudisti, conculcasti: huic DEO, cujus nutui perfectè obtemperant Angeli, & creaturæ rationis expertes, huic, inquam, DEO tu fuisti refractarius: contra DEum hunc cum Angelis rebellibus & apostaticis per summum scelus conspirasti. Dignissimus ergo es, in quem orbis universus conspiret; quem terra deglutiat; quem undæ submergant; quem aer suffocet; qui fulminis ictu deflagres; quem Angeli dæmonibus tradant excruciantum. Cense te meritum esse, ut passim in compitis, te homines sannis, luto & lapidibus insectentur. Decerne vitam tuam deinceps ducere, in pulvere & cinere, in extremo tui contemptu: in luctu & lachrymis; in laboribus pro DEO indefessis; in voluntaria corporis maceratione.

### MEDITATIO TERTIA.

De peccatis venialibus.

**P**unctum I. Considera ingentem numerum nostrarum venialium, in quas totius vitæ curriculo incidisti. Fortè ascendet numerus ad quinquaginta aut centum millia? fortè idem ipse adhuc major est? O quales

le hoc chaos est! qualis abyssus est hæc! Anima tua vitiosâ hac scabie & pustulis adeo fœda est, ut amplecti eam & osculari Divinus sponsus exhorreat. Examina ulterius, quanta sit militia cujuscunque talis peccati. Sanè istiusmodi labem, etiam nostrâ opinione minimam levissimamque ita averfantur purissimi Divinæ majestatis oculi, ut sit terra sancta, & plagæ christianæ omnes à Turcarum tyrannide eripi; omnes Turcæ & infideles christianis sacris imbui, omnes hæretici ad fidem orthodoxam traduci; peccatores omnes in sanctos maximos unius jocosæ mendacioli beneficio transmutari possent, DEUS tamen, sapientissimus rerum æstimator, nunquam illud edici vellet, probaretque. Hæc est fidei christianæ veritas, non esse facienda mala etiam levissima, ut inde eveniant bona. Et tu propter nugas, respectus, timoresque humanos, exigua sensuum oblectamenta, vanam gloriam toties animam tuam commaculas? & bibis, quasi aquam, iniquitatem?

Punctum II. In hac mortali vita sæpe numero DEUS leves has noxas gravibus suppliciis vindicavit. Exemplo tibi sit David Rex sanctissimus. Is stimulo incitatus inanis gloriæ (quam Scripturæ interpretes, & sancti Patres nonnisi venialem agnoscunt)

subdi-

subditos suos lustrari fecerat, ut nosset, quot posset in campum educere. Ob hanc animi elationem DEUS vindex septuaginta armorum millia peste sustulit. Tantæ igitur nequitiae est peccatum veniale unicum coram oculis DEI iuste liberantis omnia, ut eadem septuagies mille hominum huic culpæ debitam decernat. Idem rigor elucet in Ezechia Rege, qui in divitiis suis & thesauris sibi vanè complacens, eos coram legatis Assyriis recluserat, & ambitiosius ostentarat: quod tantopere DEO displicuit, ut extemplo ad Regem miserit Isaiam Prophetam vaticinaturum: Ecce dies venient, & auferentur omnia, quæ sunt in domo tua & quæ condiderunt Patres tui in diem hanc in Babylonem; non remanebit quidquam, ait Dominus 4. Reg. 20. v. 17. Huic oraculo respondit eventus, quando Nabuchodonosor Hierosolymam vi & armis expugnavit. En tanta pœna subeunda est Ezechiae, ejus sanctitatis viro, ut DEO dicere ausus sit: Obsecro Domine, memento quæso, quomodo ambulaverim coram te, in veritate, & in corde perfecto, & quod placitum est, coram te fecerim 4. Reg. 20. v. 3. Semel duntaxat deliquit, & leviter, & delictum totius regni depopulatione, & regiae urbis excidio luendum fuit. Quam saepe peccatis tuis causa fuisti,

fuiſti, quòd ſuam tibi DEus benedictionem ſubtraxerit, & conſilia tua non fortunârît ? Imò propter exceſſus tuos communitates integræ & Reſpublicæ pati & affligi debuêre.

Punctum III. Multò acerbîus plectit DEUS veniale peccatum in purgantibus flammis. Sit in anima quapiam, poſtquam diſceſſit à corpore, labes nonniſi unica: ſint in eadem merita Divorum Apoſtolorum Petri & Pauli, à DEi tamen conſpectu tamdiu arcebitur, donec plenè expiata ſit: non enim intrabit in cœlum, aliquid coinquinatum. Quàm igitur diuturna à DEi vultu diſjunctio. Quàm acres purgatorii ignes manent animam tuam tot noxarum millibus inquinatam ? Quantoperè dolet aulicus, ſi jubetur è regia facere ? quàm tu ſentires, ſi nullus hominum in hac civitate te ferre poſſet ? Multò tu feres acerbîus, ſi ad tempus bene longum te DEus à conſpectu ſuo repellat in cujus fruitione ſita eſt felicitas tua, & quæ tibi à morte mox obtingeret ni peccatis tuis inieciſſes remoram. Eveniet tibi, quod nautæ, qui poſt longam, periculofamque navigationem, portum intraturus ſubitò coortâ tempeſtate, in medios maris fluctus rejicitur. Præter hanc pœnam damni, ſæviſſima erunt toleranda incendia, quæ, uti Patres & Theologi uno

etc

ore asserunt, omnes hujus vitæ cruciatus diritate suâ excedunt. Hic te interrogo: velleſne peccare, ſi peccato perpetrato occyſus in foro publico per carnificem eſſes comburendus? Nequaquam. Qui igitur levi noxa tam temerè & tam ſæpe te obſtringis, cum divinis oraculis certus ſis, etiam verbum aliquod otioſum purgatorii flammis multatum iri.

Punctum IV. Leves exceſſus ſæpe ſunt periculoſi, ſternuntque viam ad gravioreſ & deniquè ad exitium ſempiternum. Vates regius aſpectu curioſo, (qui principio capitalis non erat, & forſan etiam parum conſideratus) intuitus eſt Bethſabeam. Inde in impuros amores; inde in adulteriũ; inde in homicidium cædemque innocentis Uriæ prolapſus eſt. Ergo levis, nec ſat cautus iã ſœminam oculorum conjeſtus, in gemitum nefas Davidem præcipitem dedit: quem virum? virum ſecundum cor DEI. Quã igitur temeritate tu tibi ipſi præſidis, qui nec mentis conſtantiã, nec vitæ ſanctimoniã cum Davide comparandus eſ? Per ſalutem animæ tuæ te rogo: omni ſtudio culpas quoque minimas caveto, præſertim in materia pudicitix, iræ, detractiõis, cibi, potuſque ſuperflui: nam ex hiſ proniõr eſt lapſus in graviora facinora.



## LECTIO SACRA.

**E**X Thoma de Kempis 6. & 21. caput lib.  
1. Ex Cibo Electo 3. & 4. Instru. Par 2.  
Ex libello Exerc. de operibus satisfacti-  
onis, & poenitentiae pag. 68. & Regulæ de  
temperando victu.

## DIES TERTIUS.

## MEDITATIO PRIMA.

## De Morte.

**P**unctum I. Mors certa est. Fatentur id  
quidem omnes ore; sed pauci re & opere.  
Et tamen experientia quotidiana cum fide  
docet, omnes nos mori oportere. Breves  
dies hominis, ait Job, numerus mensium e-  
jus apud te est tu posuisti terminos ejus,  
qui præteriri non poterunt. Job. 14. v. 8 Si  
igitur terminus tuus est vicesimus, vel qua-  
dragesimus, vel septuagesimus annus, ad e-  
um vita tua pertinet, nec supra ascendet.  
Statutum est hominibus semel mori. Heb. 9.  
v. 27. Leges sæcularium principum telis  
aranearum sunt similes, quæ muscas qui-  
dem irretiunt & implicant, non autem aves  
grandiores, quæ pervolant: sed mortis divi-  
na lex omne, obligat, & omnes implicat.  
Ubi sunt principes gentium, & qui domi-  
nantur super bestias, quæ sunt super terram.  
Ubi Samson heros ille fortissimus? ubi sa-  
pientissimus Salomon? ubi pulcher Absa-  
lon

lom? Exterminati sunt, ..... & alii loco eorum surrexerunt. Baruch 3. v. 16. Eadem te, quæ illos, fors manet; abeundum tibi hinc est, & mors spoliabit te bonis omnibus vitæ hujus. Tunc oculi non videbunt amplius ea, quæ pulchra sunt: obturabuntur aures ad voces & cantus: lingua nec potum gustabit, nec cibum: cor nihil amabit, nihil habebit odio: corpus cum foetore putrescet: tum sponsa sponso, & amicus amico tanto horrore & fastidio erit, ut alter alterum propter domo efferri desideret: tum mortali involveris sindone, & efferreris, non in palatium, aut domum nobilem, sed in tumulum angustissimum: in tumulo subter te, sternetur tinea, & operimentum tuum erunt vermes. Isaia. 14. v. 11. Quotquot te aspecturi sunt, cum stupore clamabunt: Hæcine est illa Iezabel. 4. Reg. 9 v. 37. Ex his, qui sapit, rectè secum ipse concludet: quandoquidem DEUS mihi nunc vitam concedit, omnia hujus vitæ momenta uni ejus honori consecrabo: & quia mors me etiam invitum, à caducis mundi rebus separabit; nulli animum inordinato affectu affigi patiar, & quia nihil hinc mecum auferam, præter bona opera: operemur bonum, dum tempus habemus. Gal. 6. v. 10. Venit enim nox, & nemo potest operari. Joan. 9. v. 4.

Pun,

Punctum II. Licet mors certa sit, hora tamen, locus, & modus mortis incertus est. Nescit homo finem suum, sed sicut pisces capiuntur hamo, & sicut aves laqueo comprehenduntur, sic capiuntur homines in tempore malo, cum eis extemplo supervernerit. Eccl. 9. v. 12. Pisces & aves mortem inveniunt, cum vitam quærunt; sic plurimi mortalium pereunt, cum animo nulla incidit de morte cogitatio. Latronem mors agit, quæ nos in itinere ad cælum constitutos, planè incautos adoritur, ærnatque. Propterea monet Christus: Hoc autem scitote, quoniam si sciret pater familias, quâ horâ fur veniret, vigilaret utique, & non lineret perfodi domum suam. Et vos estote parati, quia quâ horâ non putaris, filius hominis veniet. Luc. 12. v. 39. Quamobrem cum tibi & annus, & mensis, & septimana, & dies, & hora mortis tuæ incognita sit, oportet te semper excubare vigilem: is autem vigilat, qui in statu gratiæ est, corque suum omnis generis virtutibus adornat, Momentum mortis tuæ principium est felicitis aut infelicitis æternitatis. Si lignum ceciderit ad austrum cælestis gloriæ, aut ad aquilonem damnationis perperæ, in quocunque loco ceciderit ibi erit. Eccl. 11. v. 3. Quò tu modò caderes, si nunc exscindereris?

Pun-

Punctum III. Mors malis, mala est, & amara. Rei, qui in carceribus detinentur, semper quidem sunt tristes; sed eo potissimum die, quo judici sistendi, ut fatalis in eos sententia feratur. Ita quoque peccatoris animus, vitam totam peccatis angitur, verum angor ille, dum mors instat, longe maximus est: nam imprimis quæ admisisse scelera coangustabunt te undique clamabitis cum Davide: circumdederunt me dolores mortis, & torrentes iniquitatis conturbaverunt me; dolores inferni circumdederunt me; præoccupaverunt me laquei mortis, Psal. 17. v. 5. Quis sibi lethiferæ noxæ onus imponat, quod in fatali lectulo, ita te premet graviter, ut adhuc vivus & spirans, tibi in inferno esse videâre, & damnatæ conscientiae aestibus jactari? Deinde affliget te malè impensum tempus. Horam unam, exiguum poenitendi spatium, desiderabis; nec concedetur. Tertiò dolebis, à te tantum neglectum boni, conciones sacras fastiditas; elemosynas negatas; divinos instinctus repudiatos; Sacramentorum perceptionem, & pietatis exercitia aut omissa penitus, aut frigide duntaxat, & perfunctoriè obita, Quapropter nunc, quodcumque potest manus tua, instanter operare, quia nec opus, nec ratio, nec sapientia, nec scientia erunt apud

apud inferos; quò tu properas. Eccl. 9. v. 10. Quartò non parum te cruciabit, quòd à creaturis tantoperè tibi dilectis, ab amicis, liberis, voluptatibus, divitiis, honoribus discedendum sit. nam quò altius dens increvit, eò difficiliùs dolentiùsque extrahitur. Satiùs est modò non nimis impensè cor creaturis addicere, ne aliquando audiat; Itàne separat amara mors? 1. Reg. 15. v. 32. Quintò conturbabit te timor imminentis judicii, nam judicem offendisti sapiùs, Tutelari Angelo reluctatus es, conscientiam suppressisti, adhæsisisti Diabolo, neminem Sanctòrum tibi in patronum conciliàsti. Denique dæmon vel formâ visibili, vel modo invisibili te fortissimè oppugnabit, descendens ad te, & habens iram magnam, sciens quòd modicum tempus habet. Apoc. 12. v. 12. E-menda nunc vitam reprobam, cujus finis plerumque est mala & amara mors: Quæ enim seminaverit homo, hæc & metet. Gal. 6. v. 8.

Punctum IV. Mors probis amœna est, & plena solatii. Justorum autem animæ in manu DEI sunt, inquit Salomon, & non tanget illos tormentum mortis Sap. 3. v. 1. Ultimus mortis angor, quo impiorum corda prementur, justos non contingeret. Mors justis est finis laborum complementum vi-  
C Gloria

ſtorix, patriæ cæleſtis portus, & porta vitæ,  
 aditus beatitudinis, liberatio ex peccato-  
 rum periculis, plena paſſionum ſuppreſſio,  
 Quid ergo juſtos in agone conturbet? Vita  
 eorum præterita aut innocua eſt, aut pœ-  
 nitentiâ laudabilis: bonis tranſitoriis non  
 inhiârunt: ſi morituros forti impetu infe-  
 ſet dæmon; ſolatur & tuetur amicos ſuos  
 Chriſtus, cum pientiffima Matre, & Sanctis  
 omnibus: demum nec propinquum Judi-  
 cis tribunal formidabunt, coram quo, Judi-  
 cem ipſum cauſæ ſuæ faventem, Patro-  
 num autem Cuſtodem Angelum, & con-  
 ſcientiam minimè refragantem habebunt.  
 Fortaſſe optas tibi, quod olim Balaam, etſi  
 impius, ſibi contingere deſideravit: Moria-  
 tur anima mea morte juſtorum, & fiant no-  
 viſſima mea horum ſimilia Num. 23. v. 10.  
 ſed ita vive, ut dicere cum Apoſtolo poſſis:  
 Bonum certamen certavi, curſum conſum-  
 mavi, fidem ſervavi; in reliquo reſoſita eſt  
 mihi corona juſtitiæ. 1. Tim. 4. v. 7.

### MEDITATIO SECUNDA

De Judiciſo particulari.

**P**unctum I. Plenus horrore & terrore eſt  
 ordo hujus judicii, & omnia quæ in eo  
 geruntur, ſunt terribilia 1, Anima ſola &  
 ſolitaria ab omnibus hujus mundi creaturis  
 deſerta, viam æternitatis ingreditur, nullo.  
 ſtipata



stipata comitatu, nisi bonorum & malorum opum, quæ fecit. 2. Eo quo morieris loco, & momento, judicaberis, adeoque plerisque mortalium mortualis lectus, in quo expirant, tribunal est, in quo audiunt sententiam: & quis audebit igitur in cubili suo peccare? 3. Accusator erit diabolus, idem ipse, qui ad peccata nunc incitat. Putasne cum tali complice furaturum furem, qui mox à furto Judici se proderet? 4. Testis erit propria conscientia, in qua omnia, quæ fecisti peccata, ad apicem distinctissime, conscripta sunt. Ne igitur modò vulnere-  
mus conscientiam, neque illius dictamini refragemur. 5. Judex est Christus omniscius, cujus oculis nihil est occultum; justissimus, qui nullis movetur blanditiis aut donis, nullis minis terretur; supremus, à quo appellare non licet ad alium; potentissimus, qui sententiam eodem quo pronuntiavit momento, sine ullo obstaculo exequetur. Considera, an rationabile id sit, talem judicem nunc temporis temerè offendere, an verò non multò rationabilius & melius, illius amicitiam & gratiam omni obsequio aucupari, & promereri? 6. Examen rigidum erit & exactum: interrogabit enim te Judex, quàm gratum divinis beneficiis creationis, redemptionis, justificationis &c te  
C 2 ipsum

ipsum præbueris : num ad ipsius gloriam  
 usus sis sensibus externis, membris corporis,  
 tribus animæ potentiis : quâ ratione tot  
 millenas horas, & tot momentorum millio-  
 nes vitæ tuæ impenderis : quem fructum  
 retuleris ex toties repetita Sacramentorum  
 frequentia : quomodo, quâ intentione bo-  
 na opera perfeceris : quantum boni omise-  
 ris : quomodo divinis inspirationibus sis  
 obsecutus. Verbo: nihil erit tam minutum  
 & exile in verbo, cogitatione & opere, quod  
 non omne hic Judex rimaturus sit. O rigidâ,  
 ô severa ratio, quæ exigitur & redditur!  
 Quàm bene precatur David: non intres in  
 judicium cum servo tuo, quia non justifica-  
 bitur in conspectu tuo omnis vivens. Ps. 42.  
 v. 2. Potes hujus judicii tam tremendum ri-  
 gorem lenire, imò evadere, si sequaris Pau-  
 li consilium. Nam si nosmetipsos judicare-  
 mus, non utique judicaremur. i. Cor. ii. v. 11.  
 Judica igitur tu ipse opera tua bona & mala:  
 de peccatis præteritis pœnitentiam age, &  
 ea in posterum evita; multum operare pro  
 DEI gloria, omnia adhibe media, quibus  
 possis jam nunc, animum tui judicis & fa-  
 vorem lucrari, & cum hæc feceris, cogita  
 te servum esse inutilem.

Punctum II. Quale lumen, & quæ re-  
 rum nova cognitio tunc illicò orietur in a-

nima? quàm erunt illi alia prorsus tum sen-  
sa coram illo tribunali, quàm nunc sunt in  
mundo? Velut solaris radius multa atomo-  
rum & pulvisculorum millia manifestat,  
quæ ante fugiebant oculum, & veluti cri-  
brum patefacit, quòd in optimo polline  
multi furfures immixti latuerint: & velut  
aurum adulterinum ab optimo, lapide ly-  
dio secernitur: ita Christus radiis suis, cri-  
bro & coticulâ exacti sui iudicii multa erra-  
ta deteget, quæ modò nobis incognita sunt  
& abscondita coram oculis nostris. Tunc  
videbis unicum otiosum verbum pejus esse  
omnibus hujus mundi malis; unicum divi-  
næ gratiæ gradum pretiosorem esse omni-  
bus Regum thesauris; tunc videbis divitias  
esse stercora, honores esse fumum, volupta-  
tes esse spumam, & instar bullarum eva-  
nuisse. Tunc videbis beatius esse vivere,  
cum Lazaro in paupertate & miseriis, quàm  
cum Epulone in purpura & conviviis, de-  
primere se cum Publicano, quàm extollere  
cum Phariseo; pati persecutionem & mor-  
tem cum innocentibus parvulis, quàm cum  
Herode illam inferre. Tunc nihil erit in  
pretio nisi virtus: tunc humani respectus  
ratio status, proprium interesse, illa in hoc  
orbe Magnatum idola succumbent, & de-  
tractâ larvâ futulia agnoscentur & noxia: &

valebit illud D. Petri: Oportet DEo magis obedire, quàm hominibus. Act. 5. v. 29. Et illud Christi: Quid prodest homini, si universum mundum lucretur, animæ verò suæ detrimentum patiatur. Matth. 16. v. 26. Si ergo judicandus es, non à mundo, sed DEo; non juxta erroneas mundi regulas, & leges; sed juxta Divina, & in sacris literis jam tum declarata principia & statuta, consequens sanè est, ut his, non illis conformiter vitam instituas, dicasque cum Paulo: Mihi autem pro minimo est, ut à vobis judicer, aut ab humano dic .... Qui autem judicat me, Dominus est. 1. Cor. 4. v. 3. Nihil pro magno aut parvo; bono aut malo ducendum est, nisi quod tale est in oculis DEi.

Punctum III Omnino optabilis & amabilis est Justi & Electi sententia: Veni benedictæ patris mei, posside regnum, quod tibi paratum est à constitutione mundi Matth. 25, v. 34. Vocem meam audivisti, quâ vocavi te: Si quis vult venire post me, abneget semetipsum, & tollat crucem suam, & sequatur me. Matt. 16. v. 24. Abnegasti teipsum, idque in omnibus; mortuus tibi ipsi es, idque perfectè, crucem tulisti, idque libenter, secutus es me etiam in factis heroicis. Esurivi, & dedisti mihi manducare: sitivi, & dedisti mihi bibere: hospes eram, & collegisti me.

me: nudus, & cooperuisti me: infirmus, & visitaſti me: in carcere eram, & veniſti ad me: quodcunque uni ex minimis meis feciſti, mihi feciſti. Age Chriſtiana virgo, maluiſti mori, quàm ſædari; & tu Chriſtiane Pater - familias verbis & exemplis familiam rexiſti probè: & tu fili chariſſime, honoraviſti patrem & matrem juxta præceptum meum, & tu Religioſe propter me reliquiſti omnia: Veni ergo, veni benediſte, & poſſide regnum, cujus non erit finis, cujus pax & quies imperturbabilis, cujus divitiæ non deſiciunt, cujus honores non marceſcunt, cujus gaudium eſt plenum, cujus felicitas eſt æterna, & tanta, ut nec oculus viderit nec auris audiverit, nec in cor hominis aſcenderit O lætam & beatam ſententiam! Cor diſcipuli ſalit præ gaudio, & inſtar rosæ panditur, & dilatatur, cùm laudatur à magiſtro: miles non ſe capit præ lætitia, cùm à Duce præmio & gloriâ afficitur; & quali igitur gaudio perfundetur pia anima, quàm ſic laudat & remuneratur DEus? Quis erit illi ſenſus ad primum cæleſtis aulæ ingreſſum, quando ab illa Electorum turba, quam dinumerare nemo poteſt, amiciffimis penè obruetur amplexibus & ſalutationibus. Exultabunt oſſa humiliata. Pf. 50. v. 10. Noli ergo ullius crucis, laboris, preſſuræ capi jam

tædio aut fastidio, quandoquidem tam felix est exitus, & plurius apud te valeat DEi præconium, quàm vana laus hominum.

Punctum IV. Horrenda est sententia ferenda in impium & peccatorem. Discede à me maledicte in ignem æternum, qui paratus diabolo, & Angelis ejus. Ego te quidem creavi; Ego sum principium tuum & finis; Ego te redemi. Quàm carò mihi steteris, id loquuntur manuum, pedum & lateris mei vulnera. Vocavi te, & renuisti: mandata mea protervè gulâ, luxuriâ, & irâ tuâ proculcasti. Esurivi, & non dedisti mihi manducare &c. Quodcunque non fecisti uni ex minimis meis, nec mihi fecisti. Discede ergo à me maledicte: æternum proscriptus eris à facie mea, à meorum consortio, à parentibus tuis, qui mecum in cœlo habitant: ab Angelis meis, & benedicta Matre mea: Illa tibi se Matrem monstravit: at tu tam benignæ Matris degener fuisti filius. Quoties illa pro te supplex apud me nudavit ubera, & preces obtulit, quas tu tamen iteratis peccatis reddidisti irritas. Abi itaque, & diabolo, quem velut Deum ac Dominum secutus es te æternum socia. Discede in ignem æternum, in quo eùm arseris tot annis, quot sunt in arboribus folia, in mari guttæ, in litore arenæ, in aëre atomi, tunc



tui ardoris non finis sed initium erit. O miserum & luctuosum, discedere! O horrendum & terribile, ardere! ad hæc verba Judicis, deseret animam Tutelaris Angelus & dicet: Curavimus Babylonem, & non est sanata; derelinquamus eam. Jer. 51. v. 9. Eodem ipso puncto temporis terra hiabit, & diabolus animam in inferni barathrum, secum crudelissimè rapier. O quæ tristitia, confusio, desperatio animam tunc obruet, cum primùm igneos illos inferni carceres ingrediatur! Hinc discce, quid sit peccare, quia malum & amarum est, reliquisse te Dominum DEum tuum. Jerem. 2. v. 19.

## MEDITATIO TERTIA.

De Inferno.

**P**unctum I. Intuere mentis oculo locum & societatem damnatorum, Locus ipse, angustissimus carcer est, quem tenebræ undique, & foetidissimæ sordes occupant in quem damnati non aliter, ac lateritii lapides sunt compacti. Quàm molesta hæc erit & peracerba iis imprimis habitatio, qui magnificis ac deliciosis domuum & cubilium commoditatibus assueverunt. Socios eidem secum damnationi subjectos habent tum Angelos, tum homines; & hos inter, quos sceptræ, coronæ, tiaræ, ducales pilei cæteris prætulerant, quos eximia Theolo-

C

gia,

giæ, & juris utriusque peritia nobilitârat quos multa sanguinis & familiaritatis conjunctio olim colligaverat, ut sunt parentes, sorores, fratres, filii, consanguinei, & amici optimi: sed nullæ istic amicitie fidelitatis aut amoris leges, ubi umbra mortis, & nullus ordo, sed sempiternus horror inhabitat Job. 10. v. 22. Capitales hinc alter cum altero inimicitias gerit. Continuis se invicem maledictis & execrationibus impetunt, illi præcipuè, quos impurus & præposterus in hac vita amor, & scelerata in peccando societas intimiùs conjunxerat. Miserrima sanè conditio, cum illo infelicem vitam ducere, quem nec oculis, nec auribus ferre possis & æternum debeas. Disce hinc tuam cum omnibus amicitiam adamussim christianæ legis, ita componere, ut nullo alio, quàm sinceræ ac detæctæ charitatis fundamento nitatur. Dilce prava consortia canè pejus & angue vitare.

Punctum II. Discute panam, quæ sensus & extima damnati membra exercebit. Per quæ peccat quis, per hæc & torquetur Sap. 11. v. 17. Oculos in pœnam lascivientis curiositatis, fumida ignis tartarei ( cui id proprium est, ut ardeat uratque, at non ut lucet ) caligo castigabit stabunt aperti tem-  
 poris nec quicquam tamen aliud, nisi dæmo-  
 dum

num terribiles visu formas, sempiternos hostes suos, & tetrum inferni carcerem intuebuntur. Aures, quia hic patuere spurcis sermonibus, mœstissimus desperantium ejulatus, stridor dentium miserabiles gemitus, horrenda in DEum & Sanctos maledicta & blasphemix verberabunt. Nares sulphureus stagni avernalis vapor & erumpens ex damnatorum corporibus fœtor affliget: infernali enim antro caminus & vaporarium deest, per quod tetra mephiris exhalet. I nunc delicatule, & nasum balsamo unguentisque effœmina. Lingvæ fel draconum, & venenum aspidum; palatum canina fames sitisque torquebit. Dives Epulo tot jam sæculis unicam aquæ guttulam orat, & nondum exorat. Tam nimirum carò stat sua lingvæ, quæ ciborum, quæ verborum intemperies & libido. Totum quidem imò corpus non secus ac carbo aut ferrum ignitum unus ignis erit, cui collatus hic noster sublunaris, picturam potius, quàm ignem refert. Devorabit hæc flamma intima carnis, & medullas ossium Audi Isaiam: Quis poterit de vobis habitare cum igne devorante? quis habitabit ex vobis cum ardoribus sempiternis? Isa. 33. v. 14.

Quid? quòd orci incendia eos potissimum sensus & membra depascentur, quæ

præcipua fuerunt peccati instrumenta: Quodque in hoc genere horroris plenissimum est. DEUS: quis DEUS? DEUS totius consolationis & misericordiæ intuebitur damnatos (creaturas suas à se conditas, suo redemptas sanguine) inter illos flammarum turbines, intuebitur, inquam, sine ullo commiserationis affectu: quin imò gaudebit, quòd iustitiæ suæ rigorem in damnatis, hisce bestis saturare possit. Eheu, peccatum, quantum & quàm abominabile malum hoc est? quò denique miseriarum miserimos mortales deducit? hunc ignem tu cogita, & is faciliè in te concupiscentiæ flammam extingvet. Tu posthac si sapias, sic membris, sic exterioribus utere sensibus, ut ne abutaris. Quia ascendit mors per fenestras nostras, ingressa est domos nostras, Jeremiæ 9. v. 21.

Punctum III. Nec minora sunt, quæ in tribus animæ facultatibus tormenta damnatus sustinet. Memoriam veluti fluctuantem oceanum, tumultuantes tristem imaginationum procellæ fluctuque concutient. Ante mentis oculos obversabuntur continuò bonorum & voluptatum illecebræ, quæ vivens gavisus est, & quas modò pudor dolorque sempiternus exceperit; tot millenæ horæ tanto suo dispendio malè  
impen-

impensæ; tot abundantissima salutis obtinendæ media, quæ salutem tam commodè potuisset assequi, quàm assecuti sunt tot alii, quibuscum in eadem conditione ac domicilio convixit, tot peccata enormia, quæ viva conscientie tabula omnium circumstantiarum depicta coloribus usque & usque objiciet. Quales quantique sunt hi aculei, quàm atrocia mentis vulnera? Non errat D. Augustinus: Inter omnes tribulationes humanæ animæ, nulla est major tribulatio, quàm conscientia delictorum. Tom. 8. in Pl. 45. Et tamen dum vitam hanc vivimus, nonnunquam indormiscit conscientie vermis: at in inferno, uti Christus testatur: Vermis eorum non moritur. Marc. 9. v. 43. Nulla ibi quies, nullum solatium; quis enim illius vel miculam suppeditaret? DEUS? is Judex est. Cælices? amici DEI sunt, & qui pro Deo fiunt. Conscientia? ipsa sibi est carnifex. Socii? horum aspectus adauget malum. Pristinæ voluptates? abierunt illæ, & totæ quidem in dolores & anxietates. Id tibi ego consilium do: cave, pecces in animam tuam; sed dum tempus habes, operare bonum; vana & fluxa mundi oblectamenta, prius desere, quàm te deserant in tempore malo.

Intellectum damnati excœcabunt æternæ

næ illæ tenebræ, quas Theologi pœnam  
 damni appellant, estque perpetua carentia  
 visionis beatificæ. Eheu, jacturam incom-  
 parabilem! rejici, & æternum rejici à sua  
 beatitudine, hæreditate, patria, regno, à Deo  
 suo, à summo, infinito, incomparabili bono,  
 quod nec oculus vidit, nec auris audivit,  
 nec in cor hominis ascendit. Eheu malum  
 quo non datur majus malum! illos impri-  
 mis manet isthæc cœcitas, illos, inquam,  
 qui everterunt sensum suum, & declinave-  
 runt oculos suos, ut non viderent cælum.  
 Dan. 13. v. 9. Damnati voluntas, obdurata  
 in malum. & frugis melioris incapax, sem-  
 piternas in DEum, Divosque inimicitias  
 parturiet, plena inquietudine & tumultu,  
 desperationis abyssu absorpta, quod contra  
 tot malorum fluctus semper luctetur, & e-  
 luctetur nunquam. Anima enim immor-  
 talis est; sententia divina in eam lata irrevocabilis;  
 Ignis, quem patitur inextingvibilis,  
 vermis, à quo roditur, enecari nequit. Hu-  
 jus vitæ miseriæ cum morte finiuntur; at  
 mors apud inferos quæritur, nec invenitur:  
 Desiderabunt mori, & mors fugiet ab eis.  
 Apoc. 9. v. 6. Æterna igitur sunt inferni sup-  
 plicia. O æternitas, æternitas, quàm longa  
 est æternitas! Ride finituras mundi calami-  
 tates: desic æternum malum, quod solum  
 verè



verè est malum: omnem posthac moveto lapidem, ut temetipsum & plures alios æternis hisce cruciatibus expedias.

Punctum IV. In præsentissimo versaris periculo damnationis æternæ. Ipse tibi, tu judex es: an non is miles extremo discrimini vitam expositam habet, quem in aperto campo integra hostilis legio circumfidet? eo in discrimine tu es. Natura corrupta, & suo pondere in malum inclinans, momentis singulis in præcipitia te propellit: Diabolus circuit continuò tanquam leo rugiens, quærens quem devoret: tam subdola insuper est variorum peccatorum indoles; ut inter mortale & veniale non facile discernas: quàm subito morosâ delectatione venereâ delinquitur? quàm celer est in dubitationem contra fidem consensus? quàm inconsiderati protrudimus ea, queis bona proximi fama gravius vapulat? quàm facile in his aliisve criminum generibus tu impinges? Tu, inquam, qui homo iners & desidiosus es, qui inspirationes divinas repudiare consuevist; & tibi ipsi minium indulgens, vile passionum tuarum mancipium vivis. Et nulla tibi sit timendi causa? nullum pereundi periculum? Aliter profectò senserunt viri inter alios sanctissimi. D. Paulus: Castigo, inquit corpus meum, & in  
servi-

servitutem redigo, ne fortè cùm aliis prædicavero, ipse reprobus efficiar. 1. Cor. 9. v. 27. Hæc marmorea & viva fidei columna, quæ sustentat orbem, concutitur & contremiscit, & tu, qui lignum es carie exesum, omnis sollicitudinis vitam expertem agas? si bene tecum deinceps actum volueris, cum metu & tremore operare salutem tuam, & quamcunque peccati occasionem, imò & umbram evita. Qui stat, videat ne cadat, sed indefessus contra torrentem tentationum diab. licarum enitatur, ne animæ navicula in abyssum perditionis abripiatur.

## LECTIO SACRA.

**E**X Thoma à Kempis lib. 1. c. 23. 24. & 25.  
 ex Cibo Electo Part. 2. Instruct. 5. & 6.  
 ex libello Exercitiorum utere tertio orandi modo, eoquæ aliquot Psalmi quinquagesimi versiculos pondera.

## DIES QUARTUS.

## MONITA PRO MEDITATIONIBUS.

## Viæ Illuminativæ.

1. **F**inis sequentium spiritualium Exerctiorum, est illuminatio & progressus in omni genere virtutum. Et quia Christus perfectissimam est omnis sanctitatis exemplar, & lux, quæ illuminat omnem hominem venientem in hunc mundum Joan. 1. v. 9. Idcirco vitæ Christi mysteria ab ejus  
 incar-

incarnatione usque ad passionem expendenda & ponderanda suscipiuntur, ut ex iis, veram virtutem, vitæque sanctimoniam ediscas.

2. Pro fundamento ponitur Meditatio de regno Christi, in qua Christus velut Rex; ejus verò imitatio velut spiritualis pugna, adversus multos magnosque hostes describitur, & proponitur.

3 Loco obscuritatis, & tenebrarum, quas elapso triduo captasti, sereno cælo & luce jam frui poteris.

4. Admittendæ quoque & accersendæ per diem, sunt, lætiores cogitationes, de amabilissimis hisce mysteriis. Examen verò particulare per sequens triduum instituitur de imitatione Christi, deque omnibus amore & exemplo Jesu tui præsentis tempore faciendis. Quem in finem adjunctis affectibus utere: O Jesu, quis es tu, & quis ego? quàm sumus tu & ego vitâ & moribus dissimiles! Volo à te discere, ut mitis sim, & humilis corde. Volo abnegare me ipsum, & tollere crucem meam quotidie, & sequi te. Luc. 9. v. 23.

#### MEDITATIO PRIMA.

De Regno Jesu Christi.

**P**unctum I. Pone tibi ob oculos Regem aliquem, à tota Christianitate in caput electum

lectum, prudentiâ inter homines, & rerum  
seu bellicarum, seu politicarum peritiâ fa-  
cilè principem, admodum benignum, mi-  
tem, affabilem; verbo, regijs omnibus doti-  
bus apprimè instructum. Secundò. Is post  
aliquot annos imperij, in pacatissima quie-  
tè transactos, status suos & ordines convo-  
cat, eosque in hunc modum alloquitur:  
Certum mihi est, Fideles subditi mei Tur-  
carum & infidelium regiones bello aggre-  
di, & Christi jugo armatâ manu subjicere; si  
quis est vestrum, cui consilium hoc placeat;  
agendum sese mecum accingat. Fruetur eâ-  
dem sorte, quâ ego; equus, arma, vestis, ci-  
bus & lectus, mecum illi communis erit.  
In laboribus, vigiliis, periculis, excubiis, ego  
mihi primas vendico; sed vestrûm est sequi  
strenuè. Quidquid mihi spoliî obvenerit,  
quicquid urbium, regionumque domuerò,  
vos inter distribuam, ita tamen, ut ille plus  
auferat, qui meo exemplo generosiùs in ho-  
stem irruerit. Tertiò. Subditi omnes, in  
quibus vel gutta est ingenui sanguinis, huic  
Regi suo ad pares labores, pariaque pericu-  
la, imò & majora certatim se offerent; di-  
centque ad illum omnes, quod Ethai Ge-  
thæus ad Davidem. Vivit Dominus, & vi-  
vit Dominus meus Rex, quoniam in quo-  
cunque loco fueris Domine mi Rex, - ibi  
erit

erit servus tuus. 2. Reg. 15. v. 21. Si quis verò parem cum Rege sortem detrectaret, meritò velut deses & excors cæterorum ludibriis exponendus erit. Quodsi nunc Rex ille terrenus, tale subditorum suorum obsequium, & promptam in mortis pericula sequelam meretur; quid non merebitur Christus infinitis modis tali Rege præstantior; & qui à nobis nihil fieri petit, nisi in quo ipse prævit, & pro mercede ac præmio nihil terrenum, sed cæleste regnum pollicetur? atque hæc tria sequentibus punctis enucleatius sunt ponderanda.

Punctum II. Si talis Rex, qualem modò depinximus, reperiretur alicubi in terris, nonne omnium manibus portaretur? & tamen quid habent ipsius dotes ad Christum? Ille ab hominibus electus esset, Christus ab æterno Patre. Ego autem constitutus sum (inquit) Rex ab eo, super Sion montem sanctum ejus, Ps. 2. v. 6. Ille prudentiâ excelleret inter homines; Christus verò infinita est Patris æterni sapientia, cujus oculis nuda sunt omnia, præterita, præsentia, futura; quem nullus latet suorum defectus, nulla penuria: Ille benignus esset & mitis; at Christus sine ulla comparatione benignior: siquidem tam ipse misericors est, ut commiseratio ei sanguineum sudorem expresserit

ferit, quando vel cogitatio; de suorum miseria mentem subibat; tam ardens amore, ut pro hominibus calum & sinum suavissimum æterni Patris reliquerit; tam liberalis, ut nobis non modò, corpus nostrum & animam, creaturas reliquas, multa supra naturam dona gratiasque concesserit; verum etiam proprium corpus & sanguinem in cibum potumque donarit; tam est humanus, comis, affabilis, ut licet sit DEUS, cum discipulis tamen suis agat, ut frater, imò ut minister: Ego autem (inquit) in medio vestrum sum, sicut qui ministrat. Luc. 22. v. 27. Tam suavis & blandus erga afflictos & miseros, ut ipsummet regnum ejus, sit justitia & pax, & gaudium in Spiritu Sancto, Rom. 14. v. 17. Prior ille Rex magnæ authoritatis foret & potentix; at Christus, majestatis & potestatis infinitæ, qui, quod vult, hoc potest: ille regnum suum sollicitè obeundo, lustraret; at Christus itineribus iis non indiget, ubique per divinam immensitatem diffusus, & non modò in Regum palatiis, sed & in rusticorum tuguriis intimè præsens; ille militibus accuratè solveret stipendia, sed ex tributis, quæ pendunt subditi: Christus verò nullum veltigal aut collationem imperat; quin & debita nostra apud æternum Patrem contracta dissol-



mi-  
ore,  
vis-  
era-  
&  
pra  
ve-  
nem  
hu-  
us,  
er,  
in  
at.  
rga  
um  
iri-  
ex-  
at  
a,  
fu-  
us  
vi-  
dō  
u-  
a-  
na  
e-  
e  
ta  
ol.

dissolvit: illius regnum finem sortiretur aliquando: de Christo autem Archangelus Gabriel enunciat: Dabit ipsi Dominus sedem David patris ejus, & regnabit in domo Jacob in æternum, & regni ejus non erit finis. Luc. i. v. 32. Hic pro tali rege tibi concessio, æterno Patri gratias age, juxta D. Pauli monitum: Gratias agentes DEO Patri, qui dignos nos fecit in patrem fortis Sanctorum in lumine, qui eripuit nos de potestate tenebrarum, & transtulit in regnum filii dilectionis suæ Coloss. i. v. 12. Hic statue, tale Christo regi tuo impendere servitium, ut summam ejus gratiam merearis & principem apud eum locum obtineas.

Punctum III. Expende condiciones & pacta, quæ Christus suis in hac bellica expeditione proponit. Deliberatum est mihi dicit Dominus, meos vestrosque hostes carnem, mundum, diabolum, omnemque vitiorum exercitum oppugnare, iisque devictis in Patris mei regnum & gloriam reverti. Quisquis jam vestrum cō mecum aspirat, vivat, ut ego; patiatur, ut ego. Id unum à vobis posco, quod à militibus suis Abimelech: Quod me videris facere, citò facitè. Jud. 9. v. 47. Exemplum dedi vobis ut quemadmodum ego feci vobis, ita & vos faciatis. Amen, amen dico vobis, non est servus major

jor Domino suo Joan: 13. v. 15. Tuum igitur  
 munus, & obligatio tua erit, ut Christum  
 perfectè sequaris: in hac sequela sita est tua  
 sanctitas & omnis perfectio: in hac amorem  
 tuum erga DEUM præcipuè testaberis, ti-  
 biq̃ue cor DEI vicissim devincies: similiter  
 enim est mater amoris At verò quā ra-  
 tione tu hætenus Christum secutus es, & te  
 illi conformem facere studuisti? Christus  
 ex corde humilis, tu superbus; Christus  
 charitate plenus, tu invidiâ, &c. an non  
 metuis, ne Rex tuus in morte tibi id expo-  
 bret, quod jam olim per Prophetam Isaiam  
 elocutus est: In vacuum laboravi, pro te,  
 sine causa, & vanè fortitudinem meam con-  
 sumpsi Isa. 49. v. 4. Idcirco vide sis, ut ita  
 vivas inosterum, ut possis dicere cum  
 Paulo: Vivo autem, jam non ego, vivit verò  
 in me Christus. Gal. 2. v. 20.

Punctum IV. Considera magnitudinem  
 præmii, à Christo suis sectatoribus promissi.  
 Qui vicerit, dabo ei sedere mecum in thro-  
 no meo, sicut & ego vici, & sedi cum Patre  
 meo in throno ejus. Apoc. 3. v. 21 Si quis mihi  
 ministrat, me sequatur, & ubi ego sum, ibi &  
 minister meus erit, Joan: 2. v. 26. Terreni  
 reges servorum suorum obsequia ditionis  
 alicujus dominio, aut proregis officio com-  
 pensant, regiâ dignitate sibi reservatâ:  
 Chri-

Christus verò omnes servos suos reges facit; & quia infinitum est regnum illius, totum donare potest, & sibi totum retinere. O ingens cælestium horum regum felicitas, qui malorum immunes, passionum suarum domini, nulli peccato obnoxii, possident, quod desiderant, & per beatificam visionem fruuntur omnibus divinorum bonorum & attributorum thesauris! Prensarent mundi affectu infima quæque multorum annorum ministeria, si per ea scirent se polle ad regiam dignitatem emergere. Pari modo nullus tibi labor sit arduus, nulla videatur crux aspera, ut cœlo aliquando potiaris, audiasque tibi dicentem Christum: Vos autem estis, qui permansistis mecum in tentationibus meis, & ego dispono vobis, sicut disposuit mihi Pater meus, ut edatis & bibatis super mensam meam in regno meo, & sedeatís super thronos judicantes duodecim tribus Israël. Luc. 22. v. 28. Adhæc statuere te firmiter oportebit, sequi Christum, & ita ex corde DEum tuum affari: En ô Rex supreme ac Domine universorum, tuâ ego, licet indignissimus, fretus tamen gratiâ & ope, me tibi penitus offero, mea que omnia tuæ sub jicio voluntati, attestans coram infinitâ bonitate tuâ, nec non in conspectu gloriosæ Virginis Matris tuæ, totiusque curiæ cœlestis,

flis, hunc esse animum meum, hoc desiderium, hoc certissimum decretum, ut ( dummodo in maiorem laudis tuæ, & obsequii mei proventum cedat ) quàm possit proximè te sequar & imiter, in ferendis injuriis & adversis omnibus, cum vera tum spiritus, tum etiam rerum paupertate. Si ( inquam ) sanctissimæ majestati tuæ placeat, ad tale me vitæ institutum eligere atque recipere.

### MEDITATIO SECUNDA.

De incarnatione Filii DEI.

**P**ærludium primum est: Proferre in medium ( verba sunt S. P. Ignatii ) contemplandæ rei historiam; quæ hoc loco erit. Quomodo personæ tres divinæ, universam terræ superficiem speculantes, hominibus refertam; qui ad infernum descendebant; in Deitatis suæ æternitate decernunt; ut secunda persona, pro salute humani generis naturam hominis assumat: Unde adveniente tempore præstituto, Archangelus Gabriel ad B. Virginem Mariam nuntius destinatur.

Secundum pertinet ad loci compositionem: quæ erit visio imaginaria, perinde ac si oculis pateret terræ universæ ambitus, quam habitant tot diversæ gentes: deinde ad certam mundi partem donnicula spectetur beatæ Virginis apud Nazareth in provincia Galilææ sita,

Terti-

Tertium continet gratiæ postulationem, ut intimè cognoscam, quo pacto DEI Filius mei causa sit homo factus, ut ardentius ipsum amem, & abhinc sequar studiosius.

Punctum I. Expende cujusque personæ in hoc mysterio occurrentis statum & cogitationes. Considera, quàm sint homines diversis moribus, quàm vario idiomate; albi alii, nigri alij, alii tristes, alii læti &c. Impii & idololatræ propè universi; ipsi adeò Judæi, populus electus omnis generis flagitiis obnoxii: Erat mundus tali beneficio prorsus indignus; nihilo tamen minùs cœlestis Pater tot animarum interitum miseratus cogitavit super nos cogitationes pacis, & non afflictionis. Jerem. 29. v. 11. Cogitavit & decrevit Unigenitum suum mundo redemptorem dare; unde S. Joannes admirandus exclamat: Sic Deus dilexit mundum, ut filium suum unigenitum daret, Joan. 3. v. 16. Vide, an non & te tum, cùm ejus amore eras indignissimus, dilexerit? cùm ergo ille non Angelum, sed Filium mundo dederit, tu, quicquid es, & potes, ipsi redde. Offer perfectam mandatorum, votorum & prepositorum observationem. Considera Archangelum Gabrielem, qui Fortitudo DEI interpretatur, disce in arduis pro honore DEI exequendis, & perfe-

D

rendi-

rendis fortitudinem, firmamque in auxilium divinum fiduciam. Adverte denique ad Virginem, quæ erat immaculata, solitaria, taciturna, orationi dedita, Gratiâ plena. Has virtutes cole, si in corde tuo, & cordibus aliorum, operâ tuâ Christum gigni desideras.

Punctum II. Examina personæ cujuslibet sermones, & documenta spiritualia ex eis elice. Homines, qui tunc erant, convitiis, contumeliis, mendaciis, blasphemis oblectabantur; quibus tu? an melioribus? Quid interim DEUS? Pater ait; renovemus hominem ad imaginem & similitudinem nostram. Gen. 1. v. 26. Filius: Ecce venio; in capite libri scriptum est de me, ut facerem voluntatem tuam DEUS meus volui & legem tuam in medio cordis mei. Pl. 39. v. 9. Spiritus S. In charitate perpetua dilexi te, ideo attraxi te miserans; rursusque ædificabo te, & ædificaberis. Jer. 31. v. 3. Tu sic amantes redama. Etiam Angeli cum beatissima Virgine colloquium perpende. Luc. 1. & præcipuè ultima virginis verba: Ecce ancilla Domini, fiat mihi secundum verbum tuum: Imitare exactam obedientiam, demissionem animi, resignationem in beneplacitum DEI, seu acerba seu dulcia imperantis.



Punctum III. Discente cujusque personæ opera. & quid imitandum, quidve fugiendum selige. Rapiunt, surripiunt, trucidant homines, pleno impetu ruunt in perniciem. Appende in statera opera tua, & dubio procul invenieris minus habens. Sanctissima Trinitas admirabile Incarnationis mysterium dat executioni; incarnatur æternum Verbum Filius Patris, fit homo in Virginæ Matris utero, semetipsum exinanivit, formam servi accipiens, in similitudinem hominum factus, & habitu inventus, ut homo. Phi. 2. v. 7. DEus immensus, splendor æterni Patris, in angusto & tenebroso virgunculæ corpore coarctatur & occultatur. Quis renuat esse parvus in oculis suis, & recumbere in loco novissimo, cum Altissimus, sit DEus absconditus? Angelus peractâ legatione, redit ad superiores, expectaturus nova mandata: tu exantlatis laboribus, quietem ne quære; excipiat laborem labor, cum pro DEo tuo laborandum est. Virgo Mater festinat per montana, ut Joannes à labe originis mundetur: tu, euntem, & in ea novum Regem, tum præcibus, tum aliis devotionis exercitiis prosequere; divinis inspirationibus illico morem gere: contemplationis dulcedinem lubens desere, cum id salus proximi imperârit.

## MEDITATIO TERTIA.

De Christo nascente.

**P**unctum I. Tenerrima & sanctissima Virgo, etsi partui jam vicina, ut tamen Romani Cæsaris imperiis obsequatur, a. sperâ hyemis tempestate in Bethlehem suum cum Josepho proficiscitur. Sed aliò DEI, aliò Augusti spectant consilia: Augustus ambitione & pecuniæ cupiditate stimulat, orbem describi jubet: Aeterna autem DEI sapientia suorum memor decretorum, prænuntiata tanto antè tempore, de venturo in mundum Messia, & ex semine David in Bethlehem nascituro, vaticinia, jam exequi parat, simulq; jacere altissima in Christiana Religione humilitatis, obedientiæ, & paupertatis fundamenta. Quàm profundæ factæ sunt cogitationes DEI, & exaltatæ sunt viæ ejus, à viis hominum! Disce te totum Divinæ providentiæ transcribere nec enim diffiteri potes, quin D E U S tuus, benignissimum Patris, imò sanctissimum sps. si erga te animum hætenus induerit, talemque, per omnem vitam se tibi præstiterit.

Sub vespèrè Divina puerpera frigore & pluviâ, suoque sanctissimo fatigata pondere, Bethlehem advenit sed hospitem, etsi per omnes urbis vicos & plateas sedulo  
quæ-

quærat, minimè invenit. Defessa itaque proximum lateri lapidem occupat: & interrim Josephus pro castissima conjuge sollicitus, fores complures, jam has, jam illas pulsat, & hospitium rogat, sed non erat ei locus in diversorio. Ergo laborem omnem frustratus redit, & ita Virginem affatur: Dilecta sponsa laborem hîc omnem & operam perdidimus; urbs nobis iterum relinquenda est, & adeundum est, quod foris præterimus, stabulum, ut quod negant homines, pecora præbeant nascituro Deo hospitium. Rex Regum, & Domine Dominantium! nullûsne tibi in primo mundi ingressu, diversorioli angulus supererit? in propria venit, & sui eum non receperunt. Joan. i, v. ii. O saxeæ Bethlemitarum pettoræ; imò me potius omni saxo, omni silice duriores! qui toties evanescens cor meum fluxis mundi illecebris, & inordinatis creaturarum amoribus patere feci: Jesum verò, DEum meum; impiè exesse volui, ei que impudenter dicere sum ausus: sta foris. Mi Jesu, mi DEus, quàm me pudet hujus vesania! En totum tibi saltem modò consigno cor & amores meos.

Summâ animi æquitate hanc Bethlemitarum duritiem pertulit Virgo, & his dulcissimum pro illis filiolum suum est depre-

cata: Dimitte illis, non enim sciunt quid faciunt: Prompta & lata ingreditur stabulum, & illud ingressa, mox sese ad orationem componit, ignescit tota & pectore toto vultuque supra Seraphinos ardens, diviniorebus cæli perfusa deliciis, ad DEUM sustollit se, castissimoque amoris amplexu aut jactu potius ad Dilectum, imò in Dilectum suum sese librat; & ecce tibi, dum quietum silentium contineret omnia, & nox in suo cursu medium iter haberet, omnipotens sermo tuus de cælo à regalibus sedibus venit. Sap. 18. v. 15. Virgo doloris experta, salvo uteri virginalis claustro peperit suum, & æterni Patris primogenitum. O quis hinc conceptu adæquaverit illa liquefcentis animi gaudia, humillimam tam Deiparæ, quàm Josephi adorationem, suavissima virginæ Matris oscula & amplexus, affectuosam cordis gratitudinem, sui que & omnium animæ corporis que virium, delationem? Tu tua quoque obsequia exhibere ne negligas. Quæ obsequia? Orationem, silentium, laborem, abnegationem tui perfectam. Et quæ polliceris, stude exequi.

Punctum II. Sed & Divinum hunc infantem pannis involutum, & intra præsepis angustias reclinatum, attentius contemplare. Adverte amorem illius, obedientiam,  
&

& paupertatem; primumque è straminea præsepis cathedra docentis, lectionem excipe: Discite à me, quia mitis sum, & humilis corde. Matth. ii v. 29. Pater æternus in splendoribus Sanctorum ex utero ante Luciferum me genuit, at modò me Mater inter obscuras noctis tenebras, in angusto & vili stabulo enixa est: Ego, qui tribus digitis appendo molem terræ, hîc puer debilis manus pedesque ligatus jaceo. Ego, cujus scabellum pedum in cælis Cherubini erant, & Seraphini, nunc in orbem ingrediens, locum novissimum & abjectissimum elegi. O superbi filii Adam, discite à me, quia mitis sum, & humilis corde. En mi JESU in discipulum tuum tibi me dedo. Et quæ modò doces, discere & perdiscere certum est; nec antè quiescam, quàm humili, compositâ, & absconditâ vivendi ratione lectionem hanc me penitus percepisse demonstravero. Intolerabilis enim est impudentiâ, ut, ubi se exinanivit Majestas, vermiculus infletur & intumescat. D. Bernardus.

Punctum III. Considera, quæ nato Regi obsequia impendant Angeli. Vix natum in stabulo viderant, cùm suum in humana carne DEum ac Dominum adoraturi properis alis præsepi advolârunt, & in unum deprecati sunt, sibi ut liceret nati jam Regis

gloriam mundo propalare. Hisce te Angelis associa, & JEsum omnibus, verbô & exemplô prædicare stude.

Gabriël Archangelus, recens nati Regis legatus, magnâ stipatus Angelorum catervâ, ad iter se comparat. Lubet hîc festinos interpellare tantisper Genios. Quò tenditis Angeli? quam viam capeffitis? Ad summum fortè Judæorum Sacerdotem? Ad Cæsarem Augustum? Ad Præsidem Cyrenum? Ad Scribas & Phariseos Bethlemiticæ & Hierosolomytanæ urbis? Non vos istuc, nec ad illos: Illi enim, quia superbi sunt, avari, molles, pauperculum infantem spissas inter noctis tenebras, & ferociente hyeme nunquam inquirent. His itaque spretis, rectâ caelestes genii ad pastores ovium se conferunt, quorum simplex humilitas & laboriosæ vigiliæ hanc sibi præ cæteris gratiam merebantur. Nunc agnosco verum esse, quod Salvator postea prædicaturus est: Confiteor tibi Pater, Domine cæli & terræ, quia abscondisti hæc à sapientibus & prudentibus, & revelasti ea parvulis. Matth. i. v. 25. Sic una humilitas, una simplicitas te omnino idoneum reddet, ut se totum tibi DEus effundat, & ad intimam familiaritatem suam admittat, teque instrumento utatur, ad honorem suum eximiè promovendum.

Jam



Jam verò quid hi cælestes choraulæ nobis occinunt? Gloria in altissimis DEO, & in terra pax hominibus bonæ voluntatis. Gloriam DEO debitam, DEO tribuunt; plenam cum DEO pacem & secum ipsis annuntiant hominibus, sed bonæ voluntatis. Bonæ voluntatis est, qui suam abnegat, ut divinam induat voluntatem, bonam & beneplacentem & perfectam. Rom. 12. v. 3. In ejus animo pax jugis, & perenne gaudium est, qui ea vult semper, quæ vult DEUS.

Punctum IV Pastores nullis licet coacti Angelorum imperiis, sine mora tamen accingunt sese, & ad stabulum festinant. Imperia non expectat sincerus amor, sed nativo & liberrimo fertur in dilectum amoris pondere. Si DEUM, si te amas, negotia tuæ salutis magnâ cordis alacritate & ardore semper auspicare. Si cecidisti surge ocyùs: si adest exercendæ charitatis occasio, eam velox arripe: si deest, eandem cum pastoribus inquire, & inventam avidus fervensque amplectere: subintrant enim in stabulum pastores, & quem inveniunt puerum, illum ut DEUM suum, ut Messiam expectatissimum prout adorant. O vivam firmamque fidem, quæ in parvulo isto jam nato, debili & paupere infantulo, infinitas æternæ, & omnipotentis, summæque Majestatis divi-

tias reperit! O pastores verè fideles, quos nec vulgata Judæorum, Messiam suum cum magna Majestate expectantium opinio nec stabuli sordes, nec Matris Juvenulæ paupertas, nec parentis nutritii senectus, nec puerilis Jesuli infantia prohibuit, quò minùs certi de fide sua, in genua pro-cumberent, & D E U M suum munculis in puero venerarentur. Hac te magnanimitas in vera fide & Divino servitio deceret.

## LECTIO SACRA.

**E**X Thoma à Kempis lib. 1. & 8. c. 2. lib. c. 37. li. 3. ex Cibo Electo. 1. Instructio. par. 3. Ex libello Exercit. de tribus hominum classibus, seu differentiis.

## DIES QUINTUS.

## MEDITATIO PRIMA.

De circumcisione Jesuli, & adoratione trium Magorum.

**P**unctum I. Considera excelsos animos virginæ Matris, quæ vel ipsa filiolum suum circumcidit, vel certè D. Josepho in hoc opere, operam suam commodavit. Erat illa non minùs animosa quàm uxor Moy-sis Sephora, quæ tulit acutissimam petram, & circumcidit præputium filii sui. Exod. 4. v. 25. Aut quàm illæ mulieres, in Machabæorum libris commendatæ, quæ circum-

cidebant filios suos, ideoque trucidabantur secundum jussu regis Antiochi, 1. Mach. 1. v. 63. Peregit utique hoc opus cum intimo doloris sensu tenerrima & castissima Mater; nec dubium, quin oculis in cælum sublatis, mixtoque cum lachrymis suspirio, sic DEum affata sit: Sponsus sanguinum tu mihi es. Exo. 4. v. 25. Maluisset ipsa sanguinem suum fundere, quàm filii; nihilominus ex amore nostri, divinique beneplaciti reverentiâ, in dilectissimo sibi filiolo, mente manuque generosâ circumcisionem excuta est. Ita & tu, etsi teipsum ames, tibi tamen parcere non debes, sed debes teipsum sacræ circumcisionis seu mortificationis cultrô perfectè & planè amputare. Circumcisio cordis, (inquit Paulus,) in spiritu, non litera, ejus laus non ex hominibus, sed ex DEo est. Rom. 2. v. 29. Sit autem circumcisio tua perfectâ & universalis, & extendatur ad omnia, quæ in sensibus externis, affectibus internis, in animæ potentiis, in rerum conditarum amore, in bonis temporalibus, immoderata & inordinata sunt. Hoc Christus à te exigit: Si autem manus tua, vel pes tuus scandalizat te, abscide eum, & projice abs te. Matth. 18. v. 8. Sit insuper circumcisio constans & stabilis, non pauculorum dierum spatio definita, sed toti tuæ

vitæ commensurata. Sinunt quidem inordinati affectus sese suppressi, at rarò opprimi, & funditus evelli. Vineæ, nisi quotannis amputentur palmites, silvescit, & uvarum inops, vites & palmites malè luxuriantes alit. Denique hanc circumcisionem spiritus, non modò tu ipse tibi adhibe, sed eam quoque ab aliis circa te usurpari, libenter patere; à tuis videlicet Superioribus, animæque tuæ curatoribus, qui nôrunt optimè, quænam in te superflua cultro indigeant. Neque id tibi difficile accider, si seriò perpendas hujus circumcisionis necessitatem, quæ ubi negligitur, effrenes passionnes, sensim sinè sensu cum æterni exitii periculo in te propullulant. Bonum tibi est ad vitam ingredi debilem vel claudum, quàm duas manus vel duos pedes habentem mitti in ignem æternum. Matt. 18. v. 8. Inferni timor & DEi amor sint gladii spiritûs, & cultri sacri, quæis spiritualiter circumcidaris.

Punctum II. Imitare præclarissimas virtutes, quæis tibi sanctissimus divinusque Infans in hoc mysterio præluxit. Prima est humilitas, in qua continuò hic Parvulus altius ascendit, quia se continuò demisit profundius. In nativitate formam servi, in circumcisione speciem peccatoris induit: erat enim circumcisio cauterium peccatoris, & homi-

hominis in originali peccato concepti, velut stigma & nota. Quid tu ad hæc? Tu è diametro huic humilitati repugnas. Videri vis pius & sanctus, cum sis flagitiosus & impius, & nævis plurimis scateas; gloriaris de rebus nihili, aut iis, quas à DEo accepisti quasi non acceperis.

Altera virtus est obedientia, quâ legi circumcisionis promptè & exactè paruit, à qua tamen se poterat iustissimis de causis eximere; quin quòd velut supremus, innocens, neque ulli peccato obnoxius Legislator, ejusmodi legi ne subjacebat quidem; ostendit nempe jam opere, quod postmodum dicturus erat ore: Nolite putare, quoniam veni solvere legem; aut prophetas, non veni solvere, sed adimplere; Amen quippe dico vobis, donec transeat cœlum & terra, jota unum, aut unus apex non præteribit à lege, donec omnia fiant. Matth. 5 v. 17. Tu verò undequaque quæris effugia, per quæ ab observatione mandatorum Ecclesiæ, tuarum regularum, tuique ordinis diurni te eximas, & tamen pendet inde profectus tuus in spiritu, & magnum gratiæ, gloriæque augmentum.

Tertia virtus, est plena dilectionis patientia, & plena patientiæ dilectio, quâ Christus sanguinem suum pro nobis cum

tanto doloris sensu profudit. Infantes alii cultram non prius sentiunt, quàm cuti admoveatur, eamque penetret; Christus verò jam tum materno in utero, doloris acerbissimam, & saxei cultri scissuram præsensit, neque tamen tetellulam carnem vulneri subtraxit, sed infractò illud & lætò animò excepit; similem quidem vocem aliis infantibus emisit plorans; at cum gaudio sanguinem matutini sacrificii mundo effudit, paratus omnem in vespertino crucis sacrificio nobis impendere. O JESU, exosculor humillimè sanctos illos paniculos, quos deus tuus sanguis irrigavit; apprimo illos tenerrimè cordi meo. Hæc cruenta tua lintea mihi animos & robur in quavis adversitate suggerent: quin & paratus sum vitam & sanguinem, quidquid sum & possum, tibi totum refundere.

Punctum III. Tres reges ex oriente, stellâ duce veniunt Hierosolymam nulloque habitu Herodis respectu, animosè interrogant: Ubi est, qui natus est Rex Judæorum Matth. 2, v. 2. Atque acceptò à Scribis, & Legis Doctoribus responsò, in Bethlehem Judæ, eò confestim se conferunt, ibidemque recens natum Infantulum munerum suorum & obsequiorum delatione venerantur. Admirare hîc mutationem dexteræ Excelsi.

Judæi,



Judæi, gens electa, quibus erat Messias promissus, tanto tempore ab iis desideratus, tam vicini Bethlemico tugurio, locum natiuitatis tribus Magis commonstrant, & nemo unicus ex iis, aut ex Herodis metu, aut ex ei placendi & adulandi studio, vel pedem effert è limine ad cœlestem hunc regem quærendum. Contrà verò tres Magi, viri gentiles, partim stellâ duce, partim Balaami vaticinio exciti, domos, uxores, liberos & ditiones suas promptè deserunt, & crudâ hyeme iter longum spatiô, gelû molestum incœptant, paraguntque: intrepidè de novo rege in aula Herodis percontantur, licèt Herodis ambitio & crudelitas iis esset satis perspecta; nec antè quiescunt, quàm Rege cunctis gentibus desiderato frui liceat. Ita nempe verum est, quod postmodum Christus edixit: Multi ab oriente & occidente venient, & recumbent cum Abraham & Isaac & Jacob in regno cœlorum; filii autem regni ejicientur in tenebras exteriores, Matth. 8. v. 11. Idcirco in servitio divino tu fervens esto, & Tene quod habes, ut nemo accipiat coronam tuam. Apoc. 3. v. 11. ne fortè in locum proditoris Judæ, Mathias; & in locum reprobati Saulis, David novus eligatur. Sequere magnâ mentis promptitudine stellam fidei, piarum inspi-  
ratio-

rationum, rectæ rationis, & spiritualis directionis tuorum Superiorum: Noli declinare, neque ad dexteram, neque ad sinistram, nullamque molestiam à carne aut dæmone obijciendam formida. Noli dicere cum pigro: Leo est in via, & leæna in itineribus Proverb. 26. v. 13. Perrumpendum est; aliàs, qui timent pruinam, irruet super eos nix Jobi. 6. v. 16.

Punctum IV. Ingredere cum tribus Magis stabulum Bethlemiticum, puerumque cum Matre (JESUS enim & Maria separari non sistent,) feliciter inveni. Agnosce mundi pompam à cœlesti rege conculcari: vivâ fide crede, hunc infantulum esse in sua paupertate ditissimum, in sua depressione maximum, in infantili gellu, & habitu, æterni Patris Verbum.

Procede in genua, & Infantem pannis involutum, DEUM, inquam tuum ac Dominum adora, apertisque cordis tui thesauris offer illi charitatis aurum; illius, inquam, charitatis, quæ omnia opera tua inaurer, si quidem nihil operis te par est, aggredi, quod non purè in DEUM tendat: quæ ignis examen sustineat, & tuam probet in omnia adversitatem constantia: quæ laboriosa sit & nunquam quiescat; semper operans ad instar lucrosæ pecuniæ, quæ deponi otiosa non sollet

let, sed de manu in manum cum fructu & fœnore transferri.

Offer præterea parvulo thus orationis, cui ferventer insiste, & manè & vesperti, omnique loco & tempore, uti Christus imperat; Oportet semper orare, & non deficere Luc. 18. v. 1. Ut inter media negotia, & alloquia hominum, cor tuum, non minus quàm in ipsa meditatione sit DEO conjunctum.

Offer denique myrrham mortificationis, proprii judicii, voluntatis propriæ, exteriorum sensuum, interiorum affectuum. Multi orationem amant, at mortificationem oderunt, qui tamen seipsos falsâ sanctitatis specie deludunt. Anima, quam bonus afflat, & ducit spiritus, ita affecta est, ut erat sponsa in Canticis, de qua dicitur: Quæ est ista, quæ ascendit per desertum, sicut virgula fumi ex aromatibus myrrhæ & thuris, & universi pulveris pigmentarii. Cant. 3. v. 6. In quo corde thus & myrrha permiscuntur, in eo fragrant omnium virtutum aromata.

#### MEDITATIO SECUNDA.

De præsentatione Christi in templo.

**P**unctum I. Beatissima Virgo DEipara, quadraginta dies in stabulo Bethlemitico, maternis erga parvulum suum officiis exigit, tantò animi sui solatiô ac gustu, ut

ETIUM

rerum mundanarum omnium prorsus oblita, quadraginta hos dies, pro uno duxerit. Tantæ sunt in sancta solitudine deliciae, tanta suavitas in DEI consortio: & tu mox in inquietorum hominum, & peccatorum familiaritatibus abriperis? Quadraginta his diebus exactis, proficiscitur Hierosolymam Virgo Mater, & pro filio suo offert par columbarum, statutum pauperulis munus, ac Sacerdotis preces pro sui emundatione deponit. O Virgo amantissima, nonne tu es mundi totius advocata? nonne tu illa es, de qua Sponsus: Tota pulchra es amica mea, & macula non est in te Cant. 4. v. 7. pura opere, pura sermone pura cogitatione? Purificationis legi minimè subjecta? Mulier (inquit legislator) si suscepto semine peperit masculum, immunda erit septem diebus. At verò tu peperisti non è virili semine, sed virginitate illæsâ, & Spiritu sancto obumbrata. Ut quid ergo Sacerdotum prece, quid purificatione tibi est opus? Verè ô beata Virgo (rectè inquit Bernardus) verè non habes causam, nec tibi opus est purificatione, sed nunquid filio tuo opus erat circumcisione? Eslo inter mulieres tanquam una earum, nam & filius tuus sic est in numero peccatorum. Serm. 3. de purif. Age mi Christiane, ob superbiam tuam ad tale exemplum

emplum erubescere. Cordis puritatem amare, peccasti lethaliter? tempestivè & sollicitè poenitentiam age. Justus es? justificeris adhuc & quidquid intrâ & extrâ te minus est ordinatum, deponere & eradicare.

Punctum II. Attende & ausculta, quo pacto in hac sui oblatione, Patrem suum cælestem Filius alloquatur: Supteme & æterne Pater, respice in faciem unigeniti Filii tui, hîc modò in ara tua præsentis, quem in splendoribus Sanctorum ex utero ante Luciferum genuisti, Ecce ego, ejusdem tecum naturæ & substantiæ, qui non rapinam arbitratus sum, esse me æqualem tibi, ex solo tuo arbitrio, puroque in genus humanum amore, factus sum homo, me totum in hostiam tibi offero. Sacrificium & oblationem noluisti, aures autem perfecisti mihi holocaustum & pro peccato non postulasti, tunc dixi: Ecce venio. Ps. 39 v. 7. Ecce venio, mi Pater, ut humiliem memetipsum, fiamque obediens, usque ad mortem, mortem autem crucis. Estne cor ullum tam ferreum & saxeum, quod iste sermo tenelli infantuli non prorsus emolliat? nōne id omnino est æquitati, & rationi consentaneum, ut & tu ex reciproco in Jesum amore corpus & animam eidem offeras, ac penitus consecres, & quemcunque laborem, paupertatem, con-

contemptum, desolationes, morbos, de manu ipsius admittas, dicasque cum regio Psalmista: Paratum cor meum DEUS, paratum eor meum. Ps. 55. v. 8.

Punctum III. Contemplare, quàm festinus propelet ad templum Senex Simeon; ut morti proximus, vitæ occurrat; quo effectu in genua coram matre supplicabundus procumbat; quomodo in ulnas suas è maternis amplexibus Jesulum excipiat. O quali gaudio cor intus ebullit! quàm suaves lacrymæ certatim per seniles genas decurrunt! quàm humili osculo manibus, & pedibus divini pusionis os apprimat! quàm reverenter in puero DEUM ac Dominum suum adorat! Contra verò quàm amabiliter ocellulos suos in optimum senem parvulus defigit? quàm suavi obtutu cor ejus vulnerat, tantæque solatii affluentiam animam ejus liquefacit, ut vitam pariter & mundum pertæsus, exclamet: Nunc dimittis servum tuum, secundum verbum tuum in pace: quia viderunt oculi mei salutare tuum. Luc. 2. v. 29. En vitam jam teneo, ac proinde nullam mortem formido: viam regiam amplector hanc ego tutus ingrediar: nulla me pugna, nulla demonis tentatio exterret, cum mihi præstò sit pax vera, & certa victoria; neque multò post, ut testatur Nicephorus



phorus lib. 1. cap. 12. cum summo animi solatio pius senex è vita decessit. Obtinuit beatam hanc mortem Simeon, quia in vita sua justus erat & timoratus, & L&Ei mandata religiosissimè observabat. Siquidem qui timet Dominum, nihil negligit. Eccl. 7. v. 19. & expectans consolationem Israël, orabat continuò non pro sua tantùm, sed & totius humani generis salute, & Spiritus sanctus erat in eo, velut in consuetò suo dignoque se habitaculo. Felicem quoque & tranquillam mortem si tu expectes declina à malo, & fac bonum.

Punctum IV. E tot mulierum millibus, tum Hierosolymis, tum alibi degentibus, unica Anna eligitur, quæ Spiritu sancto inspirante, Christum agnoscat, & de illo vaticinetur. Meruit hoc ipsa eximia vitæ integritate & sanctimoniâ. Erat vidua usque ad annos octoginta quatuor, quæ non discedebat de templo, jejniis & obsecrationibus serviens nocte ac die. Erat hoc sanè facinus horricum, quòd foemina juvencula præter Judæorum morem, in flore ætatis, viduitatem amplecteretur, carnalibusque desideriis omnibus renunciâns, corpus jejniis, & assiduâ prece in annum usque octogesimum quartum attereret. O quàm præclarum est, non fluctuare instar arundinis

nis; sed stare instar petrae immobilem! nullis neque adversis, neque prosperis, à proposito divelli, cum tot Martyrum millibus carni resistere usque ad sanguinem, imò usque ad mortem!

### MEDITATIO TERTIA.

De infanticidio, fugâ Christi in Ægyptum, & ejusdem in patriam reditu.

**P**lurimum I. Herodes videns, quoniam illulus esset à Magis, iratus est valde. Matt. 2. v. 16. ideoque communicato cum suis consilio, decernit regem in ipsis adeo cunis extingvere; & ne quis detur elabendi locus, omnes totius regni infantes à bimatu & infra, ad necem destinat. Ad quàm immane facinus impellit Herodem ambitio, & inordinata mentis affectio! Præclare D. Ambrosius: Magnam faciunt tempestatem multitudines cupiditatum, quæ veluti in freto corporis navigantem, hinc atque inde perturbant. In Apologet. David. c. 3.

Quis pravos & effrænes animi effectus non domet, si tanti ex iis in corde motus & scelera enascantur? Accedit, quòd ipsi & aulae proceres, & Sacerdotum principes, & legis periti, ut regi impio impiè gratificentur truculentum hoc & barbarum necis decretum comprobârint, ipso Evangelista testante: Herodes rex turbatus est, & omnis

Hiero.

Hierosolyma cum illo Matt. 2. v. 3 Et iterum: Defuncti sunt enim, qui quærebant animam pueri. Matt. 2. v. 20 Tantum ponderis apud subditos habet Regis exemplum. Ubi pervênit verbum Jonæ ad Regem Ninive: surrexit de solio suo & abjecit vestimentum suum à se. & indutus est sacco, & sedit in cinere. Jonæ 3. v. 6. nec mora: præeuntem regem subditi sequuntur. Balthasar vasa templi Hierosolymitani aurea & argentea temulentus inter epulas sacrilegâ manu, & ore, profanavit: & ecce factum regis, regni primores imitantur, ait enim Scriptura: Biberunt in eis Rex, & Optimates ejus. Dan. 5. v. 3. Nabuchodonosor, quò subjectos sibi populos ad statux suæ adorationem inducat: Congregat. Satrapas, Magistratus & Judices, duces & tyrannos & præfectos, omnesque principes reginonum. Dan. 3. v. 2. non ignarus, horum exempla ad seducendum populum esse potentissima. Vide proinde, quisquis cum potestate aliqua præes aliis, ut dignam ducas munere tuo vitam, id est, irreprehensibilem: nihil perniciosius est Præsidum delectis, quæ delinquentem & subditos pari ruinâ involvunt.

Punctum II. Ecce Angelus Domini apparuit in somnis Joseph: dicens: Surge, & accipio puerum, & matrem ejus, & fuge in Ægyptum

gyptum, & esto ibi, usque dum dicam tibi, Matt. 2 v. 13. Mandatum hoc denuntiatur Josepho, vel ex Jerusalem, in Nazareth redeunti; ut meditatur D. Bonaventura, lib. de vit. Christi, ca. 12. vel certè primâ aut secundâ nocte à reditu in Nazareth. Mandatò acceptò, Joseph consurgens accepit puerum, & matrem ejus nocte, & secessit in Ægyptum. Matr. 2, v. 14. nec verbulò sese excusat; sed festinat ad cubiculum sponsæ, ferit osium, & dilectam vel castè suaviterque dormientem, vel piè vigilantem reperit, & verba Angeli enarrat: surgit illa confestim, & nocte mediâ excitat è somno parvulum, intempestivo sanè tempore, non sinè parvuli lachrymis, quæ suas jungit mater, in unum rivulum confluxuras. Recurrit illi prædictus à Simone gladius, & hunc primum illius idum esse arbitratur; nihilominus verbis hæc, Ecce ancilla Domini, fiat mihi secundum verbum tuum, cum intimo sensu prolatis, se ad iter accingit. Quid agis tenerrima virguncula? eritne ergo tua quindecim annorum ætas par illis viæ incommodis? Inter Ægyptum & Nazarethum non minus sanè, quàm centum leucæ interjacent, & hoc tantum iter tu sub noctem mediam inire paras? saltem in crastinum profectionem differ; nam nox itineranti-

bus

bus non molesta solum, sed valde etiam periculosa & inimica est. Quid de hac fuga dicent populares tui, qui heri te reducem salutarunt, & proximâ illatim nocte insalutatis omnibus mirantur discedere? quis erit desertæ domunculæ custos? cui pauperulam suppellectilem servandam committes? Cogita quò pergas: ad homines nempe barbaros & inhumanos. Si filius tuus in propria venit, & sui cum non receperunt, quid facient extranei? si apud amicos & notos non invenit locum in diversorio, sed pro hospitio stabulum, pro lecto præsepe, quid ab ignotis, iisque idololâtris expectabit? Resellit hæc omnia promptissima Virgo hac unâ voce: Ecce Ancilla Domini fiat mihi secundum verbum tuum. Eadem mens inerat divino pulsioni: & licet ex nutu ipsius mors & vita Herodis penderet, parentes tamen, motu interno ad fugam in Ægyptum compellit. Ergo tam promptè Christus paret Angelo, & Angelorum Regina Josepho, & tu superiori tuo subditus parere cum omni subjectione recusas? Disce iudicium & voluntatem subijcere in mandatis, quantumvis arduis: disce Christum ardentissimè redamare, qui illud in Ægypto exilium elegit, quò majorem haberet pro te patiendi materiam. Disce animarum zelum, cum Christus ad  
E  
huc

huc Infans ad se gentes vocet, impleatque illud Isaiaë vaticinium : Ecce Dominus ascendet super nubem levem. & ingreditur Ægyptum, & commovebuntur simulacra Ægypti à facie ejus. Isa. 9. v. 1.

Punctum III. Christo fugâ subducto, sanguinarium suum decretum Herodes exequitur; nam mittens occidit omnes pueros, qui erant in Bethlehem, & in omnibus finibus ejus à bimatu & infra Matth. 2. v. 16. Inaudita à condito mundo tyrannis! Tyranni cæteri, in adultos sevière, quorum cædes interdum involvit parvulos: at crudelitas Herodis, satiari non potest nisi solum infantium sanguine, à quibus nihil omnino damni vel acceperat, vel timere poterat. Verùm Divina providentia ex hoc nefario facinore ingens bonum elicit. Herodis furor DEo officina fuit, in qua coronas Martyribus parvulis fabricaretur. Felices sanè parvuli, qui, quod lingvâ non poterant, profusione sanguinis Christum confitentur. Primus illorum ex utero egressus, ad perennem felicitatem ingressus fuit; rapiuntur à milite ex matrum gremiis, & ab Angelis deportantur in sinum Abrahamæ. Sine certamine & pugna, victoriam, & cum victoria incorruptam beatitudinis coronam accipiunt. 1. Cor. 9. v. 25. Ipsi nunc annuis



in mundo honoribus, & in cœlo gaudiis lætantur sempiternis cùm Herodes contrà æterno apud homines dedecore, & perenni apud inferos supplicio torqueatur. Sic omnipotens DEI sapientia & bonitas, colligit de spinis uvas, de tribulis ficus. Matt: 7 v. 6. & ex ore rugientis leonis favum mellis educit. In afflictionibus projice cogitatum tuum in Dominum, & tristium rerum, lætos eventus experiêre; cùm D. Paulus affirmet: Quòd diligentibus DEum, omnia cooperentur in bonum. Rom. 8, v. 28.

Punctum IV. Annis septem & octô in Ægypto transactis, Ecce Angelus Domini apparuit in somnis Joseph in Ægypto, dicens: Surge, & accipe puerum & matrem ejus, & vade in terram Israël. Matth. 2. v. 21. Nobis prima ætas solet esse lætissima; sed Christo tristissima fuit, & una continua crux; testatur id incòmoditas & asperitas in nativitate; dolores acutissimi in circumcissione; fuga ob Herodis persecutionem; egestas summa in educatione, mœror ex dilectæ matris frequenti afflictione; luctus ex idololatria Ægyptiorum, quæ quotidie ante oculos obversabatur; laboriosissimus ex Ægypto in patriam reditus, quem vix octennis suscepit, & pedes bacillulo nixus confecit. Quot incommoda tenello via-

tori & puero in hoc itinere sustinenda suē-  
re? Attigerat jam fines terræ Israël, & cogi-  
tabat regiā viā per Judæam in Nazareth  
pergere, cū ecce ob metum Archelai pro  
patre imperantis via difficilis erat circumle-  
genda. Quid multa? Parvulus Iesus misē-  
riarū & calamitatum ubique scopus est.  
Unde & tibi dictum puta illud Jobi: Mili-  
tia est vita hominis super terram. Job. 7. v. 1.  
Et illud Pauli: Omnes, qui piē volunt vi-  
vere in Christo Iesu, persecutionem patien-  
tur. 2. Tim. 3. v. 12

## LECTIO SACRA.

**E**X Thoma de Kempis cap. 23. & 32. lib. 3.  
Ex Cibo Electo 2. Instructio. par. 2. Ex  
libello Exercit. de tribus gradibus hu-  
militatis. pag. 104.

## DIES SEXTUS.

## MEDITATIO PRIMA.

De vita Christi solitaria ad annum usque  
trigesimum ætatis suæ.

**P**unctum I. Considera primam hujus di-  
uturnæ solitudinis causam. Triginta  
omnino annos insumpsi Christus compu-  
tandis, expendendisque iis, quæ sibi ali-  
quando passionis suæ, & prædicationis tem-  
pore eventura prævidebat. Docet te, nihil  
ex subito animi impetu inchoandum, sed  
consideratè & maturè præmeditanda esse  
omnia

omnia. Expectat Christus in trigésimum  
 ætatis annum, officio prædicandi magis i-  
 doneum; expectat usque dum excreverit  
 Præcurzor suus, & populo adventum Mes-  
 siæ annuntiârit. Melius est enim aliens  
 quam propriò testimonio clarescere. In mo-  
 rem peccatoris baptizari se voluit, quoniam  
 omnis bonæ actionis fundamentum novit  
 esse oportere humilitatem. Adit eremum, &  
 quadraginta dies jejunando, orando, vigi-  
 landoque traducit; quia omne bonum de-  
 sursum est, descendens à Patre luminum, &  
 è cælo petenda sunt omnis boni operis au-  
 spicia; redit subinde ad matrem suam; pri-  
 vatus agit ad trigésimum usque expletum  
 annum; & tunc denique sextâ Januarii fecit  
 initium signorum JESUS in Cana Galileæ, &  
 manifestavit gloriam suam. Joan. 2. v. 11.  
 Quousque dissimulas, ( interrogat D. Ber-  
 nardus ) quasi infirmus aliquis vel insipiens  
 lates in populo, qui virtus es, & sapientia  
 DEI ? serm. 1. de Epiph. Christus à primo  
 conceptionis suæ momento noverat, quid  
 agendum sibi vel omittendum, quid tacen-  
 dum aut loquendum, quid eventurum es-  
 set. Te unum hæc spectat solitudo, tuoque  
 exemplo deservit, ut in actionibus tuis di-  
 scas, non esse præcept, neque judicii tui pro-  
 digus. Præmeditare operis circumstantias,

tempus, locum, personas, scopum, & finem; num honori divino ac saluti tuæ, quod facturus es, congruat. Propterea & in consulta negotiorum tractatio, multis pœnitudinem attulit, at seram nimis. Quocirca filium suum Salomonem monet David è lectulo mortis suæ, ut intelligas universa, quæ facis, & quocunque te verteris. 3. Reg. 2. v. 3. Et Propheta Jeremias hortatur singulos: State super vias, & videte, & interrogate de semitis antiquis, quæ sit via bona, & ambulate in ea, & invenietis refrigerium animabus vestris. Jere. 6. v. 16.

Punctum II. Christus triginta annos sibi privatus vixit, & solum tres erudiendis impendit hominibus, ut tu illius exemplò doctus, proximi quidem salutem, sed magis tuam cures. Sapientia Christi & sanctitas, quæ jam tum in prima conceptione summa, augeri in se & crescere non poterat; crevisse tamen, & auctior facta esse dicitur, quia utriusque, tam sapientiæ, quàm virtutis majora indies documenta dabat. Tu autem homo es imperfectus, & in utroque genere augmenti capax, ideoque uti in horas singulas ætate, sic crescere te par esset imprimis in sapientia, non eâ, quæ mundi, sed quæ DEI est. Disce nosse te ipsum; disce, quæ fides proponit, quæ ratio statûs & officii

cii tui à te postulat; quàm pulcher, quàm benignus & iustus sit DEUS, uti ipse per Prophetam hortatur: In hoc gloriatur, qui gloriatur, scire & nosse me, quia ego sum Dominus, qui faciam misericordiam & Iudicium & iustitiam in terra, hæc enim placent mihi, ait Dominus. Jerem. 9. v. 24. Hic tu investiga, quo pacto hucusque te in meditationibus; in aliis exercitiis spiritualibus, in assidua collectione animi tui, & præsentia divinæ memoriæ exercueris: quæ ad proficiendum in cælesti sapientia, efficacissima sunt media.

Progrediendum tibi ulterius est, non in una sapientia, sed in virtute etiam, in gratia, in observatione omnium mandatorum DEI, in laudabili atque exemplari conversatione cum hominibus. Certè S. Paulus, quanquam in tertium cælum raptus fuerit, & plùs cæteris Apostolis laborârit, & passus sit, fatetur tamen ipse de se: Fratres, ego me non arbitror comprehendisse: unum autem, quæ quidem retrò sunt, obliviscens, ad ea verò, quæ sunt priora, extendens me ipsum, ad destinatum prosequor, ad braviu[m] supernæ vocationis DEI, in Christo Jesu, Phil. 3. v. 13. Multò tibi adhuc labore & conatu opus est, priusquam impleas illud Christi: Estote perfecti, sicut Pa-

ter vester caelestis perfectus est. *Matt. 5. v. 48.* Forſan à primo fervore ſpiritus deſeciſti, & more cancrorum ceſiſti retrò?

Punctum III. Chriſtus triginta annorum ſpatio nullum patravit, præter humilitatis, miraculum; unâ quidem vice in Templo pleniſ prudentiâ (quæ humanâ major erat) quæſtionibus, ſapientiam ſuam prodidit reliquo verò tempore occultavit omnia, ac præter ſanctiſſimam Virginem Matrem ſuam, D. Joſephum, & Præcurſorem Joânem conditionis ſuæ conſcium habuit neminem. In Academia Hieroſolymitana nunquam Divinis literis operam dedit, nec earum interpretes frequens audiit. Ad templum & ſynagogam adiit ſæpius, ibidemque aliorum more orationes ſuas exſolvit, adque ita domum reverſus eſt. Unde & cùm officium prædicandi orſus eſſet, dicebant homines: Quomodo hic literas ſcit, cùm non didicerit? *Joan. 7. v. 15.* Imò conſanguinei ejus, exierunt tenere eum, dicebant enim, quoniam in ſurorem verſus eſt. *Mar. 3. v. 21.* Quàm longè adhuc tu abes ab hoc humili ſilentio & ſuppreſſione tui ipſius, rerumque tuarum? quàm te pungit, cùm propter doctrinam tuam, aliaque dona, pro voto tuo non æſtimaris? quàm lubricus & facilis es in eloquendis iis, quæ vanæ tuæ  
gle-



gloriæ serviunt? & tamen silet Christus, quanquam plenus sapientiâ, gratiâ & virtute, quanquam omnibus Doctoribus major, pro beneplacito suo parare prodigia posset, & divinitatem suam mundo manifestare, silet, inquam, & ipsos triginta annos humilis, ac privatus publicô abstinet. O humilitas virtus Christi (pulchrè inquit mellissimus Doctor) quantum confundis superbiam nostræ vanitatis! parum aliquid scio, vel magis aliquid scire mihi videor, & jam silere non possum, impudenter me aut imprudenter ingerens aut ostentans promptus ad loquendum, velox ad docendum, tardus ad audiendum, Serm. 1. de Epiph. Istud emenda.

Præterea, quoniam in hac paupercula domo, nec servus erat, nec famula, ipse DEUS Optimus Maximus abjectissimis fungitur officiis; everrit domum; colligit sollicitè segmenta; compôrtat ligna; atque ut habeant, unde in diem vivant, in fabricando nutritium adjuvat, id quod postmodum convicia suorum concivium probant; Nónne hic est faber, filius MARIE? Mar. 6. v. 3. Quid, amabo, cogitârunt Angeli, cum cernerent in asseribus dolandis, & secandis lignis laboriosè occupatum cum, qui alias verbô unicô cælum & ter-

E ;

ram

ram fundavit? cùm cernerent per plateas paratos labores suismet deferentem humeris ad eos dominos, qui id operis constituerant? à quibus etiam velut gregarius quispiam opifex tractatus est & habitus? haud dubiè Angeli tantò attoniti spectaculò, exclamârunt: Verè tu es DEus absconditus, DEus Israël Salvator. Isaia 45. v. 15. Quod officium, quod munus tibi, ô homo, humile erit ac vile, cùm se DEus sic humiliârit, imò exinanîrit?

Punctum IV. Christus in vita sua privata non solum profundissimam te docet humilitatem, sed perfectissimam quoque obedientiam. De ipso enim scriptum est: Et erat subditus illis. Considera exactè, quale fuerit in supremo Principe obtemperandi studium. Pondera circumstantias. Quis enim erat subditus? Infinitus, & immensus DEus: cui? pauperi fabro: qua in re? in servilibus laboribus: quo pacto? cum fervore & gaudio cordis sui; quoniam tam abjectum & vile nihil est, cui pondus suum & pretium non det obedientia: ob quam causam? ut tu disceres obedire DEo, Superioribus, & moderatoribus conscientia & animæ tuæ. His omnem prorsus subijce & intellectum & voluntatem, partim, quia DEus propter te se subdit homini; partim, quia

quia obedientia talis est virtus, secundum verba sancti Gregorii, quæ cæteras virtutes animo inserit, in eoque custodit. O superbi ac refractarii filii Adam, quàm confusionem sustinebitis olim, quando Christus supremus Iudex exprobraturus est, quòd lectionem obedientiæ nolueritis addiscere, quàm triginta annorum curriculò tot manifestis exercitiis exemplisque gravissimis inculcare studuit ?

### MEDITATIO SECUNDA.

De duobus vexillis Luciferi & Christi Domini.

**P**unctum I. Dux stygius Lucifer in throno fumoso & igneo ad Babylonem consolidet. quæ vox confusionem significat; quòd in impio pectore nullus ordo, sed sempiternus horror inhabitet. Est illi facies tam fœda, ut hominem intuitu vel uno possit perimere; potentia tanta, ut non sit super terram potestas, quæ comparetur ei, qui factus est, ut nullum timeret. Job. 41. v. 24. quique vel viros sanctissimos non timet aggredi: tanta peritia, quantam necesse est, ex continuis tot annorum (jam propè sexies mille fluxerunt) fraudibus & technis existere; tam capitale ejus in homines odium, ut tanquam leo rugiens circumeat, quærens quem devoret. 1. Pet. 5. v. 8. Quemadmodum

enim leo, ovem integram, cum carne simul & ossa & pellem devorat : tartareus hostis cum anima corpus deglutire gestit, & æternò exitiò involvere. Quis tam crudeli Domino famulari, quis in talis tyranni servitutem ultrò se velit conjicere? præcipuè si famulaturus sibi istiusmodi condiciones præscribat: DEum nega conditorem tuum in JESum servatorem tuum esto perfidus, & eo deserto, per difficiles peccatorum vias me sequere: Ego breviculæ voluptatis gustum momentaneum polliceor; at, dum vita hæc tibi constat, continuis conscientie fluctibus agitabere; & nulla erit animo pax: dum autem durat æternitas, suppliciis torquebere mecum immaniissimis; temporarium honorem curabes; sed qui in sempiternam infamiam desinat: hinc affluent divitiæ ad annos pauculos; in æternitate verò penuriam extremam, & egestatem petieris, O insaniam! velle damoni pro tali mercede servire! Pereunt certissimò, & æternum pereunt, quotquot illi se mancipant. *Quare resiste Diabolo, & fugiet à vobis. Jac. 4. v.7.*

Punctum II. Lucifer forios suos frequentanti numero per orbem universum ablegat cum his mandatis, nulli ut tempori, loco, personæque parcant; sed omnes, & omnia tentent. *Aggrediuntur ergo illi in campo*

campo militem, in choro monachum, in  
sylva eremitam, ad aram Sacerdotem, in  
paradiso Evam, idque noctu, diuque. Nul-  
lum est opus tam sanctum, cui se dormiri  
non immiscere studeat. Plenus est laqueis  
mundus; Quoniam omne, quod est in mun-  
do, concupiscentia carnis est, & concupiscen-  
tia oculorum, & superbia vitæ Joan. 2. v. 16.  
Primum & Palmarium id agit hostis, ut  
opum cupiditatem in homine accendat, &  
per eam sibi ad omne flagitium viam parat  
Ex opum cupiditate nascitur ira, fraus per-  
jurium, injustitia, inquietudo mentis, duri-  
tia in pauperes, ariditas in oratione. Ex opi-  
bus congestis oritur superbia, è superbia  
hypocrisis ambitio, aliorum contemptus,  
invidia, tristitia de secundis proximi suc-  
cessibus, iudicii proprii tenacitas, pertina-  
cia, & inobedientia. Denique ex opum cu-  
mulo gulæ sequuntur illecebræ, convivia  
creba & immoderata, & ex his, turpissima  
ruina, in carnis vitia, quæ plerumque occul-  
tæ superbiæ sunt pœna. Vis laqueos hos  
omnes effugere? sobrius esto, & vigila, &  
dole, quod hætenus tam parum tibi cave-  
ris; securim ad radicem admove, & Jesu  
pauperis exemplô, proferibe ex animo o-  
mnem inordinatam ad temporalia propen-  
sionem. Radix enim omnium malorum est  
cupiditas. 1. Tim. 6. v. 10. Pur-

Punctum III. Ad urbem Solymam, quæ visio est pacis, consistit IESUS, cùm ille sequacibus perfectam animi pacem impertiatur. Consistit autem in lato & patenti campo, quem undique solares radii illustrant, quòd animus servorum DEI semper serenus sit, & latè se instar arenæ maris expandat: consistit loco humili, ut facilem ad se aditum, & familiarem cuivis accessum præbeat. Moribus tam est amabilis, vultu & formâ tam est speciosus, ut siderum splendorem, florum decorem, creaturarum omnium suavitatem longissimè excedat; ut de eo iure optimo Sponsa prædiceret: Ecce tu pulcher es, Dilecte mi, & decorus. Cant. 1. v. 16 Quis tali Domino non adhærescat?

Perpende deinde mellitissima illa verba quibus quemlibet ad se vocat: Venite ad me omnes, qui laboratis, & onerati estis, & ego reficiam vos: tollite jugum meum super vos; & discite à me, quia mitis sum & humilis corde, & invenietis requiem animabus vestris; jugum enim meum suave est, & onus meum leve, Matt. 11. v. 28. Ego mi homo, te condidi: Ego tuo servitio orbem universum, & ipsos adeo Angelos, spiritus nobilissimos tibi famulos addixi: cum Tu captivus esses, & mancipium dæmonis: Ego sanguinis vitæque meæ pretiò te redemi:  
Ego



Ego tibi corpus meum in cibum dedi, & beatæ Æternitatis pignus. Pro his omnibus hoc unum repolco, ut tu viam mandatorum meorum ambules, & demum mecum regnes in perpetuum. Quis igitur fieri potest, ut me deseras? Me amicum tuum optimum? & dæmonis hostis tui insensibilissimi servitium toleres? Hoccine est datam mihi in baptismo fidem servare? Fecit sanè perfidia tua, ut summo à me jure rejiciendus esses. At revertere mi homo, revertere Sunamitis, revertere. Cant. 6 v. 12. nam omnis qui venit ad me, non ejiciam eum foras Joan. 6 v. 17.

Punctum IV. Quid jam agendum sit illi, qui militare sub crucis vexillo constituit, Christus his verbis declarat: Qui vult post me venire, abneget semetipsum, & tollat crucem suam quotidie, & sequatur me. Luc. 9. v. 23 ante omnia necesse est, ut abneget immoderata bonorum temporalium desideria, & ita uno ictu omnium malorum radicem excindat. Paupertatis amator castus est, & sobrius; ad gulam enim & carnis delicias pecuniæ impendio est opus, idem ille tranquillò est animò, cum spinis divitiarum minimè pungitur: plenus divinæ fidei, cum terrena deficiunt: liberalis & profusus in dando & accommodando, cum  
paupe-

pauperum egestas, & templorum vitior id exigit; DEo suo inexistens & innixus, cum adversâ fortunâ impetitur; lætus ac hilaris, cum famem, sitim, penuriamque paupertatis comites experitur; amans contemptus & sorte suâ quantumvis abjectâ contentus, cum pecuniam spontè abdicârit, quæ ad honores viam munire solet; tolerans æquô animô, quidquid injuriarum accedit; & multò adhuc æquiore animo, dum erratorum suorum pœnas & objurgationes ferre cogitor. Familiare illi est symbolum, & usitata tessera: Tacere & latere. Hæc sui ipsius abnegatio, jugum quidem est, sed suave, onus, sed leve. Audendum. Inevitabilis est mortificationis hujus necessitas. Qui enim voluerit animam suam salvam facere, perdet illam, & qui perdiderit animam suam propter me, salvam faciet eam. Luc. 9. v. 24. Quid damnatæ apud inferos animæ deplorant? Quid nobis profuit superbia? aut divitiarum jactantia quid contulit nobis? transferunt omnia illa tanquam umbra, & tanquam nuncius præcurrens. Sap. 5. v. 8. Elige jam, quod decretorio judicii die electum voles. Abstine, & abnega temetipsam: sustine, & tolle crucem; Age & sequere præcuntem Jesum: In his tribus universa pendet Evangelii doctrina,

MEDI-

## MEDITATIO TERTIA.

De vita Christi tempore prædicationis.

**P**unctum I. Equaniam erat hæc vita? 1.  
Modestissima. Amavit esse contubernalis  
pauperum, servus convixit discipulis.  
Quidquid gloriosum, tam fugit, pt & miracu-  
la, cum posset, occuleret, proprii nominis o-  
for, paterni zelator.

2. Pauperrima, quippe eleemosynis sus-  
tentata. Ego autem mendicus sum & pau-  
per. Ps. 39. v. 18 humus illi fuit pro lecto,  
vestitus vilis, domus nulla propria, id quod  
de se testatur ipse: Vulpes foveas habent &  
volucres cœli nidos; filius autem hominis  
non habet, ubi caput reclinet. Luc. 9. v. 57.

3. Obedientissima Magistratibus civili-  
bus: Reddite, inquit, quæ sunt Cæsaris  
Cæsari, & quæ sunt DEI, DEO. Matt. 22. v. 21.  
& æterno Patri suo; cuius nomini & gloriæ  
devotum voluit, quidquid ageret, loqueretur,  
cogitaret; Ego, quæ placita sunt ei, facio  
semper. Joan. 8. v. 29.

4. Tota immaculata, tota exemplaris;  
Nullus in eo peccati fomes. Intellectum a-  
spectus divini vultus, voluntatem amor us-  
quequaque perfectus in Patre semper desi-  
gebat. In verbis nihil non maturum; in  
colloquiis cum sequiore sexu exacta cir-  
cumspectio, vultum temperabat pudor, ge-  
stum

stum modestia, mensam frugalitas. Inspice, ô Christiana anima, & fac secundum exemplar. Exodi 25. v. 40.

Punctum II. Quæ doctrina illius, quæ prædicatio? 1. Operosa planè, & difficultatibus plena. Incurrere quidem in illam poterant molestiæ quotidianæ; frigora, æstus, famēs, sitis, lassitudo, at impedire non poterant; quò minùs oppida, pagos, vastasque regiones, & solitudines amore tui etiam nudipes emetiretur. Tanti videlicet DEO fuit tua salus; quid tu laboris, quid tu molestiæ pro illius nomine subis vicissim?

2. Universalis, & nulli non proficua. Peccatores seu deerrantes oviculas ad desertum ovile invitabat per poenitentiam: justos ad justitiam pleniorē. Hos ipse erudiebat: Esote perfecti, sicut & Pater vester coelestis perfectus est. Matt. 6. v. 48. Ita omnibus fiebat omnia. Utere tu zelo pari; & holocaustum reddidisti, quo nullum Divinæ Majestati gratius

3. Sublimis, præstans, admirabilis. Illius ex ore & sensu, beati sunt pauperes, mansueti, afflicti, pacifici; beati, quos cùm variæ exercent persecutiones & inimicitiae, inimicis tamen, persecutoribus suis bene precantur, & faciunt. Christiani nominis cense-ri vis? juxta hanc normam exige mores & vitam.

4. Dedi-

4. Dedita orationi, & contemplationi assiduæ: dies prædicando, & noctes orando impendit. Quid? quod mediis in laboribus conquieverit in Patre, illique contemplatione mentem, & amore nunquam remisso voluntatem conjunxerit. Oppone huic evagationem animi tui, etiam orationis tempore.

5. Testata innummeris miraculis. Libera-  
vit obsecrosos dæmonibus, restituit viribus æ-  
grotos, cibavit esurientes, mortuos revoca-  
vit in vitam corporis & animæ, uti Laza-  
rum, Matthæum, Magdalenam, in cæteris.  
Pertransiit, inquit sacer Historicus, bene-  
faciendo & sanando omnes oppressos à dia-  
bolo. Act 10. v. 39. Hinc tu collige, quid sit  
facere misericordiam, lauda, ama, munifi-  
centissimum JESUM, pari quoque in te  
sapiùs bonitate usum, dum te toties & to-  
ties à morte animæ tuæ suscitavit.

Punctum III. Quid passus est Christus  
triennii hujus decursu? Quàm alacriter,  
quàm penè sine sensu versatus inter impo-  
litos & incultos discipulorum mores? At-  
que ita exemplò suò eam patientiæ nor-  
mam prævit, quam postea inculcavit Apo-  
stolus: Alter alterius onera portate, & sic ad-  
implebitis legem Christi. Gal. 6. v. 2.

Punctum IV. Quæ jam ab hostibus suis,  
quas

quas contumelias, convicia, iniqua iudicia à Phariseis & Scribis pertulit? Non est hic homo à DEO, qui sabbathum non custodit, Joan. 9. v. 16. Hic si Propheta esset sciret utique quæ, & qualis est mulier, quæ tangit eum Luc. 7. v. 39. Ecce homo vorax, & potator vini, publicanorum & peccatorum amicus. Matt. 11. v. 19. Quid hic sic loquitur? blasphemat. Matt. 2 v. 7. In Beelzebub principe dæmoniorum ejicit dæmonia Luc. 11. v. 1. Nōne benedicimus nos, quia Samaritanus es tu, & dæmonium habes. Joan. 8. v. 48. Hæcine sunt nomina, & honorum tituli, quibus insons, & altissimus DEI filius est insigniendus? Neque verò inter convivia & opprobria stetit Phariseorum furor & livor: jam enim lapidibus, jam præcipitiis, ab illis fuit ad necem quæsus. Subinde tentârunt illum capere in sermone, atque ex responsis occasionem elicere, ut illum in manus sæcularis magistratûs, tanquam mortis reum tradetent. Quis tandem fuit in his omnibus ferendis Christus? quæ contrâ movit arma? mansuetudinem constantem, comitatem singularem, amorem incredibilem, doctrinam indefessam, manuum in beneficia & miracula profusio-rem. O longanimitas verè divina! imò cū Samaritani manibus illum suis probrosè exclu-



clusissent, in eosque discipuli flammæ meditentur, Domine, vis, dicimus, ut ignis de coelo descendat, & consumat illos, ipse conversus increpavit illos, dicens, nescitis cujus spiritus estis. Luc. 9. v. 54. 55. Investiga in mores tuos, & disquire tecum, cujus tuus spiritus; an illius, qui juxta Christi exemplum mansuetudinem, an, qui juxta mundi principia vindictam spirat: & tamen quis tu? quid pateris? sexcentis meritis es nominibus, quæcunque pateris.

## LECTIO SACRA

**E**X Thoma de Kemp. 25. 26. & 27. cap. lib. 3. Ex Cibo Electo 4. Inst. parte 3. Ex libello Exercit. regulæ electionis pag. 106.

MONITA PRO BINIS VLTIMIS DIEBUS.

**F**inis horum dierum est, perfecta unio hominis per amorem cum DEO; ad hanc necessariam est primò, ut omni prorsus affectu inordinato erga te ipsum omniaque hujus mundi bona te exuas, id quod perfectissimè te docet Christi morientis, patientisque exemplum, de quo ita Apostolus: Exinanivit semetipsum. Phil. 2. Deinde, ut coelestem aliquem & divinum agendi modum tu induas, quod clarissimè ex secularis meditationibus elucet.

Materia examinis particularis sunt affectus amoris divini, & conformitatis voluntatis

tatis nostræ cum DEO. Exempli causâ: Non judicavi me scire aliquid inter vos, nisi Jesum Christum, & hunc Crucifixum 1. Cor. 2. v. 2. DEus meus & omnia. Volo te amare ex toto corde mi DEus. Fiat voluntas tua sicut in cœlo & in terra. Sive vivimus, sive morimur, Domini sumus.

## DIES SEPTIMUS.

## MEDITATIO PRIMA.

De Exinanitione Filii DEI in passione sua & morte.

**P**unctum I. Amoris divini tantò corevadit capaciùs, quantò diligentius ab iis, quæ mundi sunt fuerit depuratum. Hæc causa est, cur Christus per omnem vitam; præcipuè passionis tempore, exempla complura perfectæ abnegationis sui ipsius, & admirandæ exinanitionis præbuerit. In passione sua exinanivit semetipsum facultatibus, & fortunæ bonis omnibus. Nudus enim ab amicis, qui cum aliquâ potestate essent; raptusque circum tribunalia, qui pro innocentia sua interposuisset vel verbum, non habuit. Petrus illum negavit, Judas prodidit, discipuli ad unum fugerunt omnes. Sola quidem Mater fida stetit, at sola nihil juvit; cumulare poterat filii dolorem dolor maternus; levare non poterat. Qui solus levare poterat, Pater æternus erat, at pater.

paternam & ipse manum subduxit: uti illa ad Patrem patientis Filii querela testatur: DEUS, DEUS meus, ut quid dereliquisti me,

Nudus fuit DEI unigenitus ab omnibus divitiis & bonis temporalibus. Cum moriturus testamentum conderet, nec assis illi unicus erat, multò minùs prædia & latifundia, quæ viduæ & egenæ matri legaret. Nihil illi tum erat reliquum; nisi anima ejus summè desolata, & orba mater, & detractæ vestium lacinia: Animam sive spiritum Patri, Joanni Matrêm donavit, velles ut spoliū miles invasit.

Nudus fuit ab omni solatio & auxilio, quod aut moribundus desideret, aut expectet æger. Lectus, illi crux; corona spinea, pro culcitra, sindon, inundans cruor, potus, acetô fel mixtum; Phariseorum blasphemæ calumniæ, opportuna amicorum solatia.

Nudus fuit in & post mortem; nudus pependit è patibulo: nudus expirat. qui cœlum stellis distinxit, terram vestivit floribus, bestias omnes lanâ, pilis, pennis, & squamis obtexit. Demum ad nuditatis summam, post mortem suam; in alienum illatus est sepulchrum favore miserantis discipuli. O nuditatem! O exinanitionem præpotentis DEI! Verè de illo vaticinatus est Jobus: Nudus

dus egressus sum de utero matris meæ, &  
 nudus revertar illuc. Job. 1. v. 21 Et Jeremias  
 Inebriaberis atque nudaberis. Thren: 4. v. 21.  
 Audi, quid tunc te doceat Hieronymus:  
 IESUS nudus, nudos quærit amicos. Id quod  
 ipse Christus Bernardinum docuit de vitæ  
 statu perplexum, quando eundem coram  
 Crucifixi sui prostratum imagine, in hæc  
 verba aſſatus eſt: Fili mi, tu me vides hîc  
 nudum, & clavis affixum cruci, ſi me diligis,  
 hîc quæres & invenies: ſed tu nudus ſis, &  
 crucifixus, ut ego ſum, ſic me facilius in-  
 venies.

Punctum II. Exinanivit ſe Chriſtus bo-  
 no ſuo nomine & famâ. Princeps pacis, qui  
 ſummis ima, & terram cœlo reconciliavit,  
 homo vocatur ſeditioſus & turbulentus:  
 Hunc invenimus ſubvertentem gentem no-  
 ſtram, & prohibentem tributa dare Cæſari.  
 Luc. 23. v. 2 Qui omnibus fecit bene, accu-  
 ſatur ut maleſicus: Si non eſſet hic male-  
 factor, non tibi tradidiſſemus eum. Joan 18.  
 v. 30. Volunt hac conteſtatione, tam lucu-  
 lenta & manifeſta eſſe traducti IESU flagitia  
 ut ne quidem examen mereantur. Qui  
 mundo pereunſi Salvator, contenebrato  
 lux, perverso magiſter à Patre datus eſt au-  
 dit à perfidis: Recordati ſumus, quia sedu-  
 ctor ille, &c. Matth, 27. v. 63. Sapientia æterni

Patris

Patris illuditor velut amens & fatuus: Auctor vitæ, qui viribus ægros, in vitam mortuos restituit, Barabbæ latroni sceleratissimo non solum confertur, sed & postponitur. Summus benefactor & munificen-  
tissimus Dominus à populo suo dilecto & electo ad necem postulatur. Vox una est omnium: Crucifige, crucifige eum. Unde in ejus personæ Vates Regius querebatur: Posuerunt adversum me mala pro bonis, & odium pro dilectione mea. Ps. 308 v. 5. DEUS, DEUS, inquam, supremus ille Princeps, illa Angelicis tremenda potestatibus Majestas! Dominus exercituum! alapis cæditur, & pugnis, in faciem, in quam desiderant Angeli prospicere! evelluntur barba & crines satellitum ungibus; à Caipha condemnatur ut blasphemus; à militibus coronatur spinis, & exhibilatur ut Rex personatus; à Pharisæis etiam in cruce pendens & doloribus obrutus (vel tum certè compassionem merebatur) subsannatur ut impostor, & falsus Messias; demum moritur in patibulo inter latrones medius, ut eorum dux & antesignanus. Huic despecto & novissimo virorum nihil ego aliud subscripsero; quàm illud Pauli: Exinanivit semetipsum. Hanc tantam, tam probrosam sui exinanitionem passus est DEI Filius sine querela, sine excu-

satione, cum summa cordis sui mansuetudine & gaudio. Si enim unigenitus DEi filius contumelias & opprobria in se ipso, & suo nominae dedicavit; si ista, ut media humano generi redimendo elegit; & quasi gradus & adminicula constituit, quæ ad immortalem gloriam eniteremur, quis pati, quis contemni, & confundi recusabit? Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ & virtutis DEi, & qui est ejus spiritus, super vos requiescet. 1. Pet. 4. v. 13. 14.

Punctum III. Exinanivit se Christus omni gaudio & voluptate. Aspicientes, inquit Paulus, in auctorem fidei, & consummatorem Jesum, qui proposito sibi gaudio, sustinuit crucem. Heb. 12. v. 2. Vidimus eum, inquit Isaias, & non erat aspectus, & desideravimus eum: despectum & novissimum virorum, virum dolorum & scientem infirmitatem. Isa. 53. v. 2. 3. A planta pedis usque ad verticem non est in eo sanitas, vulnus & livor & plaga tumens: non est circumligata, nec curata medicamine, neque fota oleo. Isa. cap. 1. v. 6. Anima Christi tristis fuit usque ad mortem; corpus adeò flagris concisum



sum, ut caro frustatim ab ossibus lacera penderet: caput, ipsumque adeo cerebrum spinis perfossum: aceto & felle potata lingua manus & pedes, in quibus ex nervorum concursu sensus doloris est acutior, trabalibus clavis transfixi. Hinc lamenta illa: O vos omnes, qui transitis per viam, attendite & videte, si est dolor sicut dolor meus; quoniam videmini me, ut locutus est Dominus, in die iræ furoris sui Thre. i. v. 12. Hæc expende, neque jam carnem sequeris amplius, carnisve fomenta, momentaneas mundi voluptates; sed eas potius à te in perpetuum abdicabis. Quis flente JESU ridere; quis eo dolente & patiente gaudere & deliciarî velit?

Punctum IV. Uti cor patientis JESU exinanitum fuit amore mundi & vanitatum ejus, ita exundavit amore in nos & Patrem suum. Amor fuit, qui faciem ejus solo affixit in horto: amor erga nos foras elicuit sudorem sanguineum: amor funes injecit & vincula: amor fuit, qui os Salvatoris inclinavit ad osculum proditoris: qui perfidiæ gratiam jussit facere neganti discipulo; qui compulit intervenire JESUM voce exanimi pro inimicis apud Patrem: Amor JESUM alligavit columnæ, expedit lora, cecidit virgis, coronavit spinis: Amor, unus,

inquam, amor JESUM in crucem sustulit, & in cruce mortem pretiosissimam & atrocissimam pro impiis, pro ipsis etiam hostibus suis obire cœgit. Illud est, quod bene ponderat Apostolus: Vix enim pro justo quis moritur: nam pro bono forsitan quis audeat mori. Commendat autem charitatem suam DEUS in nobis quoniam cū adhuc peccatores essemus, CHRISTUS pro nobis mortuus est. Rom. 5. v. 7. 8. Hinc D. Bernardi querela justissima: O indurati Filii Adam, quos non emollit tanta benignitas, tanta flamma, tam ingens amoris ardor!

#### MEDITATIO SECUNDA.

De Resurrectione Christi.

**P**unctum I. Resurgit Christus ē sepulchro totus gloriosus. Cū dies tertia illucesceret, dies optatissima, dies jam à quater mille annis ab orbe toto expectata; hora à morte Christi quadragesimā, victoriosa ejus Anima ē limbo sese effert, tam nobili stipata comitatu, ut parem Imperatorum nullus in pompam eduxerit. Circūstebat caelestis hæc turba Domini sepulchrum, & malè affectum corpus admirabunda contemplantur; agebat insuper gratias immenso amor, & profusæ liberalitati Redemptoris sui, qui redemptionis opus tantò laboris & ærumnarum impendiō consum-

masser

mâsset, cui vel unica Divini sanguinis stilla  
fuisset satis. Et ecce momento eodem, cor-  
pori sacratissimo Divina se unit Anima, li-  
vorem omnem & cicatrices abstergit, &  
gloriosus Salvator, immoto sepulchri lapi-  
de, infraëto signaculo, plenus decore & ma-  
jestate è sepulchro progreditur. Omnes  
Angeli, ex æterni Patris imperio se è cælo  
dimittunt. Et cùm iterum introducit pri-  
mogenitum in orbem terræ, dicit, & ado-  
rent eum omnes Angeli DEI. Hebr. 1. v. 6.  
Canunt alternis choris Angeli, & Justorum  
animæ, magno Triumphatori in Israël:  
Dominus regnavit, decorem indutus est, in-  
dutus est Dominus fortitudinem, & præcin-  
xit se. Psa. 92. v. 1. Cantemus Domino, glo-  
riosè enim magnificatus est, eqvum & a-  
scensorem dejecit in mare. Fortitudo mea,  
& laus mea Dominus, & factus est mihi in  
salutem, iste DEus meus, & glorificabo  
eum: DEus patris mei, & exaltabo eum.  
Dominus quasi vir pugnator, Omnipotens  
nomen ejus. Currus Pharaonis, & exerci-  
tum ejus projecit in mare: electi principes  
ejus submersi sunt in mari rubro. Exod. 15.  
v. 1. Conjunge cum his gratulantis affe-  
ctum, & dic ex animo: Ave millies, salve  
millies divine Phoenix! quàm speciosus è  
mortalitatis tuæ cineribus renasceris! Salve

Sol justitiæ, quàm serenus è nubibus passionis tuæ exoreris! Salve pote tissime triumphator, sub cujus pedibus peccatum, Dæmon, & mors jam deviæta gemit! Salve amantissime Salvator, qui tam copiosum pro me redimendo lytrum exolvisti! O amabilissime sponse sanguinum, quis tibi cor suum totum non donet! O utinam, utinam totus te mundus agnosceret, amaret, coleret!

Punctum II. Gloriosa Christi vita perfectum est spiritualis vitæ exemplar, juxta Pauli doctrinam: Quomodo Christus surrexit à mortuis per gloriam Patris, ita & nos in novitate vitæ ambulemus. Roma. 6. v. 4. Sicut ergo oportuit primùm Christum mori, & ita intrare in gloriam suam. Luc. 24. v. 28. ita pariter nemo unicus secundùm spiritum victurus est antè, quàm omnibus iis sit mortuus, quæ mundus amat, & sensualitas amplectitur. Quapropter opus est, te omnia membra corporis, externos sensus, cor, phantasiam, appetitum, animæ potentias, ita moderari, ut nunquam quidquam admittas, quod culpabile sit, & reprehensionem mereatur. Noli in intellectu locum dare ullis mundi regulis, politicisque mundanæ sapientiæ principiis; in voluntate ulli cupiditati, quæ non rectà in DEum tendat: noli præcipiti aliquo impetu abripi  
ad

ad ea, quæ speciem etiam boni præ se ferunt. Ede, bibe, dormi, quia necessitas, & quia DEi voluntas id exigit: Ita vive, ut omnis tua actio & operatio non ex naturali quadam propensione, sed ex gratia, & spiritu DEi procedat Oportet instar cadaveris te esse coram mundo, ut possis dicere cum Apostolo: Mihi mundus crucifixus est, & ego mundo: Gal. 6. v. 14

Punctum. III. Scientes, quòd Christus resurgens ex mortuis, jam non moritur, mors illi ultrà non dominabitur. Quòd enim mortuus est peccato, mortuus est semel: quòd autem vivit, vivit DEo. Ita & vos existimate, vos mortuos quidem esse peccato, viventes autem DEo, in Christo JESU Domino nostro. Rom. 6. v. 9. Hanc ob causam Christus in Resurrectione sua, lintamina, quibus fuit involutus, in sepulchro reliquit, neque surrexit, ut Lazarus, qui è sepulchro prodiit ligatus manus & pedes institis. Joan. 11. v. 44. iterumque est mortuus; ut tu nempe vitam tuam spiritualem, sine ulla in priores noxas recidiva, in te ipso conserves. Abjice prorsus à te omnem feralem vitæ prioris amictum, cujusmodi sunt noxiæ consuetudines, suspectæ familiaritates. verbo, malæ omnes omnis mali occasiones. Nazaræis non solum interdictum erat, ut

vinum ne biberent, sed ne quidem quicquid de uva exprimitur, imò ne uvas recentes, ficcâsque commederent, aut quicquid ex vinea esse potest ab uva passa usque ad acinum Num. 6. v. 4. Noli peccare post veniam, monet D Chrysostomus, noli vulnerari post curam, noli sordidari post gratiam. Cogita graviolem culpam esse post veniam, renovatum vulnus pejus dolere post curam, molestius hominem sordidari post gratiam. Servô peior est qui patronum post datam libertatem offendit.

Punctum IV. Expende quatuor dotes gloriæ, quibus gloriosum Christi corpus dotavit Divinitas nempe claritatem, immortalitatem, seu impassibilitatem, agilitatem & subtilitatem. Gratulare Servatori tuo, istum sacrati corporis decorem: gratias age æterno Patri, quòd filii sui luctum in gaudium converterit; & quandoquidem Christi corpus eò gloriosius nunc est, quò plura in mortali hac vita pertulit, ideo & tu corpus tuum ad multas ærumnas offer, & varios labores amore Christi ferendos. Præcipuè verò da operam, ut & hæ quatuor gloriosæ dotes, in vita tua spiritali effulgeant: ut reperiatur in animo tuo dos claritatis, per quam veritates fidei, Dei quæ voluntatem semper agnoscas; itemque aliis

excm-



exemplari vitâ præluceas; dos impassibilitatis, quæ te in adversis & prosperis, in lætis & tristibus quodammodo sinè sensu efficiat; dos agilitatis, quæ te promptum reddat & alacrem ad omnem DEI nutum & voluntatem explendam; dos denique subtilitatis, vi cujus omnia divini servitii impedimenta, ac præsertim respectus humanos summè noxios, generosè pessundes, & prorsus extermines.

### MEDITATIO TERTIA.

#### De Christo Ascendente

**P**UNCTUM I. Considera, quo pacto Christus congregatis in Solymæo cœnaculo discipulis die Ascensionis apparuerit, eosdem admonens: Sedete in civitate, donec induamini virtute ex alto. Luc. 24. v. 49. scilicet solitudo ea est, quæ hominem ad cœlestia dona, virtutemque Spiritûs sancti copiosè accipiendam, reddit idoneum. Considera, quomodo discipulos suos in Bethaniam, hoc est, in domum obedientiæ, ad montem Oliveti eduxerit, eo loco daturus initium gloriæ, in quo passionem suam auspiciatus fuerat. Considera, ut in monte Oliveti dulcissimæ Matri suæ, & omnibus ibidem præsentibus, vulnera sua suavissimè exosculanda indulserit, ut iisdem benedixerit; ut sensim se è terra elevans, & nobilissi-

mâ hominum, Angelorumque coronâ circumdatus, in cælum ingressus sit; ut illum æternus Pater exceperit, atque ad dexteram suam in throno collocârit; ubi Regis, Judicis, & Advocati officium agat. Considera demum voces, queis totus triumphantis Ecclesiæ exercitus Regi suo gloriæ accinuit: Dignus est agnus, qui occisus est, accipere virtutem: & divinitatem & sapientiam, & fortitudinem & honorem, & gloriam & benedictionem. Apoc. 5. v. 12. Gratulare cum illis Salvatori tuo, offer debita illi obsequia, & ita porrò vive, ne vulnera pro te Christus æterno Patri frustra exhibeat.

Punctum II. Quam Christus semel obtinuit potestatem & gloriam, hac nunquam excidit, sed æternùm eam retinet. Hinc rectè S. Paulus: Thronus tuus, DEus, in sæculum sæculi. Heb. 1. v. 1. Jesus Christus heri & hodie, & in sæcula. Hebr. 13. v. 8. Est itaque regnum Christi æternum, vita immortalis, status immutabilis: pari quoque ratione & tu, siquidem sequi velis Apostoli consilium: Sicut portavimus imaginem terreni, portemus & imaginem coelestis. 1. Cor. 15. v. 49. debes te ipse, non quidem emissô vorô, verùm inconcussio aliquo proposito, in tali vitæ genere ac statu collocare, & tam firmiter ad sanctam aliquam perfectamque

etamque vitam obstringere, ut avelli ab ea nunquam sustineas sed quasi impotens ab ea recedere, cum Josepho castissimo illo Juvene protesteris: Quomodo possum hoc malum facere, & peccare in DEum meum? Gen. 39. v. 9 Armandus proinde est animus contra respectus omnes humanos, amorem proprium, timorem difficultatem, noxiarum familiaritatum usum, contra omnes propositi convellendi occasiones, non quaruntur in Christianis initia, sed finis, inquit optimè S. Hieronymus. Quisquis conformari glorioso JESU desiderat, sit immutabilis; neque duntaxat in hac octiduana recollectione, sed & ad ultimum usque vitæ spiritum sanctè vivat, necesse est.

Punctum III. Quâ viâ Christus cœlum conscendit? Cerrè non aliâ, quàm passionis, laboris, & demississimæ humilitatis. Ita ipse fatetur: Nōne hæc oportuit pati Christum, & ita intrare in gloriam suam? Luc. 24. v. 26. Et de ipso Paulus: Humiliavit semetipsum, factus obediens usque ad mortem, mortem autem crucis propter quod & DEus exaltavit illum, & donavit illi nomen, quod est supra omne nomen. Phil. 2. v. 8. Quem locum ponderans D. Anselmus, ita loquitur: Ipse se tantum humiliavit, ut ultra non posset; propter quod & DEUS tantum

exaltavit, ut ultrà non posset, non enim major humiliatio, vel major exaltatio fieri potest. Curicunque ergo placet Christi ascendentis triumphus & gloria, huic pariter placeant patientis certamina; neque enim alià itur ad cœlum viâ. Adversa omnia non patienti tantùm, verùm & læto animo excipe, quali ea excepêre sancti Martyres & Apostoli, de quibus Lucas testatur: Ibant gaudentes à conspectu concilii, quoniam digni habiti sunt pro nomine JESU contumeliam pati. Act. 5. v. 41.

Punctum IV. Cumq̃ue intuerentur in cœlum euntem illum, ecce duo viri affiterunt juxta illos in vestibus albis, qui & dixerunt, viri Galilæi, quid statis aspicientes in cœlum? Act. 1. v. 10. Quid statis attoniti? quid decussatis in pectore manibus, cœlum suspicitis? mementote, animarum pastores vos esse constitutos: revertimini, & Euntes in mundum universum prædicate Evangelium omni creaturæ. Certum est, divinas revelationes, cœlestia solatia, & animi illustrationes, donari nobis, non nostrî modò gratiâ, sed & aliorum; ut nempe per hæc, tanquam media, ad agnitionem & amorem Divinæ Bonitatis plurimos adducamus. Nempe dictum est nobis: Quod dico vobis in tenebris, dicite in lumine, & quod in aure  
audi.

auditis, prædicate super tecta. Matt 10 v. 27.  
Ad rem & pulchrè D. Petrus Chrysologus:  
Ut enim infantis regii nutrices, delicatis ei-  
bis pascuntur, ut purissimum lactis fontem  
alumnis suis propinent: sic supremus ille  
Rex, verbi sui ministros, licet immeritos,  
propter filiorum suorum alimoniam, cœle-  
stis suæ mensæ cibis pascit & nutrit, quò de-  
licatius illos lactare & pascere valeant, Gra-  
tias DEo age, quòd ad Apostolicum te mu-  
nus vocaverit, operamque tuam ad anima-  
rum lucrum per varios labores & molestias  
quærendum, ex animo offer. Verissimum  
enim est, quod scribit S. Thomas: Sicut  
majus est illuminare, quàm lucere solùm,  
ita majus est, contemplata aliis tradere,  
quàm solùm contemplari . . . . . Sic ergo  
summum gradum in religionibus tenent  
quæ ordinantur ad docendum & prædican-  
dum, quæ & propinquissimæ sunt perfe-  
ctioni Episcoporum 2. 2. q. 188. a. 6. Et alibi:  
Et si detrimentum aliquod in dulcedine  
contemplationis patiuntur (animarum ze-  
latores propter exteriorem occupationem  
quâ proximis serviunt, hoc ipsum perfe-  
ctionem divinæ dilectionis attestatur: Ma-  
gis enim aliquem amare convincitur, qui  
propter ejus amorem, jucunditate præsen-  
tiæ ejus ad tempus carere desiderat in ejus

servitiis occupatus, quàm si ejus præsentia semper frui vellet. Opusc. 18. de perfect. vitæ spirit. c. 18.

### LECTIO SACRA.

**E**X Thoma de Kemp. cap. 53. & 55. lib. 3. Ex Cibo Electo Instruct. 7. & 9. part 3. Ex libello Exercit. regulæ ad spirituum discretionem conducentes. pag. 196.

### DIES OCTAVUS.

#### MEDITATIO PRIMA.

##### De Amore Dei.

**P**unctum I. Amor ille, quo nos homines Divina bonitas complectitur, & stimulus, & idea esse debet reciproci amoris nostri, pro eo ac divus Joannes docet: Nos ergo diligamus DEum, quoniam DEus prior dilexit nos. 1. Joan. 5. v. 19. Jam verò quantus est liberalissimus ille DEI in te amor? quanta beneficia, quæ in te contulit? Ille te creavit; & suis animam potentiis, suis quoque membris ac sensibus externis instructum corpus; tot insuper creaturas, & necessitati tuæ, & oblectationi servituras, tibi donavit; ille te redemit, amore tui homo factus: cùm namque DEus naturâ suâ purissimus sit spiritus, & corporeum sub aspectum minimè cadat, quò suum pectoribus nostris amorem imprimeret suavius altiusque, carnem nostræ similem induere, & oculis sese



sefe nostris, spectabilem exhibere non formidavit; omnibusque & verbô & exemplô facem præferens sollicitus ad cœlum dux fuit: Ille denique amarissimam & probro-  
sissimam pro humano genere redimendo mortem appetiit: Hic tu expende, quis sit, qui passus est? DEus scilicet, Majestas illa infinita: pro quibus? pro nobis, qui per peccatum filii iræ eramus, & inimici DEi: quid autem? in corpore carnificinam immanissimam; in nominis existimatione summam infamiam; in anima morientium angores; in bonis fortunæ, extremam nuditatem, & ultimam inopiam; quomodo autem ista passus est? Cum desiderio ardentissimo plura & majora pro nobis patiendi; hinc vel ipsa è cruce pendens ingeminare auditus est: Sitio, sitio, inquam, tormenta plura & graviora, quæ pro hominibus mihi dilectis feram: O charitatem, quam nulla ærumnarum & dolorum flumina obruent!

Ulteriùs expendè beneficia particularia, à DEo tibi præstita, cujusmodi sunt, quòd Catholicis natus parentibus, in fide orthodoxa, ac timore Domini enutritus ad religiosam familiam adlectus, tam paternâ curâ per omnem vitam, seu corpus, seu animam spectes, à Divina bonitate protectus sis, & id genus alia innumera, quibus attentè

tè consideratis, in has cum Davide voces ardentè prorumpe: Quid retribuam Domino, pro omnibus, quæ retribuit mihi? Ps. 115. v. 12. Totum te, memoriâ, intellectum, voluntatem, libertatem, famam valetudinem, &c. in perfectum DEO holocaustum consecra, ejusque sanctissimæ voluntati ex integro committe. Atque uti honesti & ingenui homines res commodato acceptas, verecundiùs usurpant, & tractant cautiùs, parem & tu in modum corpore tuo & animâ ex Divinæ voluntatis beneplacito, ut re, non tuâ, sed DEi sanctè verecundèque utaris.

Punctum II. Qui amant invicem semper mutuò conjungi impensè expetunt. Sic DEus rebus suis creatis intimè præsens, in omnibus per essentiam est; at in homine Christiano & baptizato peculiare sibi templum delegit, in quo etiam per gratiam inhabitet, teste divo Paulo: Templum enim Dei sanctum est, quod estis vos. 1. Cor. 3. v. 17. Atque uti Divinæ bonitati est impossibile, ut vel ad momentum unicum suos ab homine oculos abstineat, ita par quoque esset, ut & tu vicissim Divinæ ejus præsentiae semper memor, cum nullibi non observares, nil loquerêre, nil ageres, nil cogitares, quod mandissimos ejus oculos offenderet.

Esse

Esto itaque tu supremi Principis non subditus tantummodo, sed etiam aulicus, qui præterquam, quòd sua regi obsequia indefessus præstet, regii quoque vultus aspectu continuo gaudet. Pactum ini cum DE O, quale ipse à Catharina Senensi virgine exegit: Filia, tu semper cogita de me, sicut & ego semper cogitabo de te.

Punctum III. DEus ita suis creaturis adest, ut in momenta singula laboret, & operetur in singulis: in igne calorem, qui te soveat & cibos excoquat: in aqua humorem, qui tibi munditiem, potumque præbeat; in Sole lumen, quod te collustret; in terra soliditatem, quæ te sufferat; in potu, ciboque reficiendi ac nutriendi vires. Nulla est in plantis, plantarumque foliis venula, cui suum DEus succum non suppeditet; nullus in arboribus flos aut fructus, quem ipse progerminare non faciat. Dies noctesque laborat indefessus, nec quidquam deesse patitur, quod creaturarum etiam minima abjectissimaque ut sit, & bene sit, à DE O Conditore suo exigit. Et in hoc omni labore suo manet DEus sibi similis, in se uno quietus, ac infinitè beatus. Vis simili timore DEum complecti? Nullus igitur sit labor, nulla molestia, quam pro dilecto formides: non tibi sufficiat, contestari amorem tuum  
verbis

verbis, & calenibus animi affectiunculis, quæ cassæ sunt, & illusioni obnoxia: si opus succedaneum, & se dignum trahat. Nosti quid se amanti DEUS imperet: Si colligitis me, mandata mea servate. Joan. 14. v. 15. Verus & genuinus amor flamma est, sacrumque incendium, quod laboribus & ærumnis, ut affuso oleo nutritur & augetur. Verus amor in corporis cruciatibus & morbis æquanimitem, in tentationibus robur invictum, in desolatione excitatam animi magnitudinem in defectibus proximi commiserationem, in ærumnarum & negotiorum turbis mentem quietam, & DEO innixam alere & conservare studet; eodem & secundam & adversam fortunam vultu excipiens, cum ardente Paulo succlamat: Quis ergo nos separabit à charitate Christi: tribulatio? an angustia? an fames? an nuditas? an periculum? an persecutio? an gladius? Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate DEI, quæ est in Christo Jesu Domino nostro. Rom. 8. v. 35. Hæc demum est germana amoris in Deum indoles.

Punctum IV. Amat DEUS creaturas suas;

at in illis nihil aliud amat, quàm seipsum, & honorem suum: quia in iis reperit aliquid essentiæ suæ, omnipotentia, sapientia, bonitatisque: sic & tu DEum in rebus creatis, & has in Deo, & unicè propter DEUM amabis. Sive ergo manducatis, sive bibitis, monet Apostolus, sive aliud quid facitis, omnia in gloriam DEI facite. 1. Cor. 10. v. 3. Quodsi diligis creaturas, quia bonæ sunt, quantò magis tibi DEus diligendus est super omnia, qui est Optimus, Maximus. Sunt in Deo perfectiones infinitæ, profusissima misericordia, exactissima iustitia, defæcatissima sanctitas, simplicitas impermixta, immensitas terminari nescia, sapientia inexhausta, potentia, cujus mensura est voluntas, & cui licet, quod libet; beatitudo indeficiens, bonitas & pulchritudo, omni creatâ cogitatione, & desiderio major. Quod est guttula, si cum immenso mari, & aenula, si cum orbe universo in comparisonem veniat; hoc ipsum est, imò nihil, & minus nihilo, quidquid pulchrum, & in creaturis excellens datur, si cum Deo eminentissimo illo Principe conferatur. Quamobrem audi id, quod D. Ambrosius inculcat: Relinquamus ergo umbram, qui Solem quærimus: deferamus fumum, qui lumen sequimur. lib. de fuga sæculi, c. 5. Nihil in hoc orbe  
suspi-

suspice; nihil magnum æstima extra unum DEum, qui solus magnus est. & magnitudinis ejus non est finis. Nulli creaturæ cor tuum addicito: quia nemo bonus, nisi solus. Nihil in te patere, quod DE O displiceat, cujus sanctissima voluntas, rectissima est omnis boni, sanctitatisque regula. Sancto te ipsum odio prosequere, & discere te ipsum exuere, ut totus in DEum tuum transire, & unus cum illo spiritus effici valeas. Ingemina cum D. Francisco centies & milles: DEus meus & omnia. Cum S. Ignatio: Omnia ad majorem DEI gloriam.

#### MEDITATIO SECUNDA.

De gaudiis Beatorum in cælis.

**U**inctum I. Contemplare locum Paradisi. & cæleste illud Palatium, quale sit; nam imprimis domus bona & magnifica, ampla sit & capax, necesse est; de cælesti affirmat Prophetæ Baruch: O Israël, quàm magna est domus DEI, & ingens locus possessionis ejus! Baruch. 3. v. 24. Totus ille terræ inferioris globus, cælo collatus, guttula & punctum est: Ipse adeo sol, qui è cælo, orbiculi ad instar in mundum hunc propendere videtur, de Eruditorum sententia, universam terræ molem centies octuagies magnitudine superat: Quantæ igitur magnitudinis erit, & quàm latè patebit cælum ipsum.

Secun-



Secundò domus bona debet esse illustris, & undequaque plena lumine: de cælesti lucculentum exstat D. Joannis testimonium: Et civitas non eget sole, neque lunâ, ut luceant in ea; nam claritas DEI, illuminavit eam, & lucerna ejus est agnus. Apo. 21. v. 23. Lux illa cæli Empyreï perinde sibi constat, ut DEus; nox illic nulla, dies perpetua: lux illa subtilior, amœnior, gravior, amabilior multò est, quàm hæc nostra; cælica est, quin imò divina, quæ in cordium intima suavissimo sese lætitiæ sensu insinuat, quæ partes angulosque omnes, quæ ipsos adeo supernæ Hierosolymæ muros penetrat, ac pellucere facit.

Tertiò ad domum lautam & exquisitam requiritur, ut amœno situ, ac purissimo cælo gaudeat: in Beatorum domicilio, nulla caloris & frigoris, nulla hyemis & æstatis est vicissitudo: nulla nix, nec ventus, nec pluvix, nec dolor ullus, nec ulla etiam levissima invalescudo. Quantum auri homo quispiam dives erogaret, si illi domus veniam daretur, quam ipsos centum annos, & ipse, & familia univèrsa, sani ac incolumes inculturi essent?

Quartò domus bona, angusta sit & magnifica. Jam quanta est cæli magnificentia? Audi D. Joannem: Ipsa civitas aurum mundum

dum, simile vitro mundo, & fundamenta  
 muri civitatis omni lapide pretioso ornata;  
 & duodecim portæ duodecim margaritæ  
 sunt, per singulas, & singulæ portæ erant  
 ex singulis margaritis, & platea civitatis au-  
 rum mundum, tanquam vitrum perluci-  
 dum. Apo 21. v. 18. Plateæ igitur hujus fe-  
 licissimæ civitatis, purissimò aurò sunt  
 stratæ, & aurò, quod nostrò longè præstan-  
 tius est; tum quia fulget; tum quia totum  
 instar crysalli relucet: marmor istic, ni-  
 mium vile, & nullo in pretio est: muri &  
 fundamenta è gemmis excitata: portæ non  
 è gemmarum acervo, sed singulæ è gemma  
 solida constructæ. O pulcha cæli patria! ô  
 beata Superûm sedes! ô opus divinæ po-  
 tentiæ, sapientiæ, ac bonitatis sanè Prin-  
 cep,! ô immortalitatis Paradise! calentibus  
 ad te ego cum Davide votis suspiro: Quàm  
 dilecta tabernacula tua Domine virtutum,  
 concupiscit & deficit anima mea in atria  
 Domini. Pl. 83. v. 1. Non ergo jam miror,  
 quòd tenello cum infante Beatissima Vir-  
 go. ipsos quadraginta dies sordido in stabu-  
 lo; quòd Alexius annos benè multos in  
 abjecto domûs paternæ sub gradibus an-  
 gulo; quòd Simeon Stylita in columna  
 præcellsa, omnibus cæli injuriis propositus;  
 quòd tot Martyres, leonum in antris ac car-  
 ceri.

ceribus vitæ partem non minimam læti exegerint; ad supernam scilicet hi omnes domum, non manu factam sed æternam in coelis aspirabunt. Illud enim verò maximè mirum est, homines reperiri, ratione præditos quos fluxarum rerum amor, in coeli hujus oblivionem inducat. Vos oculi mei, vos, inquam huic mundo claudimini, & cælo aperti stete: Quàm enim mihi sordet tellus, dum cælum aspicio!

Punctum II. Expende Beatorum societatem. Amici veri ac probati aurò contrà pretiosi sunt: ejusmodi in terris reperias rarissimos; multa eorum millia expectes in coelis. In hac enim beatissima societate primus ac Princeps est Christus, Electorum omnium caput; est deinde magna Christi Mater, & novem Angelorum chori, de quorum multitudine hæc Daniel Prophetæ: Millia millium ministrabant ei, & decies milles centena millia assistebant ei: Dan. 7. v. 10. Post hos sequuntur homines justi, Patriarchæ, Prophetæ, Apostoli, Martyres, Confessores, Virgines, Viduæ, Conjuges; de quo Electorum numero ista exstant D. Joannis verba: Post hæc vidi turbam magnam, quam dinumerare nemo poterat, ex omnibus gentibus, & tribubus, & populis, & lingvis, stantes ante thronum, & in conspectu

spectu agni. Apoc. 7. v. 9. Jam verò hi Divi ad unum omnes, clarissimi sunt ac nobilissimi, cùm sint Filii DEI, ac reges coeli; sapientissimi, cùm DEum videant, in quo vident omnia; opulentissimi, cùm hæredes sint thesauri infiniti, ac cohæredes Christi; speciosissimi, cùm sint absque nævo & macula, sinè spinis lilia, sinè paleis triticum; humanissimi ac suavissimi, cùm cor eorum charitate mutuâ in ardeat. Cujusque illic cor & animus, perinde, ut hîc facies, cæteris omnibus patefcit. Tenerrimo alter alterum amore complectitur, certissimus quòd & ipse vicissim ab aliis simili amore complectatur. Rectè D. Augustinus: Tantùm unusquisque gaudebit de beatitudine alterius, quantum de suo ineffabili gaudio, & quot socios habebit, tot gaudia habebit. Tom. 3. lib. de spiritu & anima. Adeoque quivis millies, iterumque millies, & suâ, & aliorum gloriâ beatus est. O charitas, exclamat D. Bernardus, quæ neminem expolians, omnia rapis, Dilige proximum, & omne bonum ejus, tuum est; rapuisti tibi, & alium non expoliasti. Quàm dulce, quàm jucundum erit, tot Electorum millibus semper convivere, usque familiarissimè uti, quando & in mundo hoc, viri unus, à sapientia & virtute probè instructi, consuetudo ac familiaritas, tantum

tum liquidæ voluptatis affert. Dulcissimam eorum societatem si prensas, patere, ut passim sunt; vive ut vixerunt: uno omnes è cælis te ore compellant: Nam & qui certat in agone, non coronabitur, nisi legitimè certaverit. 2. Tim. 2. v. 5.

Punctum III. Beatitudo animarum, sive essentialis, ut scholæ, loquuntur, consistit in visione DEI; Satiabor, ait Regius Psalter, non opibus, amplitudineque regni mei, sed cum apparuerit gloria tua. Psal. 16. v. 15. Videbis in DEO divinam essentiam, ejusque attributa; videbis individuæ Triados, incarnationis & passionis Dominicæ mysteria; videbis vaticinia Prophetarum adimpleta, & omnes sacræ paginæ sensus; videbis omnium cæli incolarum, nomina, merita, gloriam, nomina itidem, scelera ac supplicia, ad orci flammæ damnatorum: videbis abdita Divinæ Providentiæ consilia, quibus per prospera, & adversa res animæ salutisque tuæ feliciter promovit; videbis res omnes jam inde nascente ab orbe, gestas rerum item jam creatarum, quasque pro divino suo beneplacito DEUS procreare posset, virtutem, vires, naturam. Hæc tali cognitione, inardescit Beati animus, ac voluntas suavi ac indissolubili amoris vinculo, DEO ut amico, benefactori, parenti, spon-

G

soque

soque suo suavissimo arctissime sese conjungit; in DEum suum sese penitus immergit, atque uti candens in igne ferrum igni geminum, & totum ignitum est; uti aquæ guttula cado vini generosi immixta, ejusdem & gustum in se, & odorem transfert; non aliter, clarâ DEI visione & charitate, anima Beati tota divina redditur. Clarissima sunt D Joannis verba: Scimus, quoniam cum apparuerit similes ei erimus, quoniam videbimus eum, sicuti est. 1. Joan. 3. v. 2. Quodsi nunc hîc homines reperire est, qui miselli hominis amore capri, pro eo, vel ipsam adire mortem non dubitant, quæ non perpeti, quos non te labores exantlare par est, quò in omnem retrò æternitatem, infinitè suavi, infinitè amabili DEo tuo perfruare? D. Paulum audi: Existimo enim, quod non sunt condignæ passiones hujus temporis ad futuram gloriam, quæ revelabitur in nobis. Rom. 8. v. 18. De omnibus omnium Martyrum cruciatibus, de spontaneis Confessorum, & Anachoretarum pœnis idem Paulus astruit: Id enim, quod in præsentī est momentaneum, & leve tribulationis nostræ, supra modum in sublimitate, æternum gloriæ pondus operatur in nobis. 2. Cor. 4. v. 17.

Punctum IV. Sua quoque est corpori &  
bea-



beatorum sensibus gloria ac gaudium. Odoratus, odore pascetur suavissimo, quem gloriosa Justorum corpora ex sese diffundent; id quod Suarez probat in 3. part. disput. 47. sect. 6. Gustum incredibiles delitiæ abundè explebunt, sinè tamen fastidio, & sinè nausea, uti David testis est: Inebriabuntur ab ubertate domûs tuæ, & torrente voluptatis tuæ potabis eos. Ps. 35. v. 9. Aures dulcissima musices harmonia miris, sed veris modis oblectabit: Angelus quondam unico per chelyn ductu Franciscum inter acutissimos morbi dolores, usque adeò affecit, ut se jam in orbem alterum, delatum crederet. Quantum igitur liquidissimæ voluptatis dabit illud cæleste à tot Virginum millibus, Apoc. 14. v. 2. à tot Angelis, Apoc. 5. v. 11. concinendam melos? Oculos Beati amoenissima pascet cæli facies, & tot Angelorum, hominumque millia incredibili venustate ac splendore collucentia; præcipuè verò aspectus ille Virginis, Matris DEI, MARIÆ, & humanitatis Christi, filii ejus: unus hic intuitus infractum Jobi animum, contra ærumnas omnes obfirmabat In carne mea videbo DEum, quem visurus sum ego ipse, & oculi mei conspecturi sunt, & non alius. Reposita est hæc spes mea in sinu meo. Job. 19. v. 26. Nec sua etiam tactui oblectatio.

deerit, cum corpus omni planè decore, & minimis quibusque incommodis vacet: corpus enim nostrum tum Solis instar fulgebit, quin & solis radios superabit; neque tamen hic fulgor offendet oculos, sed demulcebit suavissimè. Corpus immortale erit, & dolorum incapax, quòd nec inter undas madescere poterit: corpus instar fulguris agile, in quemvis se locum velocissimè proripiet: corpus tam denique evadet subtile, ut fores obseratas, & muros adamantinos penetrare valeat. Seminatur corpus animale, surget corpus spirituale. 1. Cor. 15. v. 44. Ea propter mi homo, illicitas carnis voluptates hinc abdica & sensibus externis frenum injice; Semper mortificationem JESU in corpore tuo circumfer. 2. Cor. 4. v. 10. Verumque in te erit hoc Davidis: Secundùm multitudinem dolorum meorum in corde meo consolationes tuæ lætificaverunt animam meam. Psal. 93. v. 19.

### MEDITATIO TERTIA.

De Conformitate nostræ voluntatis  
cum Divina

**P**unctum I. Considera, in quo sita sit hæc conformitas? in eo videlicet, ut quidquid cogitas; quidquid desideras; quidquid agis: id omne cogites, desideres, agas juxta regulam voluntatis Divinæ. Quemadmodum  
enim

enim summa illa bonitas, in se semper intenta, se amat; propter se operatur: Perinde oportet, ut & tu te DEO conformes; in DEum te totum effundas; in eumque te totum immergas, & ab immenso illo Divinitatis oceano te penitus absorberi patiaris, ut in omnibus & singulis DEum cogites, spectes, ames; & voluntate tuâ nihil designes, nihil intendas, nisi unam DEI gloriam & beneplacitum. Quidquid tibi evenerit, ceu DEus immisisset, accipias. Nihil probandum aut improbandum, quod non ille simul aut probet, aut improbet. Hinc est, quod pari non affectu ferri deceat in secundam, & adversam fortunam; divitias & paupertatem, & honorem & contemptum, pacem & bella, valetudinem & morbos; subtile & exile ingenium; quina & duo talenta; longiorem & breviorē vitam; prosperos & adversos rerum agendarum eventus, quid? quod & in iis, quæ spiritum & perfectionem concernunt, eādem nos esse deceat æquanimitate: neque præ desolatione amare consolationem; nec animi quietem inquietudini præferre; nec ad divini nominis augmentum laborare malle præquam morbis conflictari: & quanquam summo conatu, & insatiabili zelo divinam gloriam promovere, & ad sanctitatem summam

contendere nos, par sit; eâ tamen mensurâ tandem contenti esse debemus, quam divina bonitas perfectioni nostræ statuerit. Acquiescendum est illicò, ubi DEO visum fuerit conatus nostros morari. In summa; quidquid DEus vult, & uti vult, ita fiat. Nos milites sumus, creaturæ, servi, subditi: Ille supremus, legitimus, independens, altissimus Imperator, Dominus, Princeps, Monarcha. Ejus voluntas & beneplacitum est regula, cui quicquid conforme, bonum; quicquid difforme, malum est.

Punctum II. Inspice fundamentum, quo nititur omnis illa nostræ voluntatis juxta divinam attemperandæ ratio. Est illud, non aliud, præterquam divinæ providentiæ suavissima dispositio, quæ, Isaiâ teste, tribus digitis appendit molem terræ, & libravit in pondere montes, & colles in statera. Isa. 40. v. 12. Primi digiti loco est Sapientia, de qua Ecclesiasticus: Oculi Domini multò plùs lucidiores sunt super Solem, circumspicientes omnes vias hominum, & profundum abyssi, & hominum corda intuentes, in absconditas partes. Domino enim DEO antequam crearentur, sunt agnita: sic & post perfectum respicit omnia. Ecclesiast. 23. v. 28. 29. Ab omni retrò æternitate in numerato jam habuit, non minùs arborum singula-

rum folliculæ; quàm capitis tui capillos; neque defluet eorum vel unus, sinè arcano ejusdem sapientiæ motivo. Nihil accidit tibi per omnem vitam, aut accidere poterit; quib præviderit ille. DEO nihil fortuitum, nihil non provisum.

Alter digitus est Omnipotentia, quâ potest omnia: Subest enim tibi, cùm volueris, posse. Sap. 12. v. 18. Cujus operationem nemo impedire, nemo potest suspendere: in ditione tua cuncta sunt posita, & non est, qui possit tuæ resistere voluntati. Esther 13. v. 9. Et quæ suffragante Paulo, Operatur omnia in omnibus, unum si peccatum exceperis. Exemplo sit homicidium; cujus quidam origo, est voluntas hominis perversa, at executio, dum nempe stringitur gladius, dum jactatur brachium, dum perforatur cor, non nisi DEO cooperante contingit. Atque uti claudicatio pedis oritur quidem ab inflicto vulnere, gressus autem, motioque pedis, à virtute moventis animæ: perinde & malitia operis tibi noxii, à voluntate peccante, damnum autem à DEO proficiscitur. Testatur illud jam pridem Ecclesiasticus: Bona & mala, vita & mors, paupertas & honestas à DEO sunt. Eccl. 11. v. 14. Et Amos: Si erit malum in civitate, quòd Dominus non fecerit? Amos 3. v. 6. Doemone,

homineque malefico ceu virgâ utitur & instrumento divina potentia.

Digitus tertius est ejus Bonitas, de qua David: S. V. S. Dominus universis: & miserationes ejus super omnia opera ejus. Justus Dominus in omnibus viis suis: & sanctus in omnibus operibus ejus. Ps. 144 v. 9. 13. Omnes afflictiones, omnes tribulationes divinô consilio huc tendunt, ut peccata tua castigent, exercent patientiam, & gratiam tibi, gloriamque adaugeant. Id quod planissimè enunciat Paulus: Scimus autem, quoniam diligentibus DEum, omnia cooperantur in bonum, iis, qui secundum propositum vocati sunt sancti. Rom. 8. v. 28. Credo nunc; quid sentis de te ipso? quid speras? perditionis filius eris, an salutis? Salutis, inquis: rectè, fidem ergo laxasti, ni credat omnia tibi cooperanda esse in bonum, & in salutem animæ tuæ esse, quicquid tibi evenit. Quorsum igitur hæc murmura & querelæ? DEO te totum, tuæque permittit. Corpus credis medico, cum in morbum incidisti; vitam insuper vel puero, vel catello, cum cæcus es; & dubitabis consignare te in eas manus fidenter, quæ falli & fallere nesciæ, quæ paternæ, quæ potentissimæ sunt & benignissimæ?

Punctum III. Expende, fructus, quos  
confor-



conformitas voluntatis nostræ cum divina progerminat. Nam imprimis inducit in hanc vitam, pacem animi perpetuam, quâ homo adhuc mortalis, illius immortalis felicitatis præguſſum ſentiat. Quemadmodum enim variabili ſe creaturæ implicare, nihil aliud eſt, quàm variâ inquietudine divexare cor: ita viciffim animum immobili DEo affigere, eſt, illum pace nunquam interiturâ beare. Ita Angeli: Gloria in altiffimis DEo, & in terra pax hominibus bonæ voluntatis. Luc. 2. v. 24. Et Jobus: Acquieſce igitur ei, & habeto pacem, & per hæc habebis fructus optimos, eritque omnipotens contra hoſtes tuos, tunc ſuper omnipotentem delitiis afflues. Job. 22. v. 21. 25. 26. D. Auguſtinus: Qui autem de DEo vult gaudere, ſemper gaudebit, quia DEus ſempiternus eſt. Tract. 74. in Joan. Accedit, quòd vitam adeo ſerenam exceptura mors ſit æque feſtiva, Alter hujus conformitatis fructus eſt, quòd grandia in nos merita, hæc virtus derivet; & amplas in cælo coronas pariat. Cùm enim ceu holocauſtum, hominem DEo totum adſcribat, & cum corde affectus, arborem, inquam, cum radice conſignet, ut vir ſis ſecundùm cor DEI: cùm præterea intellectum DEo conſecret & voluntatem, quibus in homine facultatibu

nihil præstantius est: cùm denique hæc humana voluntatis cum divina conspiratio supremus sit atque purissimus amoris actus, & quædam quasi quinta ejusdem essentia, juxta Sapientem: Fideles in delectione acquiescent illi. Sap. 3 v. 9. Et Hieronymum: Eadem velle & nolle ea demum firma est amicitia. Consequens indubitatum est, virtutem hanc DEo acceptissimam, & nobis meritorum feracissimam esse. Pacatus igitur & sanctus esse vis? Fac, ut Pater & tu, per voluntatem unum sitis

Punctum IV. Sancti omnes, sive veteri, sive nova in lege vixerint, in virtutis hujus exercitio fuere eximii. Ita Heli, flagelli sibi de cælo imminenti certior per Samuelem factus, reposuit. Dominus est, quod bonum est in oculis suis, faciat. 1. R. 3. v. 18. Perinde David qui quanquam gravissimâ premeretur adversitate, instantemque sibi filium Absalonem regno tantum non extorris fugeret, animum tamen DEo affixus, & ita testatus est: Si invenero gratiam in oculis Domini reducet me . . . Si autem dixerit mihi, non places: præsto sum, faciat, quod bonum est coram se. 2. Reg. 15. v. 25. Si dixerit DEUS: tu pones cum regno regem; tu sceptrum mutabis cum pedo; coronam cum petaso, cum lacerna purpuram, ovili

dein-

deinceps præfuturus, non Isrâeli: si dixerit ille Te Solymâ profugum, Semei, tuusmet subditus, lapidibus insectabitur & convitiis, ab eoque propalam audies: Vir sanguinum: si dixerit ille: filius tuus Absalon invadet & incestabit cubile Patris, Patre neci destinato; suum opponet solenne David: Præsto sum, faciat quod bonum est coram se: Ejus voluntas mihi potior est libertate, regno & vitâ. O animum verè heroicum! humanum, dicam, an divinum! Idem testamentum fecit in lege nova, Sanctorum omnium Regina, Virgo DEI Mater, exemplo haud paulò nobiliori, concessit in illam DEUS molestissima quæque & difficillima; nam peperit in stabulo; fugit in Ægyptum; aluit filium extremè inops; perdidit duodennem; adstitit sub patibulo morienti; detenta in vivis ad multos, post Christi ad Patrem ascensum, annos. Omnia ista tanquam DEI immissa consilio, tulit, nec aliud quidquam dicere audita est, nisi suum: Ecce ancilla Domini, fiat mihi secundum verbum tuum. Exactissimam denique virtutis hujus effigiem dedit ipse DEI filius: qui non modò quoad vixit, suam per omnia paternæ voluntatem conformavit, verùm etiam moriturus, factus est obediens usque ad mortem, mortem autem crucis, Phil. 2. v. 8.

## 156 Meditat. Viæ Unitivæ.

Eidem & tu in omnem deinceps vitam regulæ infiste, ut labores inrer & dolores nec affectu solo, nec verbis solis, sed re ipsâ, dicas: Fiat voluntas tua, sicut in cælo & in terra. Hoc signaculo quicquid agis, aut intermittis, constanter obsigna.

### LECTIO SACRA.

**E**X Thoma de Kempis 5. 6. & 49. cap. lib. 3. Ex Cibo Electo Inst. 10. part. 3. Ex libello Exercit. Reliquæ regulæ de discretione spirituum & scrupulis.

### EPILOGUS.

Ostiduanæ Recollectionis.

**F**initâ ultimâ meditatione, accurre ad Jesum Eucharisticum, ei que pro gratiis omnibus, & beneficiis, tibi Exercitiorum tempore concessis, gratias age, in eumque finem recita: Te Deum laudamus. Imperfectiones hoc ostiduo admissas deprecare & veniam pete, orando cum Davide quartum Psalmum Poenitentialem: Miserere mei DEUS. Proposita à te concepta offer, & gratiam ea implendi humillimè pete, recitatis Litaniis de dulcissimo Nomine JESU.



Ad

Ad consolidanda sua sancta propo-  
sita eaq; ritè exequenda velit pius Lector  
sæpe meminisse, quæ, & quanta agere, ac  
pati proposuerint, egerintquè & passi sint  
sequentes tres cum innumeris aliis repetitâ  
commendatione dignissimi JESU

socii. †

V. P. ALBERTUS MECINSKI.  
sic in Epistola ad Cracoviense Col-  
legium.

Reverendi Patres & Fratres charissimi

Pax CHRISTI.

**U**ltimum in hâc vitâ valedicturus hæc  
scribo; siquidem jam Dominus meus  
me vocat ad onus Crucis perferendum,  
& moriendum in illo theatro athletarum suo-  
rum, qui id sanguine suo purpurârunt: En  
jam post superatos Oceanos, & tot pericula  
terrâ marique, post captivitatem Holandi-  
cam, & alia multa mortis pericula superata  
pro Nomine JESU ultimum superest mor-  
tis genus; quod, quamvis crudelissimum,  
ferendum tamen æternæ vitæ amore gau-  
dens amplector: Post aliquot dies circiter,  
dum hæc scribo, aggrediar luctam contra  
tyrannum Spiritualem, cui præsentabimur  
ad

G7

† Ex R. P. Allegam:

ad confitendum Nomen Domini J E S U, tyrannum, inquam. ebrium sanguine Martyrum Christi. Video enim hic renovata Diocletiani tempora, & furentem Sathnam in inventione cruciatuum in caput eorum, qui evangelizant Verbum DEI. En jam canenæ, catastæ, craticulæ ferreæ, sartagine, rotæ, acus, ungibus inferendæ, cruces, vomeres, gladii & dira tormentorum genera à Diabolo inventa in oculis meis versantur; sed veniant hæc omnia inferorum tormenta; tantum Christo meo fruatur: Non reputo hæc tormenta, sed festa: Non cruces, sed coronas pridem concupiscenti animo præparatas: quæ magis invitant, quàm arceant. Gratulamini mihi, quia Domino placuit hunc Orientis hortum sanguine Aquilonis rigare, & pro peccatis, pro quibus mihi pœna ingens debebatur; me ad palmas, & coronas vocare: Misericordias ergo ejus in æternum cantabo. Nemo ita ambivit imperia, & coronas; ut ego propter Christum carnificum manus: nemo majori sedulitate ridendos mundi honores, & vanas divitias quæsivit: ut ego locum inter diros cruciatos pro Domino meo ferendos: dabunt confidentiam magnam peccatori miserabili ictus & plagæ cruentæ ante tribunal Christi: & spes vitæ æternæ erit firma, si laverò stolam meam in sanguine Agni,



Agni. Dum has recipietis, jam, ut confido in misericordia Domini, cursum peregrinationis finiam. Valete millies. Datum Insulis Philippinis, in itinere Japonico, 2. Julii 1642.

Servus in Christo designatus  
ad mortem pro Christo  
ALBERTUS MECINSKI,

**S** Acram hanc sitim placavit; quando intra septem menses centum & quinque vicibus aquarum ingurgitatione, atque earundem violentissimâ repressione fuit potatus! Exercitia erat illa Tyrannis hoc modo. Deligabatur Martyr sublimis ad palum capite subjectam in aquam narium tenuis demerso: dein funis, ex quo pendet validè contortus remittitur, ut dum pendere corporis celeri circumactu retinetur, animæ reciprocatio intercludatur, ex qua tortura mirâ vi alacer emergens, dejectus fuit capite deflexo in scrobem, in hac quinto die vultu ad amœnitatem composito obiit.

Perdilectus P. ALBERTI, Coapostolus P. MARCELLUS MASTRILLUS, Marchio Neapolit. sequentia proposita ab aspectabili XAVERIO sibi dictata elicuit. Me, O DEUS Tibi totum dedico in perpetuum, & oro suppliciter gratiam pro Te fundendi sanguinem, quam Indiarum Apostolus consequi

sequi non meruit, mihi licèt indignissimo largiaris, Amen. Abrenuntio Parentibus, propriæ Domui, amicis, & omnibus, qui mihi retardare possent Indicam missionem: me totum dico in animarum salutem apud Barbaros Ad cognatum P. Gabrielem sic scribit. Vado plenus desiderio & consolationum Spiritualium, vacuus omnibus cogitationibus, & curis terrenis: DEUM meum solùm quærens tantùm Paradyso vicinior, quantum omni terræ solatio remotior: Tantò jam delibutus sum gaudiò: ut quasi impos alienari à me videar; plena equidem ærumnarum, latrociniorum, famis & luis fuit navigatio mea, sed & plenissima gratiarum, ac desideriorum exitit. Candentibus dein in Japonia forcipibus ustulatus animadvertens eas corporis partes procaciter attentari, quarum verecundiâ magis, quàm dolore lacefferetur, perhumanè Carnifices ab hac incivilitate dehortatur dicendo se libentissimè reliquam carnis compagem assandam offerre. Violentam quoq; aquarum infusionem, & vehementem earum evulsionem bis deficiente quantumvis corpore ita fortiter sustinuit ut spiritu indeficiens tortores sit affectus amici inquiens: Nulla vos capiat admiratio, si fors me destitui viribus videritis: Etenim licèt deliciis non insueyerim, tamen humanæ imbecil-

imbecillitatis sensum non exui: constat fatisciente corpore sibi animus ad omnia, quæ irrogare vobis lubuerit tormenta paratissimus. Et quid optabilius evenire mihi poterit, quàm mortem pro Christo subire. Ad mentem quoq; vulgò Martyrum exurbe Nangasacò strigoso sonipedi impositus, & curtâ togulâ genuum tenus, cætera nudus, manibus à tergo vinctis, lupatò ferreò os constrictus, dexterâ capitis parte rarus tanta vultûs amabilitate processit: ut aridentis more inclinato ad salutationem vertice adstantes sit veneratus, Pendulus demùm per quartum diei vesperum in mephitica fossa, cùm à custodibus interrogaretur, num quò egeret (nam mortuo similis hæserat) reponit. Sinite me meis deliciis perfrui. Tandem intimatâ capitis sententia, ipse quasi diu expectatò nunciò mirè exhilaratus reponit: Bene est, hoc pridem opperiebar: tum veniam laboris ab Executoribus petiit, & genibus provolutus post indemnes duos prævalidi acinacis ictus ad tertium, sibi insignendum animans Carnificem dicit: Fili, exequere in me Gubernatorum tuorum iussa, egoq; pro nomine Jesu libens moriar.

**R.** P. Carolus Spinola Italus à gloriosissimo ortu & dolorosissimo obitu perquam

quàm celebris, exuberans animi sui solamen  
ad perpetiendas pro Christo pœnas sic in e-  
pistola sociis innuit. Fratres charissimi:  
Et quando tandem illud erit tempus vel di-  
es, vel hora, vel momentum? quàm suave  
est vel solâ recordatione pro Christo perpe-  
ri supplicia, & mortem ipsam? quid igitur  
ipsa mors foret? Hæc & similia eruëbat an-  
helum & siticulosum Martyris pectus. Néc  
aliàs unquam tantô delibutus fuerat jubilô,  
quàm quando per quadriennium coarctâ-  
tus scarebat in teterrima custodia, quæ palis  
sic hiantibus circumsepta erat: ut captivi æ-  
state sole torrerentur, hyeme ventis, ac ni-  
vibus pervii semineces rigerent. Adeo an-  
gusta, ut nemo captivorum plus haberet  
spatii, quàm duorum palmorum & trientis,  
prorsus ut noctu nequirent ad captandam  
quietem se extendere. Eorum vita erat per-  
petuum jejunium, adeoq; asperum: Ut sa-  
tis cibi quidem semper suppeditaret ad ar-  
cendam mortem, sed nunquam ad compri-  
mendam famem. His adde graveolentiam  
intolerabilem ex multitudine hominum  
tam angustô locô conclusorum, ex flatu-  
um aërisq; corruptione, ex præsentî cloacâ,  
ex sudore corporum, quæ nunquam sicca-  
bantur, contractam: cum neq; recentibus  
lintheis, mutare obsoleta, neq; lavare jam in-  
quinata permetterentur. Hinc tanta pullu-  
labat

labat animalculorum sordiumque vis: ut morsibus, aculeisque confixi Confessores nullam unquam quietis partem caperent. Atque ut experirentur vivi, quod nullo doloris sensu à mortuis, percipitur, à summo vertice ad imos usque pedes omnis generis vermibus è corrupta materia procreatis operiebantur, quæ materia, quoties pluebat, exundante latrinarum cloacâ, pavementum custodiæ innatabat. Ex hoc ergastulo invictissimus Heros Spinola hilaris processit ad rogam, in quo per trium horarum allambentem flammam se velut jubilans Phoenix DEo incineravit.

#### AFFECTUS MISCELLANEI.

**D**Eprime sub pedes DEI tui superbum caput vilis creatura. Ah! etiamnum superbis? Indigna es, quam suis pedibus dignetur JESUS tuus. Conculcent te damnati omnes, ac ipsi demones, quorum tu iniquitates es supergressa, ego Filium tuum crucifixi, ego sanguinem ejus, & infinita merita proculcavi.

**O** Patientia incredibilis! O misericordia infinita! tu, non ferre tantum delinquentem, sed novis etiam beneficiis cumulare potuisti.

**Q**uot tu, justissime DEUS, minorum scelerum reos in momento ad infernum præcipitasti? Angelos, tam excellentes creaturas

aturas ad unius duntaxat cogitationis consensum in ignem æternum detrustisti: mihi ut parceres, ut dissimulares, quid te movit? An quidquam toto vitæ decursu præstiti, quod oculis Divinæ Majestatis tuæ placere potuerit.

**O**bscuro te æterne Pater, per misericordiam tuam infinitam; te Fili unigenite, per tuum in peccatores amorem; te Spiritus Sancte, per tuam benignitatem, SS. Trinitas, per sanguinem, & merita Christi, parce, parce misero peccatori. Amplius crucifixe JESU, amplius lava me vel unicâ guttulâ tui sanguinis à peccatis meis. Adgeniculor Crucis tuæ, indignus licet, expecto misericordiam tuam.

**G**ratias tibi ago DĒus meus, quod peccantem me, & non poenitentem, hucusque conservaveris, neque statim meritis poenitis addixeris, otiumque dederis animæ meæ calamitatem agnoscendi, ac detestandi; quod mille aliis non concessisti, quos prius mors & æterna damnatio occupavit, quàm præstare id possent.

**A**gnosco vilitatem meam, DĒus infinitæ Majestatis. Infra nihilum descendi, quia te offendi. Et merui, & volo ab omnibus contemni, & vilipendi, volo non expectare tantum, sed quærere, & ambire contemptum  
mei



mei occasiones. Confirma hanc voluntatem meam, pro me toties despecte JESU.

**I**NDignus sum, qui accedam ad thronum misericordiae DEI, quam impudentissime despexi, Tu unica, & potens peccatorum Advocata, DEI MATER MARIA, quæ nullum in te confidentem despicias, ostende pro me Filio tuo ubera, quibus cum lactasti; & per merita tua impetra mihi à justissime irato DEI misericordiam. Tu Angele mi Tutelarior, cui curæ sum ab infantia; per gaudium illud, quod habes super uno peccatore poenitentiam agente; Vos SS. NN. Patroni mei. Sancte PETRE, qui unum peccatum toto vitæ tempore incessanter deplorasti aliquid poenitudinis, & lachrymarum mihi indulge.

**A**Mo te DEUS meus; ac tu scis, quia nihil amo, nisi te. Non sufficit cor hoc sentire, non lingvâ loqui. Sic ergo paciscor tecum DEUS, de minimo quocunque motu interno, & externo animæ, cordis & corporis mei; de omni mea æquè dormientis, ac vigilantis aspiratione, de omnibus & singulis, quæ sunt, & erunt creaturarum motibus; de singulis Beatorum tuorum, & SS. Matris, ac JESU mei redemptori actibus, sint signa mea, quibus meum in te amorem loquar. Quidquid horum aspicias D E U S.

in eo tibi ego loquor: amo te amabilissime  
DEUS.

**O**Mnia mea, tua sunt Domine; quia omnia  
tua voluisti esse mea, quid habeo, quod  
à liberalitate, & misericordia tua non acce-  
pi, & quia accepi, rursus tibi sincerissimo  
gaudio offero, corpus meum, & animam  
meam, omnes sensus & potentias meas, in-  
tellectum, memoriam, & voluntatem me-  
am. Non aspice, quod mea sint; sed quod  
tua; & pretiosissimo sanguine Filij tui tibi  
vindictata.

**O**Cur non habeo tantum amorem, quan-  
tum Spiritus Seraphici, & omnes coeli-  
tes! & finities majorem! O utinam habe-  
rem tot corda, quot sunt in coelo stellæ, in  
aëre atomi, in mari guttæ in terra pulveres,  
ut omnibus ijs & super omnia Te possem a-  
mare! sed quia alius amor nullus est, quàm  
amor tuus æternus, & infinitus, & ejusdem  
tecum naturæ, ideo cum tibi offero: Tu  
Te ama quantum es amabilis: mihi autem  
da tantum Te posse amare, & timere, quan-  
tum ab aliqua creatura amari & timere po-  
tes: O amor & timor amoris & timoris mei

**D**omine si vides, quòd aliquando Te off-  
fensus sum, hoc potius momento me  
acerbissimâ morte tolle, quàm ut permittas  
me ad infelicissimum illud tempus supervi-  
vere.

Fir-

**F**irmiffimè ſemel pro ſemper coram tota  
cœleſti curia ſtatuo, quocunq; tempore  
me mors occupaverit, quod ex integerrimo  
corde, amore ſolius Bonitatis Dei doleam  
de meis & alienis peccatis.

ORATIO FINALIS.

Ex S. AUGUSTINO,


**P**er ipſam Medicinam vulnerum noſtro-  
rum, videlicet amariffimam Paſſionem,  
& mortem tuam Domine JESU Chriſte  
ſupplico pietati bonitatiq; tuæ: Ut diligam  
te DEUM Redemptorem meum ex toto  
corde meo, ex tota anima mea, & ex totis  
Viribus meis & omni intentione mea cum  
multa reverentia & tremore, cum multa  
cordis contritione & lachrymarum fonte,  
habens te in corde & ore & præ oculis meis  
ſemper & ubiq; Da mihi cor contritum,  
cor purum, cor ſincerum cor devotum,  
cor caſtum, cor mite, cor ſobrium, cor  
manſvetum, cor tranquillum, cor tui deſi-  
derio plenum, cor providum ad omnia &  
diſcretum in cunctis, cor ſimplex, & nihil  
mali ſentens de proximis meis, cor compa-  
tiens alienis doloribus, & miſerijs, cor con-  
gaudens aliorum bonis & virtutibus; ut  
poſſim flere cum flentibus, & gaudere cum  
gaudentibus. Da mihi mentem tam ſim-  
plicem, tamq; mitem, ut, de injurijs aliorum  
doleam

doleam; de meis verò gaudeam: Ut de laudibus alienis exultem, de meis autem contrister. Da mihi Domine cor micissimum & tantæ mansuetudinis plenum, ut à nullo homine unquam timeri quæram vel amari præ te. Verbum tuum timeatur, & ametur: Propter te ament & revereantur me: Et te laudent, cum aliquid boni ex dono tuo viderint in me; Abscinde à me omnipotens omnem appetitum inanis gloriæ, & omnem fastum superbiæ & invidiæ, ut cor meum de bonis tuis nunquam elevetur, nec de alienis invideat. Doleo cordialiter me unquam te, quem amo super omnia, offendisse, spondeoq; me milles velle mori, quàm te offendere.

FINIS



de  
m  
i-  
à  
el  
&  
ur  
o-  
o-  
o-  
e,  
e-  
r-  
er





Biblioteka Jagiellońska



stdr0023290

